



THE  
WILLIAM R. PERKINS  
LIBRARY  
OF  
DUKE UNIVERSITY



Rare Books

JOH. GOTH. de BOECLER  
TRACTATIO SYNOPTICA JURIDICA  
POLITICA

MATERIA VALDE UTILIS NECESSARIA

DE

# JURE HOSPI- TIORUM

GERMANICE

von

**Gast = Recht/**

ITEM

JOH. SCHILTERI J.U.D.

DISSERTATIONES

DE

# JURE HOSPITIS

✻ (o) ✻

---

QVEDLINBURGI ET ASCANIÆ.

SUMME GOTLOB ERNESTI STRUNTZII

"ANNO 1721."



THE UNIVERSITY OF CHICAGO  
LIBRARY

1920

# THE JOURNAL

OF THE

AMERICAN

PHYSICAL SOCIETY

1920

CHICAGO, ILL.



## CAPUT. I.

DE

ETYMOLOGIA, SYNONYMIA, HOMONYMIA,  
PARONYMIA VOCABULORUM HOSPITII,  
ET HOSPITIS.

I.

**C**Um Jcto Legumque interpreti ipsarum vorum,  
legibus comprehensarum, nativa obscuritas in-  
signe soleat faceffere negocium, non quidem  
potiorem, priorem tamen vocabulorum in ipso  
tractationis hujus limine curam pariter fuscipere, eoque  
feliciorem progressum nobis exinde sperare, haud equi-  
dem pigebit. Vid. in hanc rem defultorie multa quidem  
corrafa ap. Hering. *de Fidejuffor. cap. 2.* & Ruland. *de*  
*Commissar. lib. I. c. 2.* ex solidioribus autem & firmisfimis  
rectæ rationis principiis demonstrata à Magnifico Dno.  
JOHANNE EICHEL. Serenisfimorum Ducum, Brunsvi-  
censis & Luneb. Confiliario intimo, nec non Saxoniz  
Inferioris Cancellario &c. &c. Dno. Patrono ac Affine,  
Parentis instar, mihi devenerando, *in dissert. de Inter-*  
*pretatione Legum, cap. 9. & multa seqq.*

II.

Hospitii proinde vocabulum a voce *Hospitis* oriri vi-  
detur, non secus ac a *justo* justitia, a *mæsto* mæstitia We- *Etymolog.*  
senb. *in parat. ff. de just. & jur. n. 3.* & DD. comm. *in*  
*pref. eod.* Hospes autem non inepte deducitur a Græco  
ὅσις, quod flexu Æolico ponitur pro ὅσις, qui veteribus  
dicebatur peregrinus, Becman, *de origine Lingue Latin.*  
*verb. Hospes*, uti Cretenses pro ὁδὸν, dixerunt σπαδιόν,

unde Latinis est spatium. Vossius, *in lexic. Etymol.* Alii respectu habito ad Hospitem, quem dicimus passivum, deducunt vocem Hospitis ab hostium & pes, ut hospes sit quasi *hostipes*, qui habet pedem in hostio nostro. Hostium autem ponitur pro ostio l. 1. §. 10. ff. de ventr. inspic. unde hostiarii, qui ostium custodiunt. l. 12. ff. de instr. & instrumentum legat & apud Suetonium lib. de claris Oratoribus mentio fit Lucii Ottacilii Piliti, clari Rhetoris, quod hostiarius fuerit, & catenæ alligatus circa ostium, de quo more obiter notari potest ille Ovidii versus :

*Janitor indigne dura religate catena*

Sic hostiarii templorum in l. 61. Cod. de Episc. & Cler. Isidor. orig. lib. 7. c. 12. Hostiarii Magistratuum, Tholosan. in syntagm. jur. lib. 47. c. 40. n. 10. & 25. Non infrequens enim est Latinis, addere aspirationem, studio & exemplo linguæ Atticæ, nonnunquam, & frequentius, adimere, vel omittere eam. Gellius lib. 2. Noct. attic. c. 3. Lacerda ad Virgil. Æn. 6. vers. 43. pro scribentis scil. arbitrio. Phil. Caroli ad Gell. d. loc. Atque hæc vocabuli Hospitis derivatio magis videtur approbanda, quippe quæ prisco hospitii contrahendi more, ac solennitate consveta confirmatur. Veteres siquidem, mutua hospitii jura constituentes, ad ostium progrediebantur, pedemque in eo ponendo, junctis dextris, sibi invicem fidem promittebant, postmodum intrantes domum, juxta illud Virgilii 3. Æneid.

*Jungimus hospitio dextras, & tecta subimus.*

### III.

*Homang.  
mja.*

Sumitur porro vox hospitis varie, & quidem l. tam in activa significatione pro eo, qui recipit, quam passiva pro eo, qui recipitur Gloss. in l. 1. §. 3. verb. vectoribus ff. de exercit. action. Servius ad Virgil. Æn. lib. 4. vers. 532.

Laur.



Laur. Valla, *lib. 4. Elegant. c. 82.* Utramque significatio-  
nem habet Ovid. in illo vers. *lib. 1. Metamorph.*

- - nec hospes ab hospite tutus

& Cicero *pro Dejotaro: Per dextram ipsam, quam hospes  
hospiti porrexisti.* Pari modo Græca vox ξένος tam active,  
quam passive sumitur. Eustath. *ιλ. σ.* ut 'ικέτης & 'ικετεύσας,  
sic ξένος & δεχόμενος τίνα εἰς ξενίαν & δεχθεῖς. Stuckius *Antiq.  
Convival. lib. 1 c. 27.* & occurrunt apud Latinos plurima e-  
jusmodi vocabula. Sic amicus dicitur, qui amat, & qui a-  
matur, vector, qui vehit, & vehitur. Virgil. *Eclog. 4. versf.  
38. l. 1. §. 3. ff. de exercit. action. l. 4. §. 3. ff. ad L. Rhod. de jactu.*  
& juxta Accursium in *l. 1 C. quæ res pignor.* alumnus voca-  
tur, qui alit, & qui alitur. Nonnius *de propriet. sermon. c. 4.  
n. 25.* quod tamen de priori rectius negare videtur. Laur.  
Valla *lib. 6. Elegant. cap. 1.* Felicior Teutonica nostra hoc  
passu lingua, quæ singulis nominibus personas in hospi-  
tandi actu distinguit, susceptorem Wirth, susceptum Gast  
appellando. Neq; tamen absonum adeo censendum, uno  
hospitis vocabulo utramq; personam exprimi; reciproco  
enim officio absolvebantur familiaria hospitia. Speidel *in  
speculo suo verb. Herberge,* unde etiam hospitibus dimidi-  
ata dabatur tessera, ut adeo reciprocæ obligationi promi-  
scuum hujus vocis, tam de persona agente, quam patiente  
usum non inconcinne forte tribuere possis. Accipitur  
autem in prima hac significatione hospes iterum vel late,  
vel stricte. Late tam pro eo, qui recipit, quam qui recipi-  
tur, sive gratis hoc fiat, sive pro mercede. Stricte pro eo,  
qui recipit, sive recipitur gratis, idque vel (1) jure famili-  
aritatis & amicitix mutux, qualem hospitem Frisius *in  
Lexico suo* haud incongrue ita describit: Ein Freund, der in  
einem fremden Lande wohnet, zwischen welchen, und mir et-  
ue fröliche Freundschaft, und Bündniß ist, daß wenn er in  
A 3 meinem



meinein Lande kommt, lebet er freundlich, und ohne seinen Kosten bey mir ein, dergleichen/so ich zu ihm komme, werde ich auch von ihm Gastfrey gehalten. Sic Cicero *lib. 13. ad Fam. ep. 19.* Lysonem vocat hospitem, & familiarem suum, & in *Verrem. 2. Proponerem*, ait, jam meis hospitibus, ac necessariis &c. & 2. de divin: Cum duo Arcades iter facerent, alter ad cauponem divertit, alter ad hospitem ubi hospes cauponi contradistinguitur. vel (2) subjectionis, aut servitutis. tot. tit. *C. de salgam. hospit. non præv. l. l. C. de episc. & cler. & passim.*

## IV.

II. Sumitur vox *Hospitis* pro *Peregrino* Cicero *lib. 1. Acad. Qui in nostra*, inquit, *civitate peregrinantes, errantes, tanquam hospites* &c. Terent. in *Andr. act. 4. sc. 6. vers. 16.* Nunc me hospitem i. e. peregrinum lites sequi. Cicero in *Bruto*: Tulit moleste, se non effugere hospitis speciem. Sic etiam *Æt. vos* opponitur τῷ ἄλλῳ, Pollux in voce ἀσέβης. Differunt tamen peregrinus & hospes in eo (1) quod *peregrinus* vocetur, qui in civitate sua non est, *hospes*, qui in aliena est, vel *peregrinus*, qui ex nostra civitate ortus non est, *hospes*, qui in nostra est. Laurent: Valla *lib. 4. Elegant. c. 82.* allegans hæc verba ex Cicerone: *Vos soli in hac urbe hospites estis, vestra peregrinantur aures*, (2) quod hospes possit esse ejusdem territorii, peregrinus vero non. Sic Helmstadiensis potest in alia Brunsvicensis ditionis civitate esse hospes, non tamen est peregrinus, quia eandem patriam habet, peregrini autem, proprie sic dicti, non habent eandem patriam. *Novell. 86. præf. Reinh. Condit. de Fide Polit. lib. 1. cap. 4. n. 13.* III. sumitur vox *Hospitis*, sed metaphoricè, pro *ignorante*, & *in scio*. Cicero *lib. 2. de Orat. In consuetudine civitatis, in exemplis, in institutis, in moribus & voluntatibus civium suorum hospes*. In eo significato etiam repetitur

ritur vox ξένος apud Aristot. 3. *Rhetor.* οὐδ' ἐστὶν ξένος ἀπὸ τοῦ ξένου, IV. itidem improprie pro qualibet re fortuito accidente, f. casu, qui nobis occurrit, uti etiam Germani de insperato casu dicunt; das ist mir ein selbamer Gast, item: was ist das für ein Gast?

V.

Uti vox Hospitis, ita etiam *Hospitium* varie accipitur; & quidem I. pro loco, ubi quis recipitur, & sic vel *lare*, ubi quis, sive gratis, sive pro mercede recipitur, ut in illo apud Ciceronem *de Senectute*: *Ex hac vita discedimus, tanquam ex Hospitio*, Isidorus *lib. 15. origin. c. 3.* hospitium est, ubi quis ad tempus hospitali jure inhabitat, & iterum inde transiens migrat vel *stricte* (1) pro loco f. receptaculo gratuito. Plautus *in milite*: *Hospes nullus tam in amici hospitium divertii potest* (2) pro loco f. receptaculo mercenario. II. sumitur vox hospitii pro munere & onere hospitandi, idque vel ex jure familiaritatis & necessitudinis mutuae l. 5. §. 2. & ibi Godofr. ff. *de captiv. & post l. revers.* Quomodo Cicero loco *supr. alleg.* ait: sibi cum Lysone vetus hospitium fuisse, quod Laurent. Valla *lib. 4. Elegant. c. 82.* explicat *amicitiam familiariter, vel mihi hospitandi apud illum, vel illi apud me*, & Livius *lib. 25. c. 18.* & *lib. 42. c. 40.* vocat hospitium, quod *lib. 1. c. 1.* vocavit jus hospitii; vel ex jure subjectionis f. servitutis, juxta ea, quæ jam tetigimus supra Thef. 3. in fin. III. pro ipso acturecipiendi, f. ipsa hospitii præbitione. IV. metaphorice iterum pro receptaculo cujusvis rei, sive animatæ, sive inanimatæ, sic dicitur hospitium calamitatis, confidentiæ apud Plautum; hospitium navium pro portu apud Florum *lib. 1. cap. 4.*

VI.

Synonymiam quod attinet, vocatur hospes activus, qui *Synonymia* pro mercede recipit, alias (1) Caupo d. l. Ciceron. *lib. 2. de di-*



de divin. Seneca lib. 1. de benef. c. 4. Nemo, ait, cauponem  
hospitem vocat suum, nullum cum eo jus est hospitii, jung.  
Vossium de vitis Ling. Lat. I. 27. Rader. ad Curt. lib. 4. c. 1.  
ad illa verba: erant Hephæstioni hospites clari. Olim dictus  
est Copo. Festus in vocab. Copo, cepona. non caupo, vel  
capo, uti hodie. Scaliger. in Varron. lib. 4. de Lingv. Latin.  
(2) Tabernarius; hic enim idem est cum Caupone, Dua-  
ren. ad Tit. Nauta, Caupones. (3) Stabularius. Tertullian.  
in Apolog. c. 39. Herculænarum decimarum, pollinctorum  
sumptus stabularii supputabunt: Plautus: pallium stabu-  
lario dedi. Apulejus lib. 2. de Asino aur. sume sarcinulam,  
& pretio stabulario persoluto, capeffamus viam; quamvis  
proprio magis, & strictiori significatu stabularii dican-  
tur, qui stabulum exercent, pro recipiendis jumentis &  
pecoribus. l. 1. §. caupones & l. 5. §. 1. ult. ff. naut. caup.  
stabul. ubi Prætor stabularios à Caupone distinguit (4)  
Hospitator. Apulei. lib. 4. de asin. aur. (5) Græce πανδο-  
χος, q̄s ὁ πάντα παραδεχοµένος, interprete Suida. (5) ξενο-  
δόκος teste Eustathio od. 7. (7) σεγανόμος, unde σεγανόμιον,  
merces, quæ cauponi datur. 8. Germanice, Ein Wirth,  
probabiliter à Warten, sive expectare, sive curare; utrum-  
que enim convenit subjecto. Luc. 10. vers. 35. dicitur παν-  
δοχῆν quod vulgata vertit, curam habe, Lutherus nostro  
idiomate: Wartesciner. Alii à Wirth, i. e. pretio, dedu-  
cere malunt hanc vocem, sed minus congrue, ejusmodi  
enim derivatio strictior est suo derivato, neq; enim con-  
venit gratuitis hospitiiis, gratuitum autem hospitem et-  
iam vocamus Wirth. (9) Gastgeber, Gastwirth, apud Mi-  
snos enim vocem Gastipsum hospitium denotare, & in-  
de vocem Gastgeber ortum, ex Amerpachio tradit Spel-  
man: in Glossar. voce: Gastadus. (10) Græce ab adjuncto  
πάτηλος, παρὰ τὸ κακὺλον τὴν πύλον i. e. à corrumpendo vi-



num, ( qui mos est cauponum ) nam πῆλος idem est quod  
 δῖνος Suidas in voce ἀμπηλος. J. Scaliger. lib. 26. de lingv.  
 Lat. Hospes passivus dicitur alio nomine (1) *diversor*. Ci-  
 cero. *de invent.* *Caupo*, ait non multo post clamat, hominem  
 esse occisum, & cum quibusdam diversoribus illum, qui ante  
 exierat, consequitur. (2) Germanicè, ein Gast, unde vox  
 Gastaldus, à Gast, & haldian, custodire. Spelman. in *Gloss.*  
*d. l.* quamvis vocabulum Gast, olim usurpatum de homi-  
 ne, ob virtutem vel vitium aliquod raro, præ cæteris cor-  
 spicuo, & insigni. Sic apud auctores Salicæ Legis vocan-  
 tur Wisogastus, i. e. prudens homo, Losogastus i. e. cautus  
 & astutus, Husogastus i. e. bonus Oeconomus, Salvoga-  
 stus, i. e. rerum proletariarum, & ad infimam plebem  
 pertinentium, studiosus. Vid. *præfat. legis Salicæ in Cod.*  
*legum Antiq. Lindenbrogii.* Camerar. *horar. subcisu.*  
*cent. 3. cap. 64.* Befold. in *thes. præct. verb. Gast.* Hospes,  
 quatenus peregrinum denotat, vocatur alias forensis, ex-  
 traneus, quæ vocabula Barbara appellat Laur. Valla. lib.  
 4. *eleg. c. 82.* Græcè ἀποικος, qui domo profectus est &  
 peregrinatur. l. 7. c. *de incol.* Germanicè ein freunder Gast,  
 Sächisch. Weichbild art. 47. in *Gloss. n. 15.* & art. 68. ibi in  
*Gloss.* indeque dicitur, das Gastrecht, quod in favorem  
 peregrinorum inductum est.

VII.

Hospitium, quatenus locum denotat, dicitur alias I.  
 mansio. l. 18. §. 10. & ibi Godofred. ff. *de muner. & honor.*  
 Brissonius in l. 11. *de V. S. voc. mansio.* Sic apud Sueton. in  
*Vespas. c. 10.* deinde ad primam statim mansionem febrim  
 nactus, ubi vid. Bernegg. in not. & junge Barthium lib. 45.  
*advers. 5. in pr.* & Bernegg. *ad Iustin. lib. 13. histor. c. 8.* II.  
 Isocrates in *Panegy.* & Aristot. in *Polii.* vocant loca hæc, ubi  
 peregrinantes noctu recipi solent, ἀλλὰ γὰρ καὶ συήματα

vid. Francisc. Raguell. ad l. 46. C. de episc. & cleric. III. dicitur Taberna. Sic apud Ciceronem, aliosque passim: *divertere in tabernam*, quia vero Tabernæ vox generalis est, & multas species sub se complectitur, Goddæus ad l. 138 ff de V. S. Aug. Barbofa de appell. verb. signif. appell. 257. n. 1. iccirco, ad differentiam, solet addi vox: *diversoria* uti apud Plautum in *Menechm.* & Sueton. in *Neron.* c. 27. vel vox: *Cauponia* l. 13. pr. ff. de R. N. vel vox: *meritoria*. Vide Laur. Vallam. de ling. latin. lib. 4. c. 82. IV. *Caupona* l. 29. pr. ad l. Jul. de adult. Cicero in *Pison*: Tibi, inquit, *solitudo erat profrequentia, caupona pro oppido*, unde oritur diminutivum *Cauponula*, Cicero in 3. *Philipp.* de *litescere in cauponula*, & ibi *perpotare usque ad vesperam*, item adjectivum: *Cauponius*, a, um, sic apud Plautum: *Cauponius quer, ein Gastwirths Diener.* *Cauponiae artes*, Justinus l. b. 1. *cauponium instrumentum*, d. l. 43. §. *lenocinium* ff. de R. N. l. 15 & 17. §. ult. ff. de instrum. legat. V. *meritorium*. Juvenal. *satyr.* 3. VI. *diversorium*, quod Isidorus dici vult quasi ex diversis viis ibi conveniatur & communiter scribitur *diversorium*, quamvis alii velint scribi *deversorium*, cui opinioni adhærere videtur Godofredus, qui in not marginalibus passim, imo fere semper, pro *diversorio* ponit *devorsorium*. Cicero lib. 6. ad *Famil. ep.* 19. *Falernum* inquit, *mibi semper visum est diversorium idoneum.* & lib. 10. ad *Attic. ep.* 5. *diversorium illud possum emere de Canulejo.* Et lib. de *Orat.* 2. ait: *Requiescam in Cesaris sermone, tanquam in aliquo opportuno diversorio.* VII. dicitur *stabulum*, Apul. lib. 1. *Ego vero, quod primum ingressus stabulum, conspiciatus sum* &c. vid. Stuck. antiq. convival. d. l. 28. & ita videtur sumi in l. 198. ff. de V. S. ubi Goddæus, uticiam *stabulum* *παραδοχίον* vertit Theophil. in §. *pen. 1. de Obl. ex quasi delict.* & *stabulum a stando* de-



derivat Magon. *decif. Florent.* 112. n. 57. ubi longo itinere. fessi stare solent. IIX. hospitale. Vitruv. *lib. 6. de Re militi* Voss. *de vitis Ling. Lat.* I. 33: habuerunt enim veteres propria quædam triclinia, quibus hospites recipiebant, quæ hospitalia vocabant; quomodo in Sueciâ hodie in singulis fere pagis reperias. IX. Græce ξενοδοχεῖον. ξενονο. μείον παρτοδοχεῖον quod *Suidas* τὸ πάντα ὑποδεχόμενον ὀνηρία interpretatur. X. nos, vernaculo nostro idiomate, cin Galt hoff, Wirthshaus, Schenken, Einkehr, Ausspann, Herberge. Nomina, quæ cum lacte prope materno imbibimus; Ex hisce, vox Herberge deducitur ab heer & bergen; heer enim idem est, quod *commune*, hinc *Besold. lib. I. Polit.* 12. n. 4 & *Martin. in Lexic. Etym. voce Burgus* interpretatur *Heerweg* communem viam, & vocem *Heerhog*, quod ducat communitatem aliquam *Gorop. Becanus lib. 7. Herma-then.* pag. 169. Bergen autem idem est, quod recipere, celare, ut *Herberge* dicatur, quasi receptaculum commune, darin sich ein ieder mann kan bergen, ab injuria scil. cæli, hominum, &c. alias metuenda; quomodo & domus cuique sua tutissimum receptaculum perhibetur, nec enim minus securus esse debet hospitio receptus, quam quisque in ædibus suis. Vide *Limnæ; lib. 4. Jur. publ. c. 2. n. 3. & lib. 7. c. I n. 21.* Alii vero originem huic voci tribuunt a verbo *Albergari*. *Klock. de contrib. c. I. n. 190.* quod *Italis* est hospitari. *Knichen. de jur. territor. cap. 4. n. 418.* Sed vix est, ut persuadeant nobis, quæ manifestam originem significationemque rei convenientem in vernacula nostra reperiunt, ex Italia ut petamus. Hæc ipsa vox, *Herberge*, autem non tantum locum sive tabernam, sed nonnunquam jus tabernæ erigendi denotat. *Klock. Conf. 3. n. 128. tom. 1.* Porro hoc ipsum diverforium, sive quo alio nomine appelles, intelligitur vel *generaliter*, de



de id fiat. Indeque Struckius *antiq. convival. lib. 1. c. 23.* recte dividit diversorium in publicum, & privatum, illudque cum tabernâ meritoria idem esse, dicit; vel *speci- aliter*, quatenus opponitur hospitio gratuito, Quemadmodum Cicero *Ep. Fam. 7. Næ ego libentius emerim diversorium Tarracina, ne semper hospiti molestus sim* junge Manutium *ad Ciceron. Epist. Famil. passim.* qui latius differentiam Cauponæ, Taberne & diversorii tradit. Sed & *diversoriolum* Cicero dixit, quando Sinuessani meminit. *lib. 14. ad Attic. Ep. 8.* Porro diversorii vox, quatenus significat ipsum actum, sive exercitium hospitandi denotat, dicitur alias hospitatio; quæ hospitatio, si gratuita, retinet nomen *hospitationis*, & dicitur Græcè *ξενοδοξεία*; si vero necessaria, & simul mercenaria est, frequentius, & proprie magis dicitur *Cauponatio, stabulatio* Græcè *πανδοξεία*; si necessaria, & simul gratuita, dicitur *Metatio & Metata*, nempe hospitia, quæ supervenientibus militibus, vel aliis personis provinciales exhibent. Walther. *de metat. 2. § 6. tot. tit. C. de metat.* & vocatur alias hospitatura. *l. 3. §. 13. ff. de mun. & honor. l. 10. §. 2. ff. de vacat.* item Albergeria, Germ. *Abung, Ablager, Nachtlager, Gastung.* Etiam hoc significatu, quatenus hospitium denotat jus, sive munus recipiendi, dicitur alias Græcè *ἐπιστάμεια*. *l. 6. §. 8. ff. de excus. tut. Renat. Choppin. lib. 3. de sacrapolit. ia;* ibi: munus milites recipiendi, dicitur *ἐπιστάμεια.* Panciroll. *lib. 3. var. lect. c. 31. Tabor. de metat. p. 1. sect. 1. cap. 2. in fin.* item jus hospitalitatis *l. 2. v. illustribus C. de metatis.* & munus hospites recipiendi *l. 3. C. de muner. patrim.* Jus Albergariæ; & a concomitante, hospitum molestia. *l. 3. C. de metat. hospitum inquietudo. l. 4. C. eod.* Quatenus denique hospitium denotat jus, seu necessitudinem reciprocam, hospitio recipiendi, vocatur alias *ξενία*.

ἑνὸς ἑνός, ἑνὸς μὲς uti ex Lexicographis Græcis patet,  
item Elemporia. l. fin. §. 18. ff. de mun. & honor.

VIII.

A voce *hospitis*, & *hospitii* multa paronyma sunt. Inter *parony-*  
illa est *hospitius*, a, um, inde apud Virgil. 3. *Æn.* hospita æ-  
quora, & terra hospita. Stat. 1. *Achill.* & Ovid. 1. *Fastor.*  
navis hospita, cujus contrarium est *inhospitus*, ut ap. O-  
vid. 1. *Metam.* inhospita tecta, & Virgil. 4. *Æn. v.* 41. in-  
hospita Syrtis, quæ verba *de la Cerda* quidem intelligit  
non tam de ipso loco maris, quam de Afrorum feritate,  
qui suis finibus hospites arcerent, non tamen inepte de ip-  
sis Syrtibus explicabimus, verbis, & sensui Poetæ inhæ-  
rentes. Ex eodem vocabulo descendit vox *Hospita is*,  
*gastrey*, quomodo Cicero 3. *in Verrum.* non solum homi-  
nes hospitales, sed & Seneca. *Epist.* 103. locum vocat ho-  
spitalem, Florus etiam lib. 1. *hist. c.* 10. nihil inquit, *hospi-*  
*talius mari.* Contrarium est *inhospitalis*, sicuti Plinius l.  
6. *in præf.* Pontus Euxinus antea, ab inhospitali feritate,  
& *ἄξερος dictus*, & Horatius Caucasum vocat inhospitalem.  
Amplius hinc descendit quoque *Hospitalitas*, quæ virtus  
moralis est, *Græce φιλοξενία* 1. *Tim.* 3. v. 2. Cicero 2. *offic.*  
cui ex adverso opponitur *inhospitalitas*. Cicero 4. *Tuscu-*  
*lan.* Sane hospitalitas etiam in jure sumpta reperitur pro  
ipso actu, & pro nuda receptione in domum l. 5. ibi: *solum*  
*hospitalitatem* C. de *metat. tot. tit.* Cod. de *salgam. hospit.*  
*non præst.* Sed & ex verbo hospitii manat verbum ho-  
spitari, idque usurpatur de cujusvis rei existentia, signi-  
ficatu plane generalissimo, sic Plinius: *nescit hospitari*  
*castanea.* Senec. *Ep.* 10. *in quo cognatus aliquis spiritus ho-*  
*spitaretur.* Denique etiam adverbium *hospitaliter* est  
apud Livium.



## CAPUT. II.

### DE DEFINITIONE ET DIVISIONE HOSPITII.

#### I.

**O** Missis aliis significationibus, quas, methodi & ordinis gratia, tantum præcedenti capite notavimus de jure hospitii, strictiori significatu accepti, nobis sermo erit. Id definimus: Quod sit *Facultas mutua de jure competens, inter illum, qui aliquem recipit in domum, i. e. hospitem activum; & qui recipitur, i. e. hospitem passivum, commorandi causa*. Dicimus jus hospitii eodem modo, uti jus necessitudinis, affinitatis. *1. pen. ff. de just. & jur. agnationis. §. ult. 1. de legit agnat. tutel. Cognationis. §. fin. 1. de capit. domin. l. 223. §. 1. de v. 5. sanguinis. l. 8. ff. de R. Jur.* per metonymiam scil. causæ, pro effectu; jus enim est causa, quæ alicui potestatem, facultatem, beneficia, vel rem aliquam tribuit, hæc autem omnia sunt effectus, à jure procreati. Junge Molinæ *de just. & jur. tr. 1. disp. 2. v. 2 jure, & disp. 1. in pr.* Dico; esse *Facultatem*, *Facultas*, ut eleganter docet Grotius *de iur. bell. & pac. lib. 1. c. 1.* est perfecta, vel imperfecta. Illa est, quæ vinculum civile, adeoque actionem parit, adigens alterum ad præstandum id, quod debet, *pr. Inst. de serv. præd. pr. l. de usufr. pr. l. de action.* Hæc vero vinculo & remedio tali destituitur, & ab illa tantum differt, quantum naturalis obligatio a civili, & habitudo ad rem, s. actionem aliquam moralem, ab actu ipso. Dico porro: *De jure competentem*. Jus hoc, hospitium respiciens, est vel naturale, vel Gentium, vel civile, de quo *in cap. seq.* uberius. Et hic sumitur vocabulum *iuris* proprie, cui omnis facultas vim, & originem debet, tanquam causæ suæ. Adjecimus denique verba: *commorandi causa*, ad differentiam habitationis diuturnioris. Triplex enim hominum genus in civitate: *cives,*



ves, incolæ, & hospites, Cives & incolæ habitare dicuntur. *l. 7. C. de incol. l. 239. ff. de V. S.* hospites vero, seu peregrini commorari saltem. *l. 1. §. 9. ff. de his, qui deiec. vel effud. & arg. l. 27. §. 2. ff. ad municip. vid. Althuf. polit. c. 5. n. 18. Tholosan. de Republ. lib. 4. c. 4. n. 22.* Eleganter hinc & accurate simul, Cicero in *Caton. Majore*, ait: *Commodandi nobis natura diversorium, non habitandi locum dedit.*

## II.

Definitionem sequitur divisio, dividuntur autem hospitia, seu diversoria. 1. Ratione causæ efficientis in necessaria, & voluntaria. Aut enim recipimus, vel recipimur sponte, & voluntario, aut ex necessitate quadam. 2. Ratione formæ dividuntur (1.) in publica & privata, illa sunt, quæ publico nomine, vel sumptibus publicis fiunt, hæc, quæ privato nomine, vel privatis sumptibus, (2) in mercenaria, & gratuita. (3) in limitata, & illimitata. 3. Ratione subjecti, & objecti sunt vel universalia, vel particularia, & restricta ad certas personas. 4. Ratione finis denique dividuntur in honesta, & inhonesta, turpia, & non turpia, quæ omnia sequentibus capitibus ordine latius explicabuntur. Diviso.

## CAPUT. III.

### DE CAUSA EFFICIENTE ET MATERIALI.

#### I.

**C**ausæ efficiens hospitalitatis est vel *nuda & soluta Causa efficiens*, voluntas hospitum sine obligatione, aut necessitate; vel *necessitas*, eaque sive juris, sive facti. Ita enim Martinus Uranius in *c. cum adeo. 27. n. 3. de rescript.* duplicem ponit hospitalitatem, una, quæ spectat ad officium pietatis, altera, quæ fit ex debito servitutis juxta Glossam in *c. 2. de suppl. neglig. Prælat. vers. hospitalitatem.*  
Hospi-

*Hospicio  
volunta-  
ria.*

Hospitatio, quæ ex mera voluntate est, ab ea vel absolute & simpliciter dependet; vel saltim κατὰ τιν. nimirum, quod nullum vinculum civile habeat, sed æquitati, & rectæ tantum rationis dictamini innitatur. *Lege enim naturali*, monente Cicerone *lib. 1. officior. communes utilitates in medium asferre debemus, mutatione officiorum, dando, accipiendo, tum opera, tum facultatibus devincire hominum inter nos societatem.* Quod etsi per se honestati, & naturali æquitati conveniens, tamen in operatione & applicatione officiorum ordo servari debet, quem ipsa naturalis ratio præscribit. Primæ S. Numini vices debentur, tum patriæ habenda ratio, hanc excipiunt res privatæ & quidem iterum hic ordinata charitas incipit a se ipsa & quilibet, juxta Comicum, proximus sibi metipsi, recteque Seneca: *Dabo egenti, sed ut ipse non egeam, succurram perituro, sed ut ipse non peream.* Et Aristot. 9. *Nicom. c. 8. γέννησιν καὶ ἐγγύς* Genu sura propius. Jungel. *preses* ubi Glossa, *C. de servit. aq. Bald. lib. 4. Cons. 312. Borchold. de Feudis c. 4. n. 42. Hering. de Fidejuss. c. 8. n. 29.* nec postremum locum sibi vendicant uxor, liberi, post cognati, tum cives ejusd. Reip. omnes suo, non eodem semper, ordine Videatur Mævius, Affinis quondam honoratissimus *in prodrom. Jur. Gent. inspect. 4. n. 13. Scharrok. de offic. c. 6. 7. 8. 9.* amico enim veteri, & cum quo modios falis multos exedisti; non est præferendus alius, qui nobis vel nullo, vel non tam arcto familiaritatis vinculo junctus est, *Non par est*, inquit Aristot. 4. *Nicom. equalem curam subire pro exteris, & amicis.* Vid. Grotium *de jur. b. & pac. lib. 2. c. 15. §. 10.* Quodsi vero nulli reperiantur, qui ex tali causa aliqua præferendi sunt tum non tantum lege Evangelii, Grot. *d. l. 2. c. 20. n. 10.* sed etiam jure universalis cognitionis, qua natura nos con-

junct,

junxit. *l. 3. ff. de Inst. & jur. l. 7. ff. de servis export.* cuilibet ad benefaciendum obstringimur. Sic enim Cicero: *1. de legib. Communicando, iudicando, disceptando, ratio, omnibus communis, inter se homines conjunxit naturalē quadam societate*; indeque idem Cicero *3. offic. & 4. de Finib.* Seneca *lib. de vit. beata c. 31. in pr. & ep. 95.* & eos sequens, Tholofanus *de Republ. lib. 5. c. 5. §. 8.* Rempublicam dividunt in majorem, seu universalem, & minorem, seu particularem, Majorem vocant. quæ universum terrarum orbem, complectitur, cujusque cives sumus, quotquot homines sumus; Minorem, quatenus singula regna, & Respublicæ suis limitibus continentur; Adi Doctiss. Gatakerum *in Atonin. eis éαυτὲν lib. 3. §. II & lib. 6 §. 44.*

## II.

Et ex hoc fonte fluunt naturales ad hospitandum obligationes, quibus tenemur hospitem seu peregrinum, iter facientem, si aliter se rueri non possit, & quoad sine insignidamno nostro fieri possit, hospitio excipere. Dn. Puffendorff. *de jur. Natur. & Gent. lib. 3. c. 3. §. 9.* Peregrinos enim ipsa, quam sustinent, conditio, humanæ misericordiæ commendat. *Ἐρημος γὰρ ὃν ὁ ξένος ἔταιραν τε συγγενῶν ἀνθρώποις ἐλεεινότερος, καὶ θεοῖς,* inquit Plato *lib. 4. de legib.* Exigunt sane diversa hominum negocia expedienda peregrinationes, domicilia, autem testudinum & cochlearum more, circumferre non possumus; ut & Germanice in proverbio est: *Herbergen kan niemand mit sich fuhren*; dio se exponere, molestiam, in agro commorari, tædium, divagari in densissimis tenebris, periculum affert, ignotis se committere sylvis & feris, humanitatem excedit.

## C

## III. Duo



III.

Duo autem, dixi, requiri, ut, hospitio recipere peregrinum, naturaliter obligemur. I. Ut recipiendus aliter se tueri non possit, quo faciunt ea, quæ habet D. Finck. cent. 4. Canon. Theolog. Can. 23. quod Neochristiani admonendi fuerint, ut hospitalitatem erga Christianos reliquos exercerent: Id primitivæ Ecclesiæ maxime erat necessarium, quod diversoria publica apud Ethnicos iis temporibus, uti Guido Panciroll. 2. var. lect. c. 93. testatur, non adeo essent frequentia, multoque minus adhuc Christianis, docentibus religionem cum primis, patentia, quibus tamen, propagandi Evangelii causa, huc illuc migrandum erat, juxta mandata Salvatoris sui, Euntes docete omnes gentes &c. II. de nobis ipsis, vel nostris, quos natura præ reliquis nobis commendat, damnatum ingens aliquod, periculum, aut dedecus irreparabile inde immineat, vel emergat. In iis enim, quæ mere naturali, non civili, vinculo debentur, sufficit ea præstare, quæ nobis non nocent per l. 2. §. item vers. quondam ff. de aq. & aq. plu. arc. indeque Cicero 1. de offic. Quidni, quando sine detrimento suo potest, alteri communicet, in iis, quæ sunt accipienti utilia, danti vero non molesta. Hæc officia vocat Grotius lib. 2. de j. b. & p. c. 2. n. 11. innoxia utilitatis, & n. 15. exempli loco adducit: quod morari liceat aliquantisper prætervehentibus, valetudinis, aut alterius rei causa. Et convenit, quod Pompejus, cum in fugam spem recipere, tandem receptus a Lesbiiis, mundi nomine gavisus fuerit, cum a Clientibus suis deferretur; ita enim de eo Lucanus de bello Pharsal. lib. 8.

- - tali pietate virorum

Lætus in adversis, & mundi nomino gaudens

Esse fidem &c.

IV. Ta-

Talis vero hospitatio, quæ a voluntate simpliciter dependet, & τὸ ἀκούσιον respuit, juxta Aristot. 3. *Nicom.* c. 3. oritur ex virtute illa morali, quæ vocatur hospitalitas, cujus simulacrum etiam in brutis quodammodo deprehendimus, si fides habenda Senecæ, qui *lib. 2 de benef.* 19. & *lib. 4. c. 28.* Leonem nobis in theatro sistit, medico suo hospitia illibate fervantem, unde illud: *Leo hospes hominis, homo Medicus Leonis*; junge hanc in rem Camerarium *horar. subciv. lib. 1. c. 22.* Equidem hæc virtus per se quidem laudabilis, & sibi metipsum pulcherrima merces, nulloque respectu habito ad indigentiam vel necessitatem recipiendi, vel ad damnum, ex hospitacione emergens, exercetur; hoc saltem adhibito moderamine ne fundum patrimonii exhauriat, gaudet tamen etiam suis laudatoribus, quibus nec caruit unquam, & commendant eam præ aliis ab honesto, utili, jucundo, &c. Philosophi pariter, & Jcti nostri. Chassanæus in *Catal. glor. mund. part. 2. consid.* 46. Tiber. Decianus *vol. 3. conf.* 66. n. 36. Keckerman. *System. Ethic. lib. 1. c. 6.* Stuck. *antiq. conviv. lib. 1. c. 27.* Sagittarius. *Exerc. Eth. 15. th. 9.* Waltherus in *Eunom. metat. cap. 4. §. 14.* Cicero vero *lib. 2. offic.* his verbis: *Roste a Theophrasto laudata est hospitalitas; est enim, ut mihi videtur, valde decorum, patere domos illustrium illustribus hospitibus.* & Nazianz. *Orat. 16. Pulchra*, inquit, *res est hospitalitas, ac testis inter justos quidem Loth. inter peccatores, Rahab meretrix.* Celebratur hæc virtus etiam Sacræ Scripturæ encomiis passim. *Hioh. c. 31. Peregrinus non foris negligendus, viatori estium pateat piorum.* Epist. Petr. c. 4. *Hospitalis estois alii erga alios,* Præprimis autem Clericis commendatur. 1. *Tim. 3. v. 2. II. ad Tit. 1. v. 8.* neque minus exemplis saniorum Eth-

nicorum, palmam in hac arena ambitiose captantium, comprobatur. *Semper aliquis in Cimonis domo*, proverbium est Erasmo *Cbil. 2 c. 2. prov. 15.* Junge Valer. Maximum *lib. 4. c. 8. & Alex. ab Alex. Genial. dier. lib. 5. c. 3.*

V.

*Hospitalio necessaria.* Alteram causam efficientem hospitalionis diximus esse necessitatem. Necessitas hæc vel facti est, vel juris. De illa nobis haud erit sermo impræsens, nisi quod injustam, & iniquam improbemus omnem, vi, & injuria quæsitam & extortam hospitalionem, de ea autem, quæ juris est, & quatenus juris est, hic inquiremus. Postquam scil. natura vitio suo vel non satis perspicit ea, quæ cum recta ratione conveniunt, vel perspecta quidem, sub specie tamen majoris boni consequendi, negligit, adeo ut officia sua deneget, nisi lucrum inde accedat, mensuramque juris, præpostere ac præcipitante paululum mentis acumine, utilitatem statuatur cum Hobbesio *lib. de Cive cap. 1. §. 10.* necesse fuit, bonarum legum adminiculo naturalis rationis dictamen pristinum in locum quodammodo restituere, aberrantemque a semita recti naturam in girum reducere. Grot. *de j. b. & p. lib. 2. c. 15. n. 5.* quo spectat, quod D. Ambrosius *in cap. 5. ad Romam.* scribit : *Quia ipsi quodammodo natura inserta sunt justitie semina, addita Lex est, cujus auctoritate & magisterio ingenium natura proficeret ad fructum justitie faciendam, sicut enim nasivitas interit, nisi nutrimenta habeas, ita & naturale justitie ingenium, nisi habeas, quod respiciat, & veneretur, non facile proficit, sed egrotat, & superveniens tibi cedit delictum.* Et Augustinus in *Ps. 139.* *Quia peccator obligatus erat se, nec videbat se, data est illi Lex, ut videret.* Atque ita tandem, quod hætenus imperfecti juris erat, h. e. nulla sanctione, aut obligatione civili munitum, in perfectum jus demigravit, quatenus scil. a LLatoribus, potestateque civili,



civili, Legibus vel honestis moribus ei succurritur, Vid. Puffendorff. *in elem. jurispr. defin.* 8. Mævius *in prodrom. de iur. gent. inspect.* 6. n. 7. 17. 18. Soto *de just. & iur. lib.* 5. qu. 1. art. 7. Grot. *de j. b. & p. lib.* 2. c. 17. n. 2. & *lib.* 2. c. 25. n. 3.

VI.

Succurrit autem Lex, aut consuetudo vel immediate, *Necessi-*  
vel mediate. Vid. Bocer. *class.* 2. *disp.* 1. *th.* 36. Donell. *lib.* 2. *Comm.* 4. & Dn. Henr. Habn. *Academia nostra Julia Co-*  
*dicis. Antec sser quondam celeberrimus. Dn. Affinis & Patronus. tam*  
*post piissima memoria fata, quam, dum viveret. summe mihi veneran-*  
*dis, in suo insigni opere Observ. Theoret. Practic. ad Wesenb. Paris. ff.*  
*tit. de O. & A. n. 5.* Immediate, quando, nullo facto exter-  
no, specialiter id intendente, ob solam rerum, vel perso-  
narum conditionem aliquid injungit. Sic sola conditio  
rei alienæ obligat possessorem, vel detentorem ad exhi-  
bendum. *l.* 32. *ff. de reb. cred.* *l.* 3. §. 9. & *11. ff. ad exhib.* sic  
ob solam conditionem personarum Lex inducit, obliga-  
tionem inter Parentes & liberos ad præstanda sibi invi-  
cem alimenta *l.* 1. *ff. de agnosc. & alend. lib.* 1. ult. *C. de bon*  
*qua liber Novell.* 74. Pari modo cives, quia cives sunt, Le-  
ge tenentur ad juvandam Remp. per *l.* 2. *ff. de i. & j.* Cum  
enim in civilem societatem coeant non tantum vivendi,  
sed & bene vivendi causa. Aristot. 1. *Pol. c.* 2. & 3. *Pol.* 4.  
necessario quilibet societatis illius, in qua civis est, com-  
modum promovere debet; rō enim *bene esse* societatis il-  
lius, sive salus publica totius, includit privatorum beati-  
tudinem & miseriam eorundem excludit, indeque recte  
Livius *lib.* 26. *cap.* 36. *Respublica incolumis & privatas res fact.*  
*le salvas prestat publica prodendo, tua necquicquam servabis.* Vi-  
de pluribus hæc illustrata apud Arnisæ: *in relect. Polit.*  
*lib.* 2. *cap.* 1. Christoph Adam Rupertum. *in Vellej. Patere,*  
*lib.* 1. c. 10. Stephan Spoormacher. *de justit. vulner. cur.*  
*cap.* 5: Sequitur hinc porro, quemlibet Civem ad media-

illa obligari, sine quibus Resp. aut plane non, aut non commode consistere potest, nimis enim ineptum foret, finem, rejectis, aut neglectis mediis, appetere tamen velle. Vid. Everhard. *in loc. a Concess. Conseq. ad concess. anteced.* arg. l. 5 ff. de *jurisd. Reip. causa*, ait Cicero *pro Murena*: nulla res cuiquam potior esse debet. nullumque, uti ad Herenn. lib. 4. tantum est periculum, quod sapiens pro salutata patria vitandum arbitretur.

VII.

Inter media autem, Reip. dignitatem juxta, ac utilitatem sustinentia, & hoc est non infimi subfellii, ut peregrinorum cura habeatur, idque non tantum necessarium sed & utile habetur. Besold. *de jur. Civit. cap. 6.* Lindenspühr *ad Ordin. Polit. Württenb. Tit. von Wirtthen und Gastgebern, n. 1.* Stypman. *de jur. marit. lib. 3. cap. 1.* imo & honestum. Valde, inquit Cicero, 2. offic. *Reip. est ornamento, homines externas hoc liberalitatis genere in urbe nostra non egere; Est autem vehementer utile his, qui honeste posse multa volunt apud externos gratia. & opibus.* Sed cum non omnes homines naturæ solius ductum, & dictamen sequantur, ut saltem, quod naturali debito exigitur, præstent, nedum ultra id hospitalitatis munus extendant, forte ne idem illis contingat, quod portitori olim apud Senecam lib. 6. *de benef. cap. 13.* gratuitam operam in transvehendo quibusdam navanti; nempe, ut hospitem numero obruantur: potius vero Hispani illius exemplum imitentur, qui Fridericum II. Palatinum Electorem, jussu Caroli V. apud illum divertentem, his verbis excepit: *Ædes ad me, non ad Imperatorem pertinent.* uti refert Bertram. *de Comitibus memb. 5. thes. 57. ad fin.* sub fucata boni specie jure naturæ neglecto Bernegg. *ad Tacit. Agric. qu. 125.* ideo necesse admodum fuit, naturali huic debito bonis legibus, & consuetudinibus succurri. Fitque hoc triplici via, ac ratione

Hospitia.  
I. *hospitum*

I. publica hospitia pro peregrinis, iisque vel in univer-

sum

sum omnibus, vel quibusdam saltem, constituendo ac ad *mediatæ*  
ornando. II. a privatis constitui permittendo III. hospitia *necessaria*  
per civitatem, & ditiones distribuendo. *specia.*

VIII.

De primo modo est in historiis exemplum Cretensium  
qui, teste Athenæo *lib. 4. Deipnosoph.* binas habuerunt *Ima spæi.*  
domos publicas, in quarum altera hospites versari, ac *u hospita.*  
dormire solebant, quam iecirco *κοιμητήριον*, quasi dormi- *tionis im-*  
torium appellabant. Sic Constantinopoli hospitalia *Ima- m. d. nec*  
*retib* dicta, in gratiam peregrinorum extructa, narrant *cessaria.*  
Salom Schweiger. *in itinerar. Constantinop. lib. 2. cap. 32.*  
& Busbequius *Epistol. 1.* Sic etiam peculiaribus quibus-  
dam personis hic honor hospitandi publice habendus a-  
pud cultiores gentes *Certe Magistræ* us inquit Carol. Pasc.  
*de Lngato cap. 24. Legatum & salutatione & aliis observantia docu-*  
*mentis excipient, saltem qualiscunque hospita: tatis significabunt an-*  
*imum bonum, qui apud bonos invenit gratiam beneficii.* Et pluri-  
um gentium, Legatis exterorum aut aliis illustribus per-  
sonis hospitia publica præbentium, exempla sunt apud  
Alex. ab Alexand. *lib. 2. Genial. diæ. cap. 2.* nec apud Roma-  
nos hoc insolitum. *l. 5. §. 2. ff. de capiv. & post l. revers.* Antio-  
chi Regis Legatis, teste Livio *decad 5. lib. 25.* ædes liberæ  
publico hospitio datæ sunt, sumptusque decretus, donec  
in Italia essent; nec non erga Ptolomæum, qui, a fratre  
regno spoliatus, ad Romanos confugerat, excusavit se se-  
natus, quod nec Quæstorem illi, *more Majorum* obviam  
misisset, nec publico hospitio excepisset. Valer. Max. *lib.*  
*5. cap. 1.* Et quidem peculiaris locus huic officii generi  
erat destinatus. *Sub dextra curia,* ait Varro, *lib. 4. de Ling La-*  
*tin. Locus erat substructum, ubi nationum subsisterent Legati, qui ad*  
*Senatum essent missi* Et in Græcia apud Eleos diversorio  
Magistratuum Romanorum nomen datum erat: Ro-  
manorum Leonidæum. Pausan. *lib. 5.* Talisque mos ho-  
dientum



dienum apud gentes, si non omnes, tamen cultiores videri. Frid. Marselar. *de Legat. lib. 2. diff. 12.* Sic in Suecia Holmiis, magnificum exstructum hujus rei gratia ædificium esse, narrant, qui ex istis oris veniunt, & quidem, in ea urbis parte, quam Australem insulam, *Söder Malin*, vocant, & in Hollandia Amstelædami est diversorium, *das alte Herren Logiement*, quo Anno 1661. Moscoviæ Legati excepti. Diar. Europæ *part. 12. mens. Jan. pag. m. 128.* uti etiam Magnus Dux Moscoviæ in ipsis protinus Regni sui limitibus Legatos externos sumtibus reddiis, docente experientia, excipit: Similiter in Anglia Regum, ac liberarum Rerump. Legati triduo, sumptibus publicis. hospitio gaudent. Aliis in locis consuetudo est, ut ejusmodi personæ non peculiariter quidem ad hunc usum destinato palatio seu ædificio, neque sumptibus publicis ex cipiantur, soleant tamen minimum illis aliquot vasa vini, cerevisiæ, carnis aliquod demensum piscium, certi modii avenæ &c. solemniter præberi, quemadmodum mos talis Hamburgi, Lubecæ, hodie adhuc observatur, & in plerisque maritimis, Megapolitanis, & Pomeraniæ civitatibus olim viguit. Aliis in locis, siquidem ipsi hospites adventantes sibi suo arbitratu diversorium elegerint, sumptus facti ex communi ærario refunduntur, quod vulgo appellari solet, *das Quêlô seu Gallice, de frayer*. Pariter quoque in gratiam pauperum advenarum solent in bene constitutis Rebus publ. hospitalia, seu Xenodochia erigi, uti in Italia prædicatur Xenodochium S. Spiritus, & Lateranum; in Germania Argentinense, & Amstelodamense, Speidelius *in voce Spital*, & Norinbergæ S. Matthiæ, & S. Crucis, ubi pauperes peregrini, undiquaque venientes, per biduum cibo, ac potu reficiuntur. Non solum autem publica hoc modo hospitia munifice præbentur, sed & opificum collegia quædam

quædam hoc jure utuntur, ut hospitia peregrinantibus, qui ad illos aliqua ratione pertinent, præsto sint, id quod iis præcipue familiare est, qui dicuntur *geschenckte Handwercke*, & in hujusmodi diversoriis tyrones illius artis peregre advenientes prævia salutationis solennitate, gratis excipiuntur; da ein neuankommender Gesell, wann er den Bruch abgelegt, auffgenommen und freygehalten wird, per aliquot dies, donec sibi ipsi de victu & sustentatione prospexerit, sive Magistro opificii inserviando, sive alia licita ratione, neque vero diutius impendio collegii istius ibidem sustentatur.

IX.

Secundus modus, quem hospitii exercendi similiter & tabernæ erigendæ permissionem diximus, *Wirthschafft, Wein- und Bier-Schencken* anzurichten, hodie in Germania nostra regalibus annumeratur. Additionator *ad M. Uranii Conj. 21. n. 6. lib. 8. vol. 2. Besold. in th. prætic. v. 6. Gast, Klockius Vol. 1. cons. 8. n. 125.* Indeque in ordinat. provinc. Würtemb. Tit. von Wirthen, und Gastgebern; §. Wir wollen auch, constitutum est, daß ohne Fürstliche sonderbahre Erlaubniß keine Wirthschafft solen getrieben werden. Junge Gryphind. *in Oecon. Legal. lib. 1. c. 28. n. 42.* Ad postremum modum, hospitatio nem nempe a civibus & incolis exigendi, pertinet præprimis illud jus, quod constitutum olim in Rep. Hebræorum (quod voluntarium divinum appellat Grotius *lib. 1. de j. b. & p. c. 1. n. 15. 16.*) de cura peregrinorum habenda. *Levitic. 23. Numer. c. 5. v. 15. & cap. 15. v. 14. Deuter. c. 17. v. 19. & c. 14. v. 21. & aliis locis.* Et quod de Thegesdetis, oppidi Africani populis, habet Cælius Augustensis, & ex eo Stuckius *antiq. Convival. lib. 1. c. 27.* quod custodibus portarum mandent, simulac peregrinus appulerit,

pulerit, inquirant ab eo, habeatne amicum in urbe, ad quem divertat? Quodsi habere neget, ad hospitem aliquem deducant. De Lucanis quoque Ælianus *lib. 4. var. histor.* apud illos fuisse legem, si sub solis occasum venerit peregrinus, volueritque sub tectum alicujus divertere, & is non exceperit hominem, mulctetur. Pariter in Burgundionum Legibus antiquis constitutum, ut, si quis ingenuus hospiti advenienti tectum, aut focum negaverit, tres solidos, loco mulctæ, solvere teneatur si servus fustigetur. Vide *Leges Burgundionum in Codice LL. Antiqu. Lindenbrogii tit. 38.* De Frisiis tradit. Cornel. Kemp. *de Origin. & qualis. Frisæ*, quod nefas apud illos fuerit habitum, quenquam epulis aut domo arcuisse, & hospitium, cibum ac potum itinerantibus negasse, imo, si quis ter negasset hospitium, & convictus fuisset, illius ædibus ignis submitteretur. Ejusmodi Legem etiam tulisse Carolum III. Sueciæ quondam Regem & Suecos illa Lege ad hospitalitatis officium perduxisse, scribit Olaus Magnus *lib. 4. c. 2. & lib. 5. c. 1.* adeo ut de illis tale proferet encomium Mich. Heberer. *in Ægypt. servit. lib. 4. c. 23.* Es sind die Einwohner desselben Landes, auch die größten Bauern in der Wildniß, gegen den Fremden sehr freundlich, gastgebig, und beherbergen gerne, jedoch muß man mit ihnen vorlieb nehmen, weil es sehr wenig offene Wirtshäuser hat. quanquam valde hoc limitari hodie, velit Auctor *descriptionis novæ Sueciæ n. 5. pag. m. 59.* Suecos, ait, *humanitatis, æquitatis, & integritatis studiosos, sed non tam hospitales, ut olim, quamvis iter facientes non male accipiant.* Attamen hodieque, ex relatu in Suecia itinerantium, constat, vix pagum, nedum oppidum, aut civitatem reperiri, in qua non sint certis legibus & privilegiis constituta hospitia, commoda satis, cubiculis plerumque tribus, quatuor, ac pluribus adornata, ut



ut singuli, vel bini suo seorsim pro lubitu cœnare, ac dormire possint, nemine ex his, quibus id privilegio datum est, aufuro peregrinis vel commorationem in illis, vel necessaria alimenta denegare. De Germanorum veterum hospitalitate multa habet Clüverus in *Germ. antiqua lib. 4. c. 18.* & videri possunt plura de gentium hospitalibus legibus, & moribus apud Guilielm. Anton. de Freunberg. *de rescript. morator. lib. 7. concl. 43. n. 30.* Lindenspühr. *ad Ordin. Polit. Würtemb. d. l.* Stuckium. *antiq. Conviv. lib. 1. c. 27.* Alex. ab Alex. *Gexial dial. lib. 4. c. 10.*

X.

Inter remedia etiam parcendi publicis sumptibus in utilitatem ærarii Reipubl. refertur & hoc, quod subditi teneantur aliquando hospitium præbere, & privatis sumptibus Principem, vel ministros ejus excipere. Klock. *de ærario lib. 2. cap. 91. n. 16.* Mündius *de muner & honor. in præm. n. 28. & c. 2. n. 55.* Cum enim curiosi, & accurati Principis sit, non tantum belli, sed & pacis tempore, sæpe loca regni sui adire. Petr. Matthæi. *lib. 4. de vita Henrici IV. & V. narrat. 2.* Unde Drusus apud Tacitum *lib. 3. annal. cap. 34. n. 9.* *Principibus*, inquit, *sæpe adeunda esse longinqua Imperii*, æquitati convenire videtur, ut, honoris, & amoris testandi causa, quoties divertere apud subditorum quenquam velit, liberaliter excipiat; nec enim sine molestia Principum ejusmodi est peregrinatio, quam Florus Poëta, alio ingenio præditus, non facile suscepisset, quippe qui ita cecinit olim:

*Ego nollem Cæsar esse,  
Ambulare per Britannos,  
Scythicas pati pruinas.*

Sane, attestante Livio *lib. 42.* Romani Magistratus in itinere faciendo nullis unquam provincialibus, & sociis

molesti fuerunt, mulis, tabernaculis, ac reliquo instrumento publice ornati. Vid. Panciroll. *var. lection. lib. 2. cap. 93.* tamen postea paulatim utiliter receptum, ut subditis onus hoc recipiendi imponeretur, partim ne sub dio degere cogerentur, quod periculosum, Lipsius *lib. 3. Polit. cap. 1.* partim, ne maximis ærarii publici impensis receptaculo sibi comparare cogerentur. Indeque jure quodammodo exigunt Principes hospitationem a subditis, seu jure Majestatis per l. 7. C. de Episcop. & Cleric. & l. 11 C. de SS. Eccles. Petr. Antibol. in tr. de munerib. §. 2. n. 19. ( Germani vocant Rånserlich, oder Röniglich Ablager halten, ) Gilken. in authent. quas actiones c. 10. n. 20. & seq. C. de SS. Eccles. Klockius de contrib. cap. 8. n. 4. Everhard. de oper. rustic. n. 31. lit. D. seu jure superioritatis territorialis. Menoch. Conf. 302. n. 29. Mingius de jur. super. territ. cap. 5. n. 76. Besold. vol. 2. Conf. 118. n. 54. Kni-chen. de jur. territor. c. 4. n. 422.

## XI.

Porro cum Princeps, aut alia potestas civilis non tantum perse, sed & per ministros suos Rempubl. gubernet. Grot. de J. b. & p. lib. 1. c. 3. n. 6. haud equidem, si foris officio fungantur, iniquum fuerit, subditorum impendiis recipi eos, nisi consuetudine, & moribus, aut pactis inter principem & subditos conventis obtineat, ut Princeps ipse eos suis impensis alat, quamvis officii causa in ditionibus ejus huc illuc commeantes. Non solum autem ministri, secularibus officiis addicti, sed & Ecclesiastici quodammodo gaudent hoc jure; Quo pertinet, quod de procuratore in jure Canonico constitutum est, c. 19. 23. 24. X. de censib. quæ debetur personis Ecclesiasticis, Ecclesias visitantibus, ab ipsis Ecclesiis, quæ visitantur. Lancellot. in Instit. tit. de censib. Gloss. & DD. in c. 1. verb.

*verb. visitatis. decensib. in 6. Tusch. Concl. 808. lit. P. Sithman. in Idea jur. Episcop. cap. 12. n. 12. &c. & est Procuratio concomitans ac consequens visitationis. Portius Conf. 194. Beroj. Conf. 25. n. 4. vol. 1. Panormitan. Conf. 26. Ziegler. add. tit. Instit. Lancellot. tit. decensib. quæ quidem visitatio in terris Protestantium annexa juri territoriali, Reinking. de Reg. f. & Eccl. lib. 3. class. 1. c. 7. n. 18. 19. &c. Clockius conf. 10. tom. 1. n. 275. quemadmodum reliqua jura Episcopalia. Carpzov, lib. 1. Jurisp. Consist. de fin. 3. n. 2. eamque expediunt Principes, s. Status, Protestantium religioni addicti, per Superintendentem & Confistoriales suos, quibus proinde non minus hæc procuratio regulariter debetur. Sithman. de jur. Episc. c. 12. n. 62. &c.*

## XII.

Rursus ministri seculares, aliique, pro quibus hospitia exiguntur, sunt vel militares, vel togati. Illorum receptio peculiari voce Metatorum indigeratur, nostro idiomate *Einquartierung*, de qua materia integros tractatus posteritati donarunt Dn. *Tabor, & VValtherus*, qui præprimis evolvi poterunt. Injungi autem potest hæc hospitatio vel jure Majestatis, a superiore non recognoscentibus, vel jure territorii seu superioritatis territorialis *Krafft der Landes-Fürstl. oder hohen Obrigkeit*. Knich. *de sublim. territor. jur. c. 4, n. 422. Myler. de statib. Imp. p. 2. c. 43. n. 4. Besold. in thes. pract. verb. Einquartierung* Indequæ est, quod subditi milites, ob justum bellum a Principe seu superiore conscriptos, sine gravamine hospitentur & recipiant. Menoch. *Consil. 1197. n. 7.* Qui vero nec Majestatis, nec superioritatis jure gaudent, iidem nec habent jus imponendi hospitationem; Quemadmodum Dominus Feudi hoc onere Vasallum gravare non potest, quod jure superioritatis careat, nulloque subje-



tionis vinculo Domino vasallus astringatur. Sixtin. *de regalib. cap. 14. n. 35.* Neque vero jus vasallagii, die Selynschafft, subditum facit, *clement. Pastoralis. §. denique junct. §. rursus, de sentent. & rejudic.* sed fidelem saltem servitiorum personalium præstationem, & recognitionem dominii directi postulat. Add. Cravett-*Cons. 912. num. 15.* Carpzov. *respons. Elector. lib. 4. tit. 10. resp. 10. n. 23.* Klockius *de contribut. cap. 14. sect. 2. n. 4.* Contra vero necessitas præstandi hospitium militare arguit subjectionem, & recognitæ superioritatis symbolum est; unde porro colligitur, Senatum in civitatibus provincialibus, sive municipalibus Fürsten-Landstädte potestate, civibus metata talia injungendi, destitui quamvis ea a superiore injuncta distribuendi. & assignandi jure gaudeant.

XIII.

Est etiam receptio s. hospitatio ministrorum togatorum s. civilium. *l. 6. §. 5. ff. de offici præsid. l. 11. C. de Profess. & Medic.* Bald. & Corasius *ad l. 4. ff. de offic. procõns. v. gr.* qui mittuntur a Principe ad jus dicendum, uti de Lothario, Rege Franciæ, & aliis a Carolo in Italiam, aliæque imperii loca misis legimus in *annal. Francicis An. no 814. & apud Aimoin. lib. 4. c. 111.* Knichen. *de jur. terris cap. 4. num. 611.* aut aliam ob causam, ut Mœcenas ab Augusto Cæsare ad Antonium, de quo Horat. *lib. 1. satyr. 5. v. 27. & 45.* quod Campano proxima villula ei præbuerat tectum, & parochus ligna salemque. vid. Panorm. *ad c. 1. de immun. Eccles. n. 3.* Huc pertinet quod in urbibus ubi Comitata regni habentur, cives hospitari teneantur advenientes Legatos, sicuti cives Francofurtenses, tempore Electionis Imperatoriæ, juxta præscriptum A. Bullæ, inde mos adscribendi, das Anschreiben, quando hospitia adventantibus Imperii Statibus, eorumve Legatis assignan-

signantur, & hospitandorum nomina foribus publicæ inscribuntur. *Limnæ. lib. 9. de jur. publ. c. 1. n. 67. Arumæ de Comit. c. 6. n. 61. & c.* Nec obstat hic *Novella 143. c. 1.* ad qua respondet A Faber. *in rational. ad d. l. 4. de offic. procons.* saltem enim de abusu hospitandi, ejusque excessu loquitur illa *Novella*, prohibetque, ne iudices gravent subditos hospitandi onere præter jus, & consuetudinem. Quodsi enim publica domus est alicubi, sive palatium, sive prætorium, tum iudex s. legatus communiter ibi commorari debet. *Joh. de Platea. in l. unic. C. de palat. & dom. Dominor. Sixtin. de Regal. lib. 2. c. 17. n. 6. & 7. per l. ult. C. de offic. rect. prov.* Quodsi vero non sint tales domus publicæ, aut non satis commodæ *l. 3. C. de metat.* nec hospitia publica, eaque commoda, tum optimo jure receptionem a subditis petent. *Paris de Puteo. de syndic. in rubr. expensæ cap. 1. n. 5. Innocent. in c. 1. de immun. Eccles. Lucas de Penna in l. fin. C. de profess. Martin. Laudens. tract. de official. dom. tom. 5. qu. 47. Fr. de Aviles, in explicat. LL. prætor. Hispanic. c. 8. n. 5.* De Legatis exterorum regum, aut Rerumpublicarum humaniter recipiendis jam sæpius aliquid diximus. Non sine ratione quidem etiam hoc onus a subditis sustinetur; Sic in Suecia olim lege sancitum fuit, ut omnes Coloni, exceptis iis, qui a sede primaria intra unum milliare habitant, hospitium præbere teneantur. (1.) Legatis exterorum ad Regem missis (2.) omnibus, quibus literæ Regiæ, Reginæ viduæ, Principum hæreditariorum, Præfectorum militiæ & Præfectorum provincialium datæ erant, sive a Rege ad hos, sive ab illis ad Regem, aliasve per regiones, ad regni negocia expedienda, mitterentur. *Privil. Nobil. de Anno 1617. art. 18. Gustav. Adolphi R. Bastiiff. Ordn. anno 1615. §. Först wölle wy* postea vero decreto Regni

Regni publico, hoc ita immutatum est. Anno 1642. 1643. 1647. 1649. ut Coloni Coronæ, Kronbueren. singulis annis tres thaleros argen. mon. Nobilium vero coloni unum cum dimidio pendant, atque ita ab hospitandi onere sint immunes. Vid. *Disputatio de jur. hospitii, habita Upsalie Anno 1669. die 30. Junii præside Olao Ackermanno.*

XIV.

*Hospitatio  
mediate  
necessaria.*

Hactenus de hospitalione, quæ ex Lege, vel Consuetudine immediate descendit. Mediate Lex vel consuetudo inducit hospitalionem, quando facto s. negotio extrinsecus accedenti, eoque tendenti & directo, veluti pollicitationi, pacto, contractui, assistit, & vim effectumque civilem illi tribuit. Tum enim, quibus alias regulariter, & de jure immediate jus divertendi non competit, illud sibi arrogare, & petere possunt. per l. 78. ubi DD. ff. de contrah. emt: l. 11. de action. empt. c. verum X de condit appof. Menoch. Conf. 22. vol. 1. Tusch. vol. 4 conclus. 1607. in pr. Cothmann. resp. 3. vol. 4. n. 43. Wesenbec. Conf. 7. n. 7. part. 1. Sic, quamvis Advocatis & protectoribus, quatenus talibus, a clientibus non debeantur hospitia c. præterea 23. X. de jur. patron. cap. in quibusdam X. de pænis. Rosenthal. de Feud. cap 5. concl. 74. num. 1. Knichen. de jur. territ cap. 3. n. 310. Walther. de Eunom metator cap. 5. §. 21. uti in terminis respondit, Menoch. Consil. 725. incip. in Facti specien. 8. & Hospitaliones, ut Magerus asserit, de Advoc. armat. c. 10. n. 304. advocatis sunt præberi solitæ potius ex familiaritate, & gratia, quam ex debito; tamen, per pacta, aliove legitimo modo advocati seu protectores j9 divertendi sibi comparare quin possit. nulum est dubium. exemplo pagi Erlenbacensis, qui A. 1409 se in protectionem Comitis de Künigstein dederat, & certa jura, ac speciatim Albergariam, promiserat novo protecto-



protectoti suo. Auctor des Wertheimischen Gegen-Be-  
richts contra Würzburg *part. I. c. 4. n. 86. & cap. 14. n. 51.*  
Pari modo, quamvis dominus Feudi non possit petere a  
Vasallo hospitium. *clém. Pastoralis, & ibi Gloss. desent &*  
*re judic. Gailius. de arrest. Imp. c. 7. n. 12 Mager. de advo-*  
*cat. armat. c. 6. num. 691. frustra in contrarium nitentibus*  
*Schradero de Feud. part. 6. c. 6. n. 123. Matth. de Afflictis de-*  
*cis. 265. n. III. aliisque, quibus eatenus accedimus, quod in*  
*civile admodum fuerit, si vasallus, amplis præsertim redi-*  
*tibus feudalibus fruens, pro unius vel alterius diei hospi-*  
*tio pretium a Domino exigat. Gryphiand. in Oecon. legal.*  
*lib. I. cap. 28. num. 17. nisi per aliam viam sibi, tale jus diver-*  
*tendi apud Vasallum, acquisierint. Koppen. qu. 17. n. 4.*  
*Wehner. in voc. Übung. Sic de hospitandi onere in gene-*  
*re Servius ad lib. 9 Aeneid Consuetudo, inquit, erat apud ma-*  
*jores, ut inter se homines hospitii jura, mutuis muneribus, ce-*  
*pularent, vel in presenti, vel per internuncium, & de Græ-*  
*cis Xenophon in vita Agesilai. Non te latere, ait, arbitror*  
*homines in civitatibus Græciæ consuevisse hospitalitatem*  
*inter se contrahere. Neque solum hospitium contrahi po-*  
*test inter privatos, sed & publice, idque iterum vel inter*  
*publica collegia, universitates, Respublicas inter se, vel*  
*inter tales ab una, & privatos ab altera parte. Tholosan.*  
*syntagm. jur. civil. lib. 13. c. 28. n. 34. Philip. Caroli in not. ad*  
*Gell. lib. 5. c. 13. Budæus in not. poster. ad Tit. de captiv. &*  
*postlim. revers. quomodo Livius lib. 7. de Eumene Rege*  
*ait, quodcum illo & privatim singulis, & publicum Civitati*  
*(Romanæ) fuerit hospitium. Hujus hospitii mentionem*  
*quoque facit Pomponius Jctus in l. 5. §. 2. ff. de captiv. &*  
*postlim. revers. Sic Heduos, Romanorum hospites vocat*  
*J. Cæsar. lib. 1. de bell. Gall. & de Milesiorum & Sybarita-*  
*rum mutuo hospitio habet Herod. lib. 6. qui ἐξάρτα inscribi-*  
*tur.*

Præscribi etiam posse jus divertendi, haud incongruum juri videtur. Etsi enim (1) hospitem recipere, sit res meræ facultatis, in quibus locum non habet præscriptio, quamvis quis vicibus mille receptus sit. Besold. 3. *cons.* 118 Ancharan. *inc. sine possessione col.* 11. *de Reg. jur. in 6.* Decius *cons.* 8. *col.* 3 *in fin.* (2) ad inducendam præscriptionem requiratur, ut actus possessorii, vel quasi exercean- tur jure præscribentis *l. ult. ff. quemadm. servit. amitt.* Abbas Panormit. & Ripa *inc. cum Eccles. sutrina X de caus. possess. & proprieti.* qui vero recipit aliquem, potius id ex familiaritate præsumitur facere, quam jure aliquo. Postius. *de Manutenendo. obs.* 53. *n.* 3. Tusch. *concl.* 32. *lit. Q.* *m.* 7. Hondedæ. *cons.* 79. *n.* 49. *vol.* 1. Menoch. *de A. l. q. cas.* 160. *n.* 12. & 19. Mascard. *de probation. vol.* 3. *concl.* 12. 21. *n.* 3. Besold. *vol.* 2. *consil.* 118. *n.* 92. utilitas tamen publica, justi prope mater, & æqui, hic prævalebit, & respon- debitur ad I. quamvis solo temporis cursu non præscri- bantur res meræ facultatis, tamen accedente aliquo fa- cto externo, cui acquiescat alter, præscriptioni earum rerum etiam locus est. Roland. *Cons.* 22. *n.* 20. & *cons.* 53. *n.* 20. Decius *Cons.* 8. *n.* 4. & *cons.* 175. & 215. Anton. Ga- briel. *comm. conclus.* 10. *tit. de præscripti. n.* 13. Corneus. *Cons.* 296. Cæpolla. *de servitut. cap.* 50. *n.* 10. Arumæ *vol.* 3. *disc.* 19. *thes.* 61. v. gr. si me apud te diversurum, jusque mihi apud Te divertendi prætendentem tu admittas, & acquiescas, acquiro mihi illud jus apud te divertendi per præscriptionem, non injuria dixerim, idque in terminis habet Cravetta. *de antiquit. tempor. part.* 4. *in fin.* cui jung. Socin. Senior. *cons.* 181. *sol.* 2. *lib.* 1. Paris. *Cons.* 17. *n.* 112. *lib.* 1. Nevizan. *Cons.* 80. *n.* 21. Ad II. præsumi qui- dem, familiaritatis gratia receptionem, si scil. nulla alia causa



causa appareat. Manzius. *centur. decis. qu. 28. n. 4.*  
Tusch. *conclus. 411. n. 3. & fin. lit. P.* Cravett. *Consil. 236.*  
*col. 2. exemplo rustici, qui solitus est afferre capones No-*  
*bili.* Bartol. *in l. eum ff. de in rem verso n. 9.* Quodsi ve-  
ro, quasi jure quodam suo quis divertat, in eoque alte-  
rum acquievissē, possit probare, eliditur præsumptio fa-  
miliaritatis per ea, quæ habet Cavalcan. *decis. 1. n. 23. lib.*  
*5. Auctor des Wertheimischen Gegenberichts cap. 3 fol. 43.*

XVI.

Potest etiam quilibet peregrinans hospitium jure pe-  
tere ab eo, qui publicum aperuit diverforium, der einen  
offenen Schild ausgehendet. Hic enim etiam invitus re-  
cipere tenetur. l. 1. & ib. Bartol. *ff. naut. caup. stabul. l. 17.*  
*§. 3. ff. commodat. l. un. ff. furt. advers. naut. & ibi Godo-*  
*fred. in Verb. nec repellere potest.* Chassan. *in catalog.*  
*glor. mund. part. II. confid. 46. vers. & fuit.* Azevedo *in*  
*constit. Hispan. lib. 7. tit. II. leg. 6. n. 9.* Besold. *part. 3. conf.*  
*118. n. 51.* Stamm. *de servit. person. lib. 2. c. 16. n. 3.* Coler.  
*ad §. 3. l. de obligat. ex delict.* Speckhan. *cent. 1. qu. 23. n.*  
*3. rationem reddit Bönifacius de furt. §. 8. n. 18. 19. & 20.*  
quod Cauponum, hospitumque insignia, solis, stellæ;  
suspensæ hederæ, & similia, manifesta sint invitamenta,  
& perinde sit, ac si expresse invitarent viatores; ne di-  
cam, quod intentio concedentis hospitalitatem, seu fa-  
cultatem hospitium erigendi falleret, si non omnibus  
domi esset hospes activus; eum etenim in finem erigun-  
tur hospitia publica, ut undique adventantes commode  
recipiantur. Dn. Tabor. *in tr. de metat. part. 3. c. 3. art.*  
*2. §. 13. jung: Rebuff. in Constit. Reg. tit. de hospitibus n. 1.*  
*Mantic. de conject. ultim. volunt. lib. 1. tit. 1. n. 5. & in si-*  
*mili Paris de Puteo de syndicat. vers. Advocati n. 3. & Joh,*  
*Marquardus, Reip. Lubecensis quondam Consul, &*



Affinis noster honoratissimus, nunc ἐν τοῖς ἀγίοις, in 17.  
*de Jure Mercaturæ lib. 2. c. 5. n. 36.* Hinc etiam Græce  
 dicitur talis hospes πᾶνδοχος. quod omnes recipiat. Sed  
 si quis pietate motus, crebro homines peregrinos recipi-  
 at, nullo præ foribus, aut frontispicio ædium, appenso  
 signo, nulla etiam fere extante familiaritate præsumpti-  
 one, an possit cogi ad hospitandum? Ita quidem vide-  
 tur, cum alias recte se habet, quod monet Bartol. in l. le-  
 gatis servis n. 3. & in l. mariti § qui questum: ff. de adul-  
 ter: hospitem non posse dici ex unico actu hospitalitatis  
 Vid. Chassane. in Consuet. Burgund. L. 4. des droits §. 1. n. 5.  
 & Marquard. de jur. mercatur. lib. 1. c. 7. n. 39. Denique  
 etiam ex peculiari facto nonnunquam oritur hospitandi  
 onus, v. g. qui denegat solvere collectas impositas, prout  
 moris hodierni est, executorem tamdiu domo recipere  
 & alere tenetur, donec solverit, quod debebat.

## CAPUT. IV.

### DE CAUSA FORMALI HOSPITII.

#### I.

Causa For.  
 malis For.  
 ma hospi-  
 tationis  
 publica.

**D**iximus in fin. cap. 2. Ratione formæ dividi (1) ho-  
 spitia in publica & privata. Hospitalitatio publico  
 nominæ varie iterum fit; aut enim hospitandus si-  
 bi ipsi hospitium quærit, sumptibus publicis, uti Gregor.  
 Turonensis lib. 9. c. 45. de Chilperici Regis Filia, quæ in  
 Hispaniam nuptum ducebatur, scribit, quod apparatus  
 magnus expensis diversarum civitatum in itinere congre-  
 gatus sit, ad quem nihil de fisco suo dari Rex jussit; aut illis  
 locus assignatur ab iis, qui hospitalitatem debent; aut  
 denique a subditis, civibus aliisque qui præbent hospita-  
 tionem, in domum recipiuntur. Wehner. in voce Ant.  
 Bücher, Christinæ decij. Belgic. 135. n. 17. vol. 5. & decij. 143.  
 n. 22. Privata hospitia præbentur in ædibus singulorum  
 propriis.

II. Di-

## II.

Diximus etiam hospitia (II) alia esse limitata, alia illimitata. Limitatur interdum hospitatio (1) quoad numerum & comitatum hospitem recipiendorum, uti in *c. cum Apostolus. 6. c. procurationes 23. X. de cens.* cautum est concilio Lateranensi, quod Archiepiscopi, parœcias visitantes, pro diversitate provinciarum, & facultatibus Ecclesiarum 40. vel 50 evectionum numerum, Episcopi autem 20. vel 30. Cardinales 25. nunquam excedere, neque cum canibus venatoriis, aut avibus, proficisci debeant. quod si hospitatio deberetur certæ familiæ, eaque familia augeatur, quæsitum fuit, an omnes hospitandi sint? de quo vid. Küppen. *decis.* 17. (2) Limitatur hospitatio quoad tempus: sic Wehnehrus, in voce *Schauren*, scribit von denen 6. Mayndörffern in Franckentlande, daselbst, so oft der Amptman zu Gräglingen das Hochgericht hält, so mager mit so viel Personen, und Pferden, als ihm beliebt, und deren Zahl man nicht wissen mag, dazu auch mit schönen Frauenzimmer, und Spielteuten des Abends ankommen, und des folgenden Tages nach gehaltenem Hochgericht um die Zeit und Stunde er vorigen Tages angelanget, und also nach 24. Stunden wieder abziehen: was damahls verzehret, muß der Dohm-Probst zu Würzburg austrichten. Sic Nobiles de Mersburg habent in vico Fahrlosen, in Hassia versus Mündern sito, jus Albergariæ, limitatum tamen, ut saltem per unam noctem publicis sumptibus hospitium eis adventantibus præbeatur, eoque beneficio ipsemet, in itinere Nobili cuidam ex illa familia comes, aliquando gavissimum. Sic jure Canonico cautum, quod Episcopus, diœ cesin peragrans, non amplius, quam una die per unamquamque Basilicam morandi licentiam habeat, & secundum loci mediocritatem con-

vivia expectet. c. placuit. c. inter cetera. c. illud 18. quest.  
3. In hospitiiis quoque & diverforiis Constantinopolita-  
nis gratuitis per triduum saltem commorari licet. Sa-  
lom. Sweiger. in *Itin. Constantinop. lib. 2. c. 32.*

III.

(3) Limitatur hospitatio quoad modum; alia enim  
nuda est, alia non nuda. Nuda est, quæ solam commo-  
rationem præbet, & nil fere, præter tectum. Talis ho-  
spitatio militum erat olim apud Romanos. Catell. Cot-  
ta. in *memorab. verb. militibus medietas*. Clock. *de con-  
trib. c. 17. n. 208.* Roland. a Valle. *Conf. 66. n. 8. vol. 1. per  
l. 5. C. de metat. ibi: solam hospitationem.* vid. ibid. Luc.  
de Penna & l. un. *C. de salgam. hospit. non præstand.* ideo  
enim ipsis stipendia & annonæ dabantur, ne provinciales  
onerarent. l. 3. *C. de erog. milit. ann. l. 16. § 1. eod.* Tale ho-  
spitandi genus in usu etiam est hodie multis Europæ locis  
præsertim apud Hispanos, ubi, præter tectum, plerumq;  
viatoribus nihil præbetur, edulia ipsi emere coguntur,  
quæ quidem hospiti coquenda dant. In Germania hoc  
genus vocatur Obdach, wenn man den Einquartierten  
nur das bloße Obdach, sive Bedeckung unter einem Dache,  
und Lagerstelle, giebet. Non nuda hospitia sunt, quando,  
præter tectum, quædam alia necessaria suppeditantur;  
quomodo hodierno usu plerisque hospitationibus tale  
quid adjicitur, cum præter tectum, vulgari vocabulo, *ser-  
vices*. puta lectus, ligna, candela, acetum, sal, Salz, und  
Sauer, præbentur. Exemplo sit edictum *Electoris Bran-  
denb. de anno 1639. 28. Decemb. & de ao. 1665. 6. Oct.* jux-  
ta quod ein Unterscheid unter Officieren, und gemeinen  
Soldaten zu machen. Ist es ein Officier, der hat Dach, und  
Fack, ein gut Logement, Bette, so gut sie es haben, Stal-  
lung, Salz, Tsch, und Küchen: Geräthe nach Nothdurfft  
zu



zu prætendiren. Ist es aber ein gemeiner, der geneussset von seinem Wirthes Salz, Licht, Feuer, und Lägerstätt, so gut es kan gegeben werden. Vide Hoyer. *in not. ad jus milit. Brandenb. tit. 11. art. 53.*

IV.

Denique diximus, hospitia alia esse gratuita, alia mercenaria. Gratuita sunt vel voluntaria, ad quæ nemo civiliter obligatur, vel necessaria, quæ lege, contractu, aut mandato superioris injunguntur. Clericis quidem jure Canonico mandatum est, ut hospitales se præbeant. vid. Hospin. *de Orig. monach. lib. 14. c. 53.* ubi, inter cœteras leges, etiam hoc præscriptum reperitur, *Monachi ut omnes supervenientes hospites, tanquam Christus, gratis recipiant:* Sed & Princeps, aut quævis alia potestas superior, solet nonnunquam gratis hospitia designare. Mercenaria hospitia sunt, qualia præbent caupones, & hospites publici, die offne Schencken, und Wirthshäuser halten. Sed de horum omnium constitutione jam satis pro re nata in prioribus disseruimus.

CAPUT. V.

DE FINE ET EFFECTU HOSPITII.

L

**F**inis hospitiorum in genere est, ut succurratur recipiendorum hospitem, ac viatorum necessitati, & commoditatibus, sive cibatione hoc fiat, sive potu, sive igne, cubiculo, lectulis, seu qua alia rebus eorum commoda utilitate. Quemadmodum autem illi, qui recipiuntur, duplicis sunt generis, aut peregrinantes seu viatores, aut ejusdem civitatis, vel loci incolæ; ita finis hospitiorum, respectu habito ad illas personas, potest esse vel honestus vel inhonestus. Receptio sive hospitatio civium,

vium, seu incolarum, quæ sit in popinis, cenopolis, Wein und Bier-Scheucken, da man sitzende Gäste haben mag, plerumque ad inhonestum delabitur, multaue mala secum trahere solet; quod cum animadversum esset a legislatoribus, quibusdam locis oppidanis pariter ac vicinis popinarum usum inhibuerunt; ne, dum Baccho indulgetur, gulæque se, ac ventri dedunt homines, rei simul, ac temporis jactura fiat. Renat. Choppin. *de morib. & Consuet. Paris. lib. 1. c. ult. n. 12.* [sane eadem censura usus est, qui, cum Diogenem in taberna cenantem reperisset, graviter eum increpavit; nec laude igitur sua defraudandus Claudius Imperator, qui ejusmodi tabernas, hunc in finem exstructas, destrui jussit; nec minori præconio digna Regis Galliæ Constitutio Ao. 1254. qua prohibitum; *Ne ullus recipiatur in tabernas, ad moram faciendam, nisi sit transiens, vel viator, vel in ipsa villa non habeat mansionem.* Cauponæ enim non voluptatis, sed necessitatis gratia haberi, & excerceri debent. Speidel. in *specul. voc. Wirth vers. quantum etiam.* Afferunt hanc in rem plura Val. Maxim. *lib. 1. c. 7.* Klockius *de ærario lib. 2. c. 58. n. 8. & c. 59. n. 14.* Christinæ *vol. 5. decis. Belgic. 78. in fin.* August. Barbosa *de offic. & potest. parochi, part. 1. c. 6. n. 20.* Ludov. a Peguer. *decis. 44.* Speidelius in *verb. Wirth.* Receptio autem, sive hospitatio peregrinantium, qui domicilia, ut proverbio dicitur, secum ferre non possunt, sua natura honesta est, ac utilis Reip. nisi per accidens cum ignominia & inhonesti labe & detrimento Reip. contaminetur.

## II.

Effectus  
hospitii.

Effectus hospitiorum consistit (I.) in Obligatione & officio tam hospitis activi, quam passivi, cujus præcipua capita solent, quamvis submonitionis vice magis, quam

in

in vim legis, in hospitii parieti affixa advenientibus monstrari, ne ignorantiae tegumento velare se possint. (II.) in actionibus, sive remediis, ex obligatione illa resultantibus, interque hospites mutuo competentibus. Obligatio & officium hospitii activi consistit vel in committendo, vel in omittendo, seu in faciendis, & non faciendis. Ad priorem classem spectat I. quod advenientem blande humanisque, partim verbis, partim gestibus excipere debeat. Exemplum præbet Telemachus, Minervam excipiens, apud Homerum Od. 3. his verbis:

Νεμέας ἦθη δὲ ἐνὶ θυμῷ

Ξεῖνον δὴτὰ θύρῃσιν ἐφ' ὅσ' ἄμεν ἐγλύθι δὲ τὰς

χαῖρ' ἐλεεινέστερην καὶ ἐδέξατο χαλκίον ἔγχος

ubi Eustath. in comment. quod moris fuerit hujusmodi verborum formula affari hospitem: χαῖρε ξένος, *salve hospes*, quod si dignitas vel honor advenientis exigit, obviam ei mittantur aliqui, vel hospes ipsemet, obviam eundo, in hospitium eum deducat. Sic enim moris est non tantum in publicis, verbi gratia, quando Princeps, aut Legatus adventat, sed etiam ad privatas affinitates, amicitias, & hospitium mos ille deduci cœpit. Carol. Paschalius. *de Legat. c. 29.* Quod si II. onus aliquod gestet viator, liberandus erit illo onere; sic enim Telemachus apud Homerum *dict. loc.* ensē Minervæ, quo erat cincta, accepit, & reposuit certō loco. Sed hæc, & talia alia, sunt quidem de officio humanæ hospitalitatis, non tamen ubique in obligatione esse censebuntur: ideo, si quis innotior, in his partibus existat hospes, adventanti, vix est, ut ad exigenda ea, actionem porrigamus: neque enim omnia, quæ honesta sunt, civilem protinus obligationem producant III. in plurimis Rebusp. hospites schedulam, receptorum advenarum nomina continentem, singulis diebus Magistratui exhibere tenentur, müssen alle Abend



ihnen Nacht-Zettel und Verzeichiß übergeben, was sie vor fremde Personen bey sich haben. *Knipschild. de jur. Civit. Imperial. lib. 5. c. 261. n. 29.* quod quia ad statum, & securitatem publicam facere videtur, merito in eos, qui id negligunt, animadvertetur. IV. In domum deducti aut recepti hospites comiter & civiliter habeantur, cum primis vero secundum qualitatem & conditionem personarum tum de cubiculo per *l. 2. §. illustribus C. de metat.* tum de iis, quæ ad victum necessaria sunt, illis prospici debet, *l. 14. ff. de anum. legat.* Tiraquell. *de Nobilit. cap. 20. n. 143.*

III.

V. Hospes activus tenetur personam hospitis passivi ab omni injuria defendere, ut adeo congrue Alciatus *reg. 3. presumpt. 40. n. 4.* argumentetur in hunc modum: Si hospes tenetur de damno dato in rebus hospitis, multo magis de damno dato in persona: jungit Rebuff. *in Constitut. Reg. tr. de hospitibus n. 7.* & Text. Land. *Necht art. 18. lib. 3.* Inde Telemachus apud Homer. *Od. α.* Minervæ separatas adornavit epulas, nequid illi molestiæ a procis ocureret, & *Od. π.* de Ulyssæ, patre suo, sollicitus, eum apud Eumenem pastorem commorari maluit, ne conviciis proscinderetur. Et laudatur Rahabæ meretricis virtus, quod hospites suos periculo exemptos voluerit non sine suo periculo *Jos. 2. vers. 4. & 6. Apostolus Ep. ad Hebr. 11. vers. 31.* nec minus laudatur Lothus, qui hospitalem gratiam domesticæ prætulit verecundiæ *c. offerebat. 32. quest. 7.* quod factum, quamvis ab omni peccato absolvendum existiment haud infimæ sortis & eruditionis Viri, solido tamen calamo eos perstringit Magnif. Dn. Etchels *intr. de jure, quonatural. lib. & parent. oblig. part. 1. n. 35.* Huc pertinet, quod caupo teneatur de homicidio in caupona commissio, & quod revelare debeat delictum, si quidem

dem suspicionem pravæ societatis, & fœdæ receptationis evitare velit; Zanger. *intr. de tortur. c. 2. n. 135.* Blancus *de indic. n. 33.* Mævius *ad jus Lubecens. lib. 4. art. 6.*

IV.

VL Non minus ad custodiam rerum viatoris, in hospitio receptarum, obligatur, quamvis seorsum merces illi non detur custodiæ causa, l. 5. ff. *Naut. caupon. stabul.* Cärpz. *Jurispr. For. p. 2. const. 26. def. 10. n. 1.* Habentur autem pro rebus receptis, si solum immissæ, aut illatæ sunt in navem, cauponam, diversorium. l. 1. § *fin. ff. N. Caupon.* Neque opus est, ut expresse & specificè cauponi designentur, aut committantur, per l. 9. §. 3. *ibi quid enim interest, inferantur volente eo in domum eius* l. n. 9. Bartol. Bertazol. *lib. 1. consil. Crim. 68. n. 1. & Consil. an ei tradantur. ff. de jur. dotium.* Bachov. *in prot. ad l. 1. §. 160. n. 13.* Barbat. *Cons. 53. n. 16. vol. 1.* Grivet. *decis. 49.* Mascard. *de probat. concl. 833. n. 14.* licet etenim, asserente Regnero Sixtino *vol. 3. Consil. Marpurg. 7. n. 91.* ubivis fere gentium moribus & consuetudine receptum, ut ea, quorum custodiam alii commissam velint viatores, apud hospitem singulariter custodiendi gratia deponantur, tamen hoc ipsum non videtur esse necessitatis, & vocabula *mores, consuetudo*, eo adhibentur significatu, ut denotent actiones humanas indifferentes, nulloque juris aut necessitatis vinculo communitas, ut quando Cicero, se contra consuetudinem suam pluribus scripsisse, ait. De rebus ergo, inscio caupone, illatis, si quæstio oriatur, verior est sententia, generalem rerum illatarum scientiam requiri, & sufficere, ut teneatur de iis hospes, non v. specialem, quales nimirum, cujus qualitatis, ac quantitatis res illæ sint. Baldus *in l. 5. C. locati.* Jason. *ad l. 5. n. 43. ff. de in lit. jur.* Ludov. Peguer. *decis. 45.* Bertazol. *lib. 2. Cons. 313. v.*



gr. sciat caupo, vallisium, vel cistam esse illatam, non vero seire, aut monstrare ei necessum est quod pecunia, vel alia res cistæ inclusa. Plotus *de in lit. juran.* §. 10. n. 6. 10. & 12. Speculator. lib. 4. Part. 4. sub rubr. *de furt. n. 15.* Carocius *de deposito part. 1. rubr. de in lit. jur. n. 7.* Bechman. *in us. practic. ad Tit. Nant. Caup. & ipsa Glossa ad l. 1. §. fin. v. illata sunt. ff. eod.* Quamvis enim Glossæ opinio- nem communiter improbatam velint Clarus lib. 5. *sen- tent. §. Furtum in fin.* Menoch. *de A. l. q. Cas. 208. n. 38.* Pa- ris. *Conf. 74. n. 3. lib. 1.* Ruin. *Conf. 143. n. 29. lib. 5.* oriri tamen hoc videtur ex sensu ac mente ejus, sinistre a DD. percepta. Putant enim DD. Glossam notitiam illatarum rerum specialem requirere, id quod ex ratione dubitan- di ab iis adducta patet, quod scil. periculosum foret, si an- te receptionem omnia & singula inferenda cogerentur ostendere viatores. Jason. *in §. item Serviana l. de action.* Zasius *ibid. n. 16.* Plotus *de in lit. jur. §. 10. n. 12.* Mascard. *de probat. concl. 833. n. 11.* Starhm. *de servit. person. lib. 2. c. 14. n. 11.* DD. comm. *in l. 1. ff. de in lit. jur.* veruntamen, si rectius paulo Glossæ verba consideres, eadem illius mens apparebit, quæ DD. neque enim desiderat specia- lem rerum illatarum notitiam, sed tantum generalem, prout exemplum adductum satis probat de re scil. medi- astini custodiæ commissa, in scio hospite, nullamque, ne quidem generalem notitiam ejus habente. Illud tamen hic porro notandum, siquidem lis moveatur de scientia vel ignorantia illatorum, hanc præsumi in favorem cau- ponis, quia in facto alieno consistit. l. 2. ff. *de jur. & fact. ignor.* Stypmann. *de jur. maritim. c. 15. n. 308.* & proinde scientiam ab actore esse probandam Peckius. *ad l. 1. §. ult. ff. nautæ. caup. n. 8.* nisi scientiæ præsumptio major, & for- tior elidat ignorantæ præsumptionem minus fortem



Loccen. *de jur. marit. lib. 3. c. 8. n. 3.* Mascard. *de probat. concl.*  
1300. *n. 4.* Joh. Bapt Costa. *tr. de scientia & ignor. inspect.*  
65. *n. 7.* sic si quis curru adveniat, præsumptive instructus  
est omnibus ad currum necessariis (Wagen und Pferd  
Geschirr) inepteque exciperet caupo de custodia inter-  
pellatus, nescivisse se, quod frenum vel rotas secum ha-  
buerit viator.

V.

Ex dictis itaque patet (1) non teneri hospitem seu cau-  
ponem de custodia, sine generali notitia rerum illatarum  
idemque est (2) si protestetur ab initio, se nolle teneri, &  
protestationi consentiat viator, utrumque enim concur-  
rere debet *l. ult. pr. circ. fin. ff. naut. caup.* Alexand. *in l. 8.*  
*§. 6. ff. de oper. nov. nunci.* modo protestatio facta sit post  
receptionem, sic enim ante receptionem, sola sufficit sine  
viatoris consensu Bart. *in l. 7. ff. naut. caup.* Bachov. *ad*  
*Trent. disp. 26. tit. 5. lit. A. vol. 1.* Sed an expressus viatorum  
consensus requiratur an sufficiat tacitus? de expresso ita-  
tuit Peckius *in l. 7. §. item si prædixerit. n. 2. ff. Naut. caup.*  
sed contrarium, tacitum nimirum sufficere, rectius de-  
fendunt Vinnius *in not. ad d. Peckii loc.* & Loccen. *de jur.*  
*marit. lib. 3. c. 7. n. 12.* quodsi itaque, protestatione a cau-  
pone facta, nihilominus maneat in diversorio viator, non  
tenebitur amplius de illatis caupo. (3) non tenetur qui a-  
micum jure familiaritatis & amicitiae recipit. Alberic. *ad*  
*l. 1. §. ait Prætor. ff. naut. caup.* Specul. *ad Tit. de Furt. v. quid si a-*  
*micus* Baldus *in l. 3. ff. Nautæ & in l. certi C. locati.* Starn. *de*  
*servit. person. lit. 2. c. 14. n. 14.* nisi forte simul caupo s. hospes  
publicus sit, tunc etenim tenetur, quamvis gratis aliquem  
recipiat. *l. 8. pr. ff. naut. caupon.* (4) non tenetur, qui ex ne-  
cessitate & coacte recipit. e. gr. in recipiendo principe, vel  
comitatu ejus. Alber. *ad d. l. 1. §. ait prætor. n. 1. ff. naut.*  
*caupon.* Tabor. *de metat. part. 2. c. 6. n. 5.* (5) non tenetur.  
quando culpa ipsius Viatoris res amissa vel deteriorata.

Zafius *in parat.* ff. *Nauta* n. 13. vel saltem, si concurrat culpa ejus. Baldus *in l. 5. C. locat. n. 3.* Stamm. *de ser. pers. lib. 2. c. 14. n. 15.* per l. 203. ff. *de R. l. junct. l. 11. pr. ff. adl. Aquill.* ut si forte hippoperam, quam vulgo vallisium vocant, in stabulo super dorso equi, aut pallium, pileum in cauponæ area, aliamve rem in loco non satis congruo reliquerit, vel similibus modis negligentiam commiserit. Plotus *de in lit. jur. n. 10. §. 10.* Menoch. *de A. J. Q. cas. 208.* Caspar. Anton. Thesaur. *lib. 2. qu. 55. n. 4.* Schneidew. *ad §. fin. Inst. de obl. quæ quas. ex del. n. 4. in fin.* Consequens est, si proprius viatoris famulus damnum rebus viatoris inferat, cauponem excusari juxta sententiam Paponii *lib. 23. tit. 6. arrest. 4. circ. fin.* quam etsi dubiam reddant l. 6. §. 1. ff. *naut. caup. & l. 21. §. 1. ff. commod.* pro Paponio tamen haud leviter facit l. 5. §. *si me rogaveris* 13. ff. *eod.* (6) excusatur caupo, quando vi majori, & fatali casu, qui præcaveri non potuit, damnum in rebus illatis est datum. l. 3. §. *pr.* & l. 1. ff. *Naut. caup.* Plotus *de jure jur. in lit. §. 10. n. 8.* Menoch. *de A. J. Q. de cas. 208. n. 4.* & late Stamm. *de servit. person. lib. 2. c. 14. n. 18.* Qua ratione, tempore publici tumultus ob monetarum depravationem Magdeburgi, aliquando exorti, absolvendos esse caupones, consuluit Klockius *vol. 3. consil. 135. n. 22. & seqq. usque ad n. 62.* Pariter quoque cauponem, cui nocturno tempore, vi majori, foribus stabuli effractis, equi viatorum sunt surrepti, absolvendum censuit Senatus Dolanus referente Grivello *decis. 49.* faciunt huc, quæ habet P. Christinae. *vol. 5. decis. 65.* & Stypman *de jur. maritim. lib. 4. c. 15. n. 346.* ubi de probatione hujusmodi casus inevitabilis, quæ cauponi incumbit, plura & utilissima adducit. Siquidem tamen etiam vel levissimam culpam cauponis præcessisse, probare poterit viator, tenebitur de ea caupo. Strach.



*de Naut. part. 2. n. 6. Carpzov. I. F. part. 2. defin. 18. n. 6. & seqq.* VI.

Sed quæritur jam, si deponens in diverforio custodiam rei suæ ipsemet retinuit, aut custodiam famulis suis mandavit, custodemque rebus suis apposuit, vel cistam reposuit in lecto & claves cubiculi apud se retinuit, an nihilominus teneatur hospes de amissis, aut deperditis. Negant Bald. *in rubr. C. de posit. n. 1. & ad l. fin. §. item si prædixerit n. 2. ff. N. Caup.* Boslius *tr. crim. tit. de furt. advers. naut. n. 5.* Menoch *de A. I. Q. cas. 208. n. 39.* Anchoran *qu. 61. lib. 1. l. O. Tabor ad Tit. ff. de Furt. racemat crim. 7. thes. ult.* Sed contrarium videtur verius; habentur enim pro receptis res in cauponam, seu diverforium semel illatæ, illatæ autem etiam sunt illæ res, quarum custodiam vel curam ipsemet viator quodammodo retinet, ergo pro receptis quoque habendæ, & per consequens de illis hospes tenetur, neque censetur, qui rerum suarum custodiam simul ipsemet, ut diligentem patremfamil. decet, suscipit, remisisse statim hac vigilantia alteri officium ac obligationem suam arg. *l. 5. §. 14. ff. commod. & ibi Bartol Bald Castrenf. Salic & alii, Jason in l. 5. ff. de in lit. juran. n. 43.* De clavium traditione, quomodo illa liberet hospitem a custodia, altioris forte est indaginis, Certa ubi per observantiam vel statutum loci alicujus illa liberat hospitem a custodia, nullum restat dubium, uti in Gallia judicari solitum testatur Chopinus *lib. 2 ad Consuet. Parisiens. tit. 8. & lib. 3. tit. 3.* Eo vero cessante, quid dicemus? Sane Bartol *in l. 7. n. 1. ff. Naut. caup.* Bald. *in rubr. C. de positi. & in l. 4. C. locati.* Coler. *in §. item exercitos l. de obs. quæ qf. ex delict.* Harpr. *cod. n. 15.* Mascard. *de probat. conclus. 833. n. 13. 14.* ita distinguunt: ut, sicubi ab initio, traditis clavibus, cum protestatione pericu-



periculum caupo a se rejecerit, minime teneatur, absque hac protestatione vero teneatur; præsumi enim traditionem clavium factam, ut possit viator res suas, quando-  
cunque voluerit, eo promptius, & commodius recipere. Accursius quidem simplici ac nudæ clavium traditioni, initio factæ, hunc tribuit effectum, ut caupo de levissima culpa non teneatur *ad l. fin. §. 1. ff. N. Caup.* quod ipsum pariter arridet Sichardo *ad l. 1. C. locati n. 9.* & Anton. Fabro *ad l. fin. pr. ff. N. Caup.* sed Bald. *ad eand. l. fin. §. item si prædixerit n. 2.* Glossam, ait, eam modificationem ex suo adjicere capite, non vero probare per legem. Quod si autem claves ab initio non sint traditæ, hoc casu ne quidem per protestationem, clavium traditionem postea insecutam, liberabitur caupo, nisi viator consentiat. Specul. *in tit. de Furt. n. 18.* Gloss. *in l. 5. C. de Oblig. & act.* Schneidewin. *ad §. ult. l. de obl. que qs. ex del. & ibi Godofr. in not. margin.* Hauditaque placuerit Duareni *ad Tit. Naut. Caup. & c.* opinio, quæstionem scil. hanc potius facti esse, quam juris, &, siquidem ex conjecturis appareat, eo animo traditas esse claves ab hospite, s. caupone, ne præstet custodiam, illum non teneri; per sæpe enim allegatam *l. 7. §. 1. ff. N. Caupon.* requiritur, ut nominatim & expresse caupo protestetur de non suscipienda custodia rerum illatarum, traditioni autem clavium nudæ ac simplici nulla inest protestatio, nisi forte tacita, quæ hic non sufficit. arg. *l. itaque ff. de adilit. edict. l. 3. §. 1. ff. de jur. fisci. l. videamus §. 1. & ult. locati.* vid. Arumæ, *disp. pandect. 24. thes. 8.* & Hillig. *in Donell. lib. 15. cap. 42. lib. C.* Recte proinde Zasius *in ff. tit. N. caupon.* Nota, inquit, *ex clavium restitutione non præsumitur renunciata custodia, ad quam obligatur hoc genus hominum* & Plotus *de in lit. juran. §. 10. n. 10.* Caupo, dando claves Camere, non libera-

*liberatur a custodia.* Cautè siquidem hic procedendum, quia, ex sententia Veteris Jurisprudentiæ, furacissimum hominum genus, hospites plures claves ejusdem cubiculi sibi comparare non verebuntur, eum in finem ut absente viatore cubicula, clausa quamvis, altera clave referare & aperire possint, quamvis tamen multo hodie honestius de hospitii & diversorii, illustrioribus præsertim, nostra ætate judicetur.

VII.

Ampliatum autem, quod diximus de custodia & cura, quam hospes circa personam, & res viatoris præstare debet I. ut non saltem factum proprium, (communiter etenim quilibet facti proprii semper rationem reddere debet) sed etiam alienum præstare teneatur, v. gr. servorum, & famulorum suorum, neque tantum, si in officio, cui præpositi sunt, veluti coquus in culina, stabularius in stabulo. Lubler. *de incendio cap. 5. n. 60. per Bald. in l. 1. §. caupones ff. N. Caupon. &c. l. 1. §. familie ff. de publican. & l. 5. §. non in ff. de instit. act.* Sed etiam si extra officium, contra securitatem viatorum, vel rerum eorundem aliquid admiserint. Farinac. *qu. crim. 110 n. 124. Magon. decis. Flor. 3. n. 12. & 56.* aut enim fit hoc ab illis mandato domini s. hospitis, & tum ipse dominus omni jure tenebitur, vel agunt sine mandato, & tum committunt *πολυπραγμοσύνην*, aliis scil. negotiis extra officium suum se immiscentes, atque sic ex hoc delicto tenetur Dominus ipse per *l. 7. pr. ff. N. Caupon. &c.* illud tamen facile Lublero d. l. concedimus, si servi delictum non ad viatoris, sed extranei alicujus damnum redundet, non teneri dominum, addimusque si in officio, si extra officium delinquat servus; cessat enim quoad hanc actionem ex jure hospitii ratio singularitatis, quæ est circa



advenas, peregrinos vel hospites, neque tamen propterea alia juris remedia hic denegamus. Porro juri haud convenire putamus illorum sententiam, qui docent, si servus vel famulus communi omnium opinione bonus ac probus fuerit habitus, excusari Dominum circa ea, quæ sunt sunt a servo contra jus hospitii admissa Bald. *in l. 3. §. 1. verb. ex hoc edicto n. 2. ff. Naut. caup. stab.* Zasius *in parat. eod. n. 9. Stamm. de servit. pers. c. 14. n. 18* quamvis enim a culpa circa electionem & receptionem talis famuli liberetur, tamen non statim ab actione de recepto simul liberabitur arg. *l. 1. §. fin. l. 2. & 3. pr. & §. 1. ff. Naut. caup. stab. junct. l. un. §. fin. ff. furt. adv. naut. & §. ult. l. de obl. quæ qf. ex malef.* quippe cujus fundamentum est in ipso cauponationis exercitio, quod ad restituendum res receptas indistincte obligat, solo casu fatali & vi majore excepta *l. 3. §. 1. ff. naut. caup.* Eo amplius tenetur etiam hospes de facto alieni servi, & cujuslibet alterius, quem in usum suum domi adhibuit. *l. 7. §. 4. ff. eod.* adeoque Carocius *de locat conduct. part. 4. rubr. de incend. n. 21. & 22.* pro cautela ponit, ne hospites mandent, aut committant aliquid famulo viatoris, quia in hoc videntur eligere ejus operam, & magis sibi præjudicare, quam si suomet servo utantur. Imo damnum a quolibet alio in ædibus hospitii datum redundat in hospitem seu cauponem. Bald. *ad rubr. ff. N. caup. pr. & n. 1.* Zasius *in parat. eod. n. 7.* Christinæ *vol. 5. decis. 65. n. 24.* Bachov. *in prot. ad l. 1. §. 1. n. 9. ff. Naut. caup.* Ampliatur II. quod de cura hospiti incumbente diximus, ut non tantum teneatur ad custodiam, sicuti depositarius, verum amplius, de culpa etiam levisima præter communem juris normam ac regulam circa res alienas arg. *l. 3. §. 1. ff. Naut. caup.* ubi Barthol. & Alex. Bachov. *in prot. ad l. 1. §. 5. eod. n. 3.* Klock. *vol. 3. cons. 135. n. 13.* Stypm. *de jur. marit. cap. 15. n. 322. & seqq.* Ha-



Hactenus dictum de officio hospitis activi in commit-  
tendo s. faciendo consistente, jam de officio illius in omit-  
tendo s. non faciendo. Eo pertinet I. ne hospitem passi-  
vum vel directo vel per cuniculos aut obliquum lædat,  
damnumve, aut injuriam inferat personæ illius, neque  
enim imitari debet Lembum Plautinum *in Bacchid. act. 2.*  
*scen. 3.* aut illum hospitem, de quo habet Lonicerus *in*  
*Promptuar. ad 7. precept.* cujus insidias Conradus de Ro-  
sa, Secretarius Maximiliani Imper. puellæ indicio evasit.  
Major sane & atrocior injuria est. quam hospes patitur ab  
eo, a quo in hospitium receptus est, quam ab alio. Baldus  
*in l. cum oportet. 6. in pr. verb. gravius C. de bon qua liber*  
*Bocer. class. 4. disp. 4. ib. 38. lit b.* Et quamvis non impro-  
babiliter sæpe recedatur a regula, possintque casus eveni-  
re, quibus jure hospitio receptus lædatur, abstinere ta-  
men, quantum id fieri potest, ab hac offensione æquius  
est, debetque potior esse regula Simplicii *in Epictet. c. 37.*  
*καθήκει δὲ μὴ δαμῶς τὸν ξένον ἀδικεῖν.* Nullo modo violandus est  
hospes Adde Christoph Adam Rupert. *ad Valer. Maxim.*  
*lib. 5. c. 1. §. 3.* nam & odiosus & metuendus est hospitem  
violator, exemplo, quod exstat apud Niceph. Callistrat.  
*lib. 14. histor. c. 6.* de Eudicio, ad quem cum Eudochius,  
adversus Constantium Imperatorem rebellionem mo-  
vens, victus deinde confugisset, Eudicius eum benigne  
excepit, nocturnis vero insidiis interfecit. cujus caput  
um ad Constantium delatum esset, Constantius quidē de  
facinore hoc gratias ei egit, cum autē manere vellet Eu-  
dicius, discedere eum jusfit Imperator ex aula, tanquam  
viola- orem hospitii, comprobans exemplo suo vulgatum  
illud; *Proditionem amo, Proditorem odi.* vid. Tholosan.  
*Syntagm. jur. lib. 35. c. 5.* Lædi autem hospes non injuri-

am tantum inferendo, sed & aliis modis potest; e. gr. si cibi apponantur sanitati noxii, v. g. pisces aut carnes morticinæ, uti a Plautino illo in *Captiv. act. 4. sc 2* factum, vel vinum, aqua plus justo dilurum, nimiumve sulphuratum. Coel. Rhodigin. *lib. 27. antiq. lection. c. 35*; noxia enim hæc cuncta sunt humanæ valetudini, sicut & ob cerevisiam haut satis percoctam dici solet; ejusmodi hospitem non esse dignum nomine eines Wein- oder Bierschenden, sed potius eines Weheschends, sed & si cibum personarum dignitati non convenientem apponat, læsisse videbitur; neque enim rusticorum cibus competit illustribus, & nobilibus. *c. 3. distinct. 41. Bald. in l. 2. in fin C. quodcum eo &c meritoque reprehensionem incurrit hospes ille, qui Julio Cæsari pro viridi oleo, conditum apposuit ap. Sveton in Jul. Cæsare cap. 53.*

IX.

Præterea (2) ne læsisse videatur, non exigendum est nimis avare pretium pro hospitacione, sed necessaria quævis æquo pretio exhibeat, ne devorare divertentes apud se, uti loquitur Rebuff. *ad Constit. Reg. tr. de hospitibus n. 15.* aut rapax, & inhians lucro iniquo dicatur. Chass. *incatal. glor. mund. part. II. Conf. 46. in pr.* Bald. *in l. 1. n. 2 C. locati* a quo cavere jubet, metu maledictionis, Angel. *in l. 1. §. caupo autem n. 4. ff. furt. advers. naut.* dum paucos, ait, *hospites reperiri divites, quia in mendaciis suis non justificabuntur*, eique adstipulatur tritum proverbium: Unrecht Gut fasselt nicht, hat Adlers Federn, und kommt selten auf den dritten Erben. Wehner. *in obs. pract. verb. unrecht Gut.* Optime proinde occurritur fraudibus hospitum, si certum exigendi modum præscribat Magistratus certosq; poniat avaritiæ limites, ac frenum injiciat eorum technis, quarum ingentem cumulum recenset Scriptor

Hispanus, in vernaculam nostram sub Titulo *Picare*  
oder, der lustigen Land-Störkerin, translatus; nec minus  
de fraudibus cauponum recentissime & singulariter do-  
let Richter. *in authent. habita C. Ne. Fil pro patr. part. 1 fol.*  
*m. 14.* & commiserescit quodammodo fortis Studiosorum,  
in Academiis adhuc versantium, quod non solum a fa-  
mulis & lotricibus furta sæpe patiantur, sed & a cauponi-  
bus vinum eis vendatur aqua mixtum. Sine ullo viato-  
rum diversorumq; gravamine hospitium præberi man-  
dat Deus. *Exod. 22. vers. 21 & cap. 23. vers. 9.* tenditque eo *Re-*  
*formatio der Polizen-Ordn. de anno 1530. zu Augspurg.*  
*Tit. von theuer Zehren bey den Wiethen.* Solent siquidem  
hospites, & caupones, sibi, suoque genio relictæ, non se-  
cundum ferculorum, quæ apponuntur, sed pro conditi-  
one & facultatibus advenarum, ac hospitantium pretium  
hospitationis definire, pessimo quidem more, & mini-  
mum ex principiis humanæ societatis, quæ æqualitatem  
amat, tum operæ, tum expensi ex una, & redhosti-  
menti ex altera parte. Aliud est, siquidem exigui cibi  
& potus sit hospes, ac præterea pretii laxamentum desi-  
deret; tunc enim, si de cætero laute sit exceptus, pro mo-  
re, & consuetudine hospitii, sperinde, ac alii robustioris  
stomachi, symbolam suam solvere tenebitur, juxta ver-  
naculæ nostræ proverbium: *Es wird ihm doch für eine*  
*Mahlzeit angerechnet* Quodsi adhuc iniquum videatur,  
non inutile fuerit morem sequi, in Galliæ plurimis locis  
& alibi receptum, ut viatori sive diversori electio detur,  
pretioque certo certus cibus porrigatur vid Gryphiand.  
*in Oecon. legal. lib. 1. c. 28. n. 55.* Denique, quemadmodum  
(3) viator invitus non est detinendus; sic enim Menela-  
us ad Telemachum apud Homerum Od. o.

*Hospitem oportet presentem diligere.*  
*Volentem dimittere,*

quem



quem locum allegat Ælian. *lib. 1. histor. c. 52.* ita nec (4) invitus ejiciendus, forte propter supervenientem alium hospitem. Angel. *in l. unic. ff. furtim adv. naut. c. 24. X. de jurejur.* quippe melior est conditio præoccupantis, *c. fi duo 6. de procurat in 6.*

X.

Et hæc de officio hospitis activi. Officium porro diverforis, seu hospitis passivi haud incongrue in tres classes dispescere licebit, ita ut consistat partim in accessu, partim in commoratione, partim in discessu. Accedens viator ad civitatem, & locum aliquem, haud indigne feret, si, limina ejus ingredi volens, vigiles, publico nomine portis appositos, & ratione officii demandati, rite interrogantes de diverforio, quo usus sit, certiores reddere, simulq; nomen, & alia, quæ mores & usus exigunt, indicare teneatur; id enim plerisque locis, maxime præsidio militari munitis, vel ubi Dominus aliquis territorialis residet, moris est, ut sciatur exacte, quantum humanitatis ratio finit, viatores qua conditione sint, unde veniant, quorsum tendant, nam & sciri hoc, sæpe interest, ne quis forte hostis Reip. aut proditor, vel maleficii notorii reus impune transeat. vid. Mævius *ad jus Lubec. lib. 1. tit. 2. art. 2. n. 20.* Posteaquam porro diverforii tecta subiit, tacite legibus. ac moribus ejus se censetur submittere, per ea, quæ habet Schneidew. *ad Tit de action. §. 7. n. 19.* proindeque obsequiosum se iisdem præstabit. Assignato itaque præprimis cubiculo sit contentus. *Novell. 130. c. 9.* Si cui jure hospitium debetur, comitum numerum præter jus & pacta non extendat. neque comitarum loco. ad quem divertit, minus convenientem secum ducat. Quam in rem nota est historia de Abbate Mürbacensi, cui nomen Herboldus, & qui a proverbio illi usitato, *Boß Gudi Gott*, dictus est

*Gudigottus*; cum enim tempore Udalrici Württembergici, Cœnobii Murbacensis Advocati, Venatores cum canibus venaticis frequenter admodum ibi hospitarentur, Abbas ille cum comitatu quorundam Monachorum Stutgardiam, ubi Aula Württembergica, profectus, quotidie mensæ aulicæ adfuit, interrogatus autem, nunquid negocii, vel querelarum causa eo venisset, respondit: *Boß Gütli Gott, putavi ego, Murbaci esse monasterium, ab Imperatore Ludovico, in gratiam religiosorum fratrum exstructum, & fundatum, nunc vero deprehendo, esse stabulum canum; nam Domini mei clementis servuli, qui numel-  
lis canes ducunt, & ipsi canes ibi stabulantur; non igitur opus est amplius cantu monachorum; satis enim ibi baubantur canes; quamdiu hi in monasterio meo degunt, ego hic in aula manebo. Dominus meus potest me facilius pascere, quam ego canes ejus.* Ad quæ Comes Württembergicus subridens respondit: *Vade pater, auferretur hoc cacoëthes.* uti ex Georg Widemanni Chronico refert Magerus de Advocat. armat. cap. 10. n. 301.

XI.

In commoratione ipsa modestiæ laudem capiet viator caveatque, ne hospiti, aut familiæ ejus, aliisve diversoribus ullatenus injuriam, offensionem, damnumve inferat, Eum itaque in finem, ne succendiculum rixæ, aut tumultuum in hospitibus præbeatur, in Italia peregrinantes portarum vigilibus ac præfectis arma sua tradere tenentur, quæ abeuntibus illis restituuntur. Camerar. lib. 1. medid. 47. quod ut laudabile institutum, deprædicat Christoph. Adam Rupert. in not. ad Valer. Maxim. lib. 2. c. 6. §. 8. Necessario porro hospitio utens ultra tempus, jure, vel pacto præfinitum non permaneat, sin vero nullum tempus præfinitum, vel gratis hospitetur, & ex mero familiarita-  
tis

tis ac officiositatis jure exceptus fuerit, nihilominus in tempore discedat, nec tamdiu moretur, ut hospes Abbat-  
tis Mürbacensis, quem modo laudavimus exemplum imitari cogatur, de quo Crusius *annal. Suevic. part. 3. lib. 7. cap. 4.* refert, quod commorantes in cœnobio suo ultra triduum, interrogare solitus fuerit per cubicularium, *num scirent, cur Christus ultra triduum in sepulchro non mansisset?* indicans, ultra triduum non facile apud amicum commorandum; nimia enim mora hominis, alioquin amicisimil, facile bilem in nasum concitat, sicut apud Plautum in *milit. Glorios. act. 3. sc. 1.*

*Hospes nullus tam in amici hospitium divertit potest.*

*Quin, ubi triduum fuerit jam odiosus fit*

*Verum ubi dies decem continuos immorabitur,*

*Tametsi Dominus non invitus patitur. servi murmurant*  
& tritum est illud Germanorum.

*Drehtägiger Gast ist eine Last,*

*Drehtägiger Fisch taugt auf keinen Tisch.*

Vide hanc in rem Erasmi. *Chiliad. 4. cent. 1. adag. 29.* & Guilielm. Anton. a Freundberg. *de rescript. morator. tit. 7. concl. 43. n. 32.*

XII.

In discessu denique diverfor, s. hospes passivus non ingratus se præbeat, & præprimis, siquidem mercenarium hospitium est, caveat, ne curata cuticula, calces ostendat, aut subducat se, antequam hospiti satisfecerit quod quando alias fit Germani vocant: *Den Abscheid hinter der Thür nehmen*, ceu Virgilianus ille *Aeneid. 3.* qui

*Linquere pollutum hospitium & dare clasibus austrum.*  
haud erubuit. Quin, dilationem saltem post acceptum beneficium petere, incivile est, nec ferendum; sunt etenim, qui hoc faciunt, sicut *mus in pera, ignis in sinu & serpens in gremio*, uti loquitur Francisc. Vivius *decis. 162. n. 15.*  
lib.



*lib. 1.* Satius itaque fuerit, audire Terentianum illud in *Andria*: *Symbolam dedit, cœnavit.* Sane in favorem hospitiorum, aleæ cœteroquin vetitæ judicio, ut promptius hospiti satisfiat, experiri inter complures viatores permissum est, quod Germani vocant; *Um die Zechen spielen.* *l. ult. pr. ff. de aleator.* Et hactenus de obligatione inter hospites utriusq; generis, tam active, quam passive sumptos.

XIII.

Progredimur ad alterum hospitii effectum, actiones nimirum, & remedia juris, per quæ hic vel alter eorum jus suum, ex hac obligatione ortum, possit consequi. Et quidem adhibentur, competuntque hæc remedia vel ante receptionem, vel post receptionem. Quæ ante receptionem adhibentur, ea faciunt vel ad obtinendam eam, vel ad evitandam. Quando quis jure suo recipi petit, & receptaculum illi denegatur, potest nonnunquam agere ex possessorio sum marissimo s. momentaneo. *O. C. part. 2. tit. 21. §.* Ob auch in obberührten Fällen u. vel ex possessorio ordinario per *l. 6. §. 1. l. 8. §. 5 ff. si servit. vindic.* vel ex petitorio *l. 2. §. 3. ff. si servit. vindic. l. 6. §. ult. comm. prædior.* vel ex *cap. redintegrandæ. 3. qu. 1.* vel actione de damno & interesse. Decius & Alexand. in *l. 1. ff. de precar.* vel actione ad pœnam, privilegio, vel juri, ex quo petitur hospitatio, consentaneam. Clockius *de contrib. cap. 9. n. 673* vel imploratione officii judicis extra ordinem. Jacob. de Bello Visu in *pract. crimin. lib. 1. c. 8. n. 43.* Peckius *ad l. 1. §. 1. ff. naut. caution. n. 7.* Quin etiam judex, non imploratus, motu proprio curare debet, ut publica hospitia peregrinantibus pateant, tectaque adventantibus præbeantur; ita enim in der Polizen Ordn. zu Flugsburg *de Anno 1548.* & in der Württenb. Lands-Ordn. *Tit. von Wirthen und Gastgebern.* cautum reperitur: das die Kempt-Leute

mit samt den Gerichten jährlich etliche mahl eine gebührende Ordnung machen sollen; wie es mit den Wirthen, Gästen, Maht und Futter gehalten werden soll. Sed & recusantem incivilliter hospitem potest viator repellere. Panormit. in c. 6. de immuni. Eccles. n. 5. & propria auctoritate domum intrare. Jacob de Bello Visu d. l. n. 47. Vicissim ubi forte hospes activus receptionem jure putet denegare posse, aut, a viatore ultra jus fasque gravari fesse, existimet, huic quoque remedia legitima adfunt, tam criminalia, quam civilia. Ad illa pertinet judicium ex Lege Julia de vi publica l. 3. §. 2. l. 10. II. pr. ff. ad l. Jul. de vi publ. siquidem vim patiatur a diverso. Civilia sunt vel possessoria, vel petitoria, & fere eadem, quæ hospiti passivo competere diximus. Potest etiam extra ordinem implorare officium judicis, imo nonnunquam ipse judex, sine imploratione, receptionem inhibere potest, ex gr. ne quis hospitator recipiat, hospitioque suo dignetur prædones, latrones, furti reos, aut suspectos, meretrices, quo nomine sæpe a Magistratū urbico utilia edicta publice affiguntur. Quin etiam habitator propria auctoritate resistere potest præter fas & æquum hospitium petenti per l. 1. C. quando lic. umc. l. 3. §. 9. ff. de vi & vi arm. l. 1. C. ut nemi. lic. sine judic. Quod si denique monopolium hospitandi alleget aliquis, sibi quæ soli competere privilegium hospites recipiendi prætendat, Bannschende, Bannwirthschaft, privilegium hoc legitimis defendere modis illi non minus concessum fuerit, ac aliis privilegiatis contra violatores privilegiorum. vid. Reinh. Cüricke. de privileg. cap. 10. & II.

XIV.

Pariter etiam post receptionem jam factam, ut tam hospes activus, quam passivus officio suo rite fungantur, remedia suppeditantur tam ordinaria, s. communia. l. 3.

ff. Naut.



*ff. Naut. caup. stabul. & ibi Peck. & Vinnius Bacchovius in prot. comm. ad b. t. rubr. de concursu actionum.* quam extraordinaria, s. specialia, & propria. Ordinaria sunt (1) actio injuriarum, eaque vel civilis, vel criminalis. (2) actio furti. (3) actio Legis Aquiliae. (4) actio depositi. (5) actio locati, si merces intervenerit. Schneidewin. *ad §. 3. n. 316. l. de obl. qua. qs. ex del. Carpzov. part. 2. Constit. 26. defm. II. n. 5. Stypman. de jur. marit. part. 4. c. 15. n. 316.*

XV.

Inter Extraordinaria remedia & propria huic negotio recensemus I. Actionem de recepto, quæ est *Actio in factum pratoria, personalis, rei persecutoria, & perpetua, per quam hospites passivi, s. diversores a cauponarum vel diversoriorum exercitoribus res ab illis receptas, repetere possunt.* Dicitur actio in factum expressis verbis in *l. 3. §. 1. ff. Naut. caup. ibi: ex hoc edicto in factum actio proficiscitur.* & quidem ideo, quod certo, proprio, & specifico nomine facile designari non possit ob varias hic concurrentes circumstantias, proindeque in factum i.e. juxta si-ve secundum id, quod factum est, concipitur, adeoque plerisque in locis, cum in factum actio, vel exceptio nominatur, additur: *concepta, aut: composita. l. 15. pr. in fin. ff. ad leg. Falcid. l. 6. C. de transact. §. 1. l. de exception. vid. Donell. ad Tit. de prescript. verb. cap. pen.* Optime hanc in rem Peckius *ad l. 3. §. 1. ff. Naut. caup. stabul. n. 3. Cum Legumlatores ingentem casuum diversitatem viderent, ut complecti omnes certis nominibus non possent, facti nomine, tanquam communissima designatione omnium, quæ inter homines agerentur, notandos censuerunt.* Est porro hæc actio *Pratoria, s. honoraria l. 3. §. 1. & 5. ff. N. C. S.* quia prætoris jurisdictioni non saltem originem, sed formam quoque suam debet. *§. 3. l. de action. ad Personaliū* vëro



classẽm pertinet, quia immediate persona adstricta est ad dandum aliquid, & personam nobis obligatam reddit ex qf. contractu. A. Faber & Brunnem *ad l. 1. n. 2. ff. Naut. c. stab.* Harpr. *ad §. 3. l. de obl. quæ qf. ex delict.* Hahn. *ad Wesserb. par ff. N. Caup. stabul. n. 5.* non vero quatenus rem nostram possidet *d. l. 1. §. 1. ibi: debeat obligari. ff. naut. C. stab.* Sed & rei persecutoria hæc actio quin sit, & per consequens perpetuitatis naturam habeat, nemo hæctenus dubitavit *l. 3. §. 4. ff. eod.* persequimur enim id saltem, quod ex patrimonio nostro abest. *l. 35. pr. ff. de O. & A.*

XVI.

Datur autem hæc actio de recepto contra exercitores cauponæ vel diverforii, proindeque infertur, hanc actionem locum non habere erga illos, qui artem cauponariam non exercent, quamvis aliquando nonnullos recipiant in ædes suas. Vid. Vinn. *in not. ad l. 1. §. ait prætor. ff. Naut. caup. lit. A.* cessat namque in his professio cauponaria, & exinde oborta suspicio, quæ præcipuam causam Prætori ad edictum hoc proponendum subministravit; tum etiam, quia hæc actio, singulari jure in odium induta contra communes regulas juris, Mascard. *de probat. concl. 833. n. 14. in fin.* non erit contra alios, quam quos ipse Prætor nominavit, extendenda. Vid. Carpzov. *I. F. part. 2. const. 26. de fin. 19.* Magonius *decis. Florent. 112. circ. fin.* quibus addantur Gozadinus *consil. 63. n. 14. & seqq.* & Roland. *Consil. 95. n. 12. vol. 2.* quamvis in contrariam partem abeat Bartol. *ad l. 29. ff. ad l. Jul. de adulter. & in l. 36. de Legat. 3.* ubi utilem ex hoc edicto prætorio actionem concedit contra illum, qui non quidem cauponem & hospitem agit, sed tamen semel tantum, aut raro quem recepit, quo etiam inclinant & tendunt Florianus in *l. si mensor. §. hoc judicium ff. si mensor fals. mod. dix.* & Bertazol.

razol. *lib. 2. consil. crimin.* 313. n. 1. cum suis affectis, quos tamen prædictæ rationes facile repellent. Illud porro extra omnem dubitationis aleam positum, dari iudicium hoc contra sceminam, cauponam, vel diverforium exercentem pariter, ac contra mares. Bertaz. 1. *Consil. crimin.* 68. Neque solum caupones ipsi, sed etiam illorum institores hac actione tenentur l. 1. §. 5. ff. *Naut. caup. & hæredes eorum* l. 3. §. 4. eod. quia est actio rei persecutoria, quæ in hæredes, tam active, quam passive transmittitur. l. 12. l. 49. ff. *de Obl. & A.* l. 152. 157. §. fin. ff. *de Reg. jur.* §. 1. l. *de perp. & temp. action.* Vid. Bacchov. *ad l. 1. §. 1. ff. N. caup. stabul. n. 5. vers. cæteroquin.* proindeque competere hanc actionem viatoribus atque hospitibus passivis ipsis non solum, sed & hæredibus eorum, probat Peckius *ad l. 3. §. 4. ff. N. caup. stab.* Datur denique hæc actio ad id, ut res a cauponibus & hospitibus receptæ restituantur l. 1. *pr. ff. eod.* tam principales, quam accessoræ, cujuscunq; sint qualitatis l. 1. §. 6. l. 4. §. 2. eod. non secus, ac si equam tibi comoda-verim, quam pullus comitabatur, etiam pulli custodiam te præstare debere, veteres responderunt. l. 5. §. 9. ff. *commod.* Gloss. & Bald. *ad l. 1. §. 5. ff. deposit.* sive inferentis propriæ, sive alienæ sint res illatæ, & receptæ, dummodo tamen inferentis interfit, res salvas esse l. 1. §. 7. ff. *Naut. caup. stabul.* cujuscunque dolo vel culpa res perierint, vel deterioratæ sint. Neque enim obstat l. 6. ff. *furti advers. naut.* ubi asseritur, quod viatorum factum non præstet caupo; agitur enim in illa lege de actione in duplum ex qd. delicto, quæ ex viatorum facto non datur contra cauponem. Grimbald. Regius *lib. 2. Enant. cap. 7.* Besold. *in delib. ad Tit. Nautæ caupones* n. 25. Pacius *cent. 7. qu. 57.* Hillig. *in Don. lib. 15. cap. 42. lit. N.*

XVII.

Secundum Hospitationis negotio proprium remedi-

H 3

um.



um est *Actio in factum pratoria, personalis, pœnalis, & perpetua, quæ competit hospiti passivo s. viatori ob damnum ipsis in caupona s. diverforio illatum ab illis, qui ibi habitandi causa commorantur, vel operarum præstandarum gratia adsunt contra hospitii exercitorem in duplum. § ult. l. de obl. quæ qd. ex delict. l. 5. §. fin. ff. de Obl. & A. l. 6. §. 3. l. ult. ff. naut. caupon. & quidem, si plures unum diverforium exercent, contra singulos pro rata l. fin. §. 5. ff. Naut. caup. nihil in contrarium nitente l. 1. §. 2. de exercit. act. cui respondet Peckius add. l. fin. §. 5. n. 1. & addatur Paulus Bursius ad l. 24. ff. pro socio & A. Faber. in rational. Differt hæc actio a priori (1) quod detur saltem ob damnum a certis personis illatum, ab illis nempe, qui in diverforio habitant, vel ab aliis quoque, quorum opera utitur hospes, non tamen, si proprii hospitis servi damnum dederint l. fin. §. 4. ff. naut. caup. neque enim sponte hos recipit, sed coactus domestica hæc mala ferre necesse habet, quia servis carere non potest, vel non sine ingenti incommodo, proindeque ex delicto eorum adeo teneri dominos, indignum foret l. un. §. 5. ff. furti advers. naut. Bacchov. in prot. ad l. fin. ff. naut. caupon. stabul. Tabor. racem. crimiu. 7. thes. 17. ex pari ratione etiam, si uxor vel liberi hospitis damnum inferrent, hac actione non tenebitur hospes arg. dd. N. & l. un. §. f. ff. furt. advers. naut. quia nec hos repellere potest ex ædibus suis paterfamilias, proindeque venia de horum delicto aliquatenus dignus censebitur (2) differt hæc actio a priori, quod illa sit rei persecutoria, hæc vero pœnalis; persequimur enim id, quod patrimonio nostro non abest, id quod pœnali-um actionum proprium est §. 18. l. de action. junct. l. f. §. 1. ff. n. caupon. & est pœnalis ideo, quia oritur ex qd. delicto cauponis s. hospitis §. ult. l. de obl. quæ qd. ex del. l. 5. §. ult.*



*ult. ff. de O. & A.* cum diligentissime explorare debeat, cujus fidei vel introcentiæ sint, quos recipit ad habitandum, vel ad operas præstandas in gratiam, & usum viatorum. Vid. Capell. Tholos. *decis.* 195. Ludwell. *disp. ad Inst.* 15. *thes.* 13. *lit. H.* & Joh. Philippi *obs.* 2. *decis. Saxonie.* 79. n. 63. & *seqq.* imo amplius, quamvis nullam in electione eorum culpam ad miserit caupo, vel culpa ejus nullatenus probari potuerit, eo ipso, quò illi, quos elegit & in ministerium suum recepit, delinquant, ipsemet caupo culpæ reus censetur aliquatenus Bacchov. *in prot. ad Tit. naut. caup. rubr. de action. ex qf. delict. n. 1.* cum alias dominus ex facto servi non teneatur, nisi culpæ ejus circa electionem servi admissa probata fuerit. l. 27. §. 9. & 11. ff. *ad leg. Aquill.* Mevius *ad jus Lubecens. lib. 3. tit. 8. art. 1. n. 26.* Est porro hæc actio pænalis in duplum. l. 7. §. 1. ff. *naut. caup.* l. 1. §. 2. *furr. advers. naut.* ita tamen, ut illud duplum non sit totum pæna, sed rei persecutionem in se contineat, atque sic non mere pænalis actio dicenda erit, sed mixta, qualis est actio vi bonorum raptorum, Legis Aquiliæ §. 19. l. *de action.* vid. Coll. J. Arg. *ad h. l. n. 21.* Tabbor. *racem. crimin.* 7. *thes.* 27. & 31. ubi non sine ratione in dubium vocat, quod, hanc dupli petitionem, ex mente & doctrina Vinnii, Grönwegen, Gadelini, & aliorum, contraria generali consuetudine esse sublatam, & in memoriam rei persecutionem conversam, asserere velint, cum potius tractationem hujus materiæ utilem & quotidianam dixeris cum H. Stamm. *de servit. person. lib. 2. c. 14. n. 19.* Illud singulare est in hac actione, quod sit perpetua. l. 7. §. *ult. ff. naut. caup.* cum regulariter prætoriae actiones pænales anno finiantur. *pr. l. de perpet. & temp. act. l. 35. pr. ff. de Ob. & A.* contra hæredes vero non datur §. *ult. l. de obl. quæ qf. ex del. l. fin. §. f. ff. naut. caup.* atque sic in hoc

hoc actionum pœnaliū indolem ac naturam retinet. *l. un. C. de delict. def. har. l. 164 ff. de R. I. l. 26 ff. de O. & A.* Datur denique hæc actio saltim, si in diversorio delictum commissum sit, non si extra illud. *l. 7 pr. ff. Naut. Caup.* & quidem ob damnum, rebus viatorum illatum, non vero ob alia delicta, v. gr. si injuriis affectus viator *l. 5. §. ult. ff. de O. & A.* Boffius *tit. de furt. advers. naut. n. 2.* Bertazol. *l. Confil. crim. 68. in addit. lit. A.*

XVIII.

Licet itaque Prætor Romanus pro sua, qua polluit, potestate non facile, nisi deficientibus civilibus remediis, succurrere solitus per *l. 1. & 4. de præscript. verb.* binas tamen has actiones, de quibus hætenus sermo nobis paulo amplior fuit, edicto suo singulari adversus caupones & hospites proponere, atq; sic eo majorem peregrinorum, ac diversorum curam gerere, quo uberior ex frequentia eorum in publicum solet redundare utilitas ac emolumentum, duplex præprimis causa eum commovit (1) ut reprimeret hujus generis hominum undique ferme decantatam improbitatem. *l. 3. §. 1. Naut. caup. stabul.* Neque enim solum apud alias gentes turpiter violatum fuit hoc hospitii jus vid.. Berneg. *ad Tacit. de morib. German. qu. 125* sed etiam apud ipsos Romanos teste Ulpianos *Jcto in l. 1. §. 1. ff. Naut. Caup.* ibi; *cum ne nunc quidem abstineant ab hujusmodi fraudibus* Et Peckius *ad h. l. Hominum* hoc genus, inquit, *adversus bonam fidem & jus gentium cum furibus contra eos, quos recipiunt, sepe numero coivisse, multorum calamitate evidentissimum evasit.* Nec Horatius unquam ferme cauponum mentionem facit, quin continuo perfidie notam adjiciat, uti *lib. 1. satyr. 5. & alibi passim* Vilitatem quoque ac avaritiam eorum describit Plato *lib. II. de legib.* ad stipulante Aristotele *lib. 7. polit. c. 9. ἀργυροῖς,* in-  
quiens



quiens de caupone, και πρὸς ἀρετὴν ἐπεναντίας τοιοῦ, τοῦ εἶναι.  
 (2da) Causa, quæ Prætozem ad tam asperam, & singula-  
 rem plane contra caupones dispositionem induxerit, est  
 occasio contrectandires viatoris, s. diversoris, quam ca-  
 pillatam semper habent caupones, l. 1. §. 1. ff. Naut. Cau-  
 pon. quæ quidem omnibus modis submovenda est. l. pen.  
 C. de latin. libert. toll. Et quamvis proinde prima edicti  
 propositi causa cesset in hodiernis nostris hospitibus, viris  
 plerumq; integræ famæ, ac vitæ, & nonnunquam in di-  
 gnitate collocatis, tamen illa causa fuit saltem impulsiva,  
 cujus cessatio, & absentia non tollit legem. DD. ad l. 1. §.  
 5. ff. de postulan. Gloss. & DD. in c. cupientes in pr. verb. pe-  
 riculosus de Election. in 6. & faciunt, quæ habet Wesenbec.  
 in par. ff. de pact. n. 8. circ. fin. neque statim, una cessante  
 causa, cessat quoque altera, occasio nempe delinquendi  
 & invadendi res viatorum s. diversorum, quippe quæ in-  
 nocuæ alias probitatis viros ad quævis mala perpetranda  
 perducere solet, ideoque nec ipsius legis dispositio pro-  
 tinus negligenda, deficiente quamvis una causa aut ratio-  
 ne legis, per ea; quæ habet Everhard. in locis legal. loco a  
 cessatione rationis n. 5. Neque destruere hætenus poterit  
 valorem hujus edicti prætorii quod dicitur in l. 16. ff. de  
 minor. ei, qui ordinario s. civili auxilio tutus est, non de-  
 bere tribui extraordinariam, s. prætorium; vulgo siqui-  
 dem DD. hoc ita temperant, si pinguius, & uberius sit ex-  
 traordinarium ordinario, illud per hoc impugnari ac re-  
 pelli minime posse. Bartol. in l. fin. C. si advers. rem jud.  
 & in l. 3. ff. de oper. nov. nunciat. Costalius in l. 9. ff. de e-  
 dend. Sfort. Oddo de restit. in integr. qu. 17. art. 12. Roman.  
 Consil. 220. col. 7. actiones autem has prætorias longe pin-  
 giores esse actionibus civilibus, locati, depositi, & aliis,  
 quæ viatoribus competere possunt, id vero ex collatione  
 I earum



earum cuilibet facile patefcet. Illud faltem ultimo hic ad-  
jiciemus, non cumulative, fed elective, uti loquuntur DD.  
omnes has actiones, quas competere diximus ad res fuas  
repetendas diverforibus, concurrere, ac fe invicem tole-  
rare, fed oppido præcavendum, ne idem ex eodem re-  
fpectu bis petatur, ideoque vel officio judicis, vel doli ex-  
ceptione repelletur, qui una actione fuum jam confecut-  
us, aliam nihilominus intentare cupit, neque enim tunc  
fimiliter ad aliam ei progredi amplius licebit *l. 3. in fin. ff.*  
*Naut. caup.* & ibi Peckius, & Vinnius *in notis* Bachov *in*  
*Comm. ad eund. tit. rubr. de de concurs. action. C. I. A. lib. 4.*  
*tit. 9. n. 16.* duæ fiquidem vel plures actiones, ad unum fi-  
nem tendentes cumulari nequeunt *l. 34. §. 1. ff. de Obl. &*  
*Al. 47. 50. ff. profocio. v. gr. in furto, rei vindicatio, & con-*  
*dictio furti, quia utraque ad rei perfecutionem tendit, itē*  
*in legatis rei vindicatio & actio ex testamento; ex diver-*  
*fo autem, actiones de una eademque re competentes, fed*  
*ad diverfos fines tendentes, v. gr. quando una ad rei per-*  
*fecutionem, ad pænam altera tendit, cumulative jun-*  
*gi queunt, uti textus elegans in l. 12. C. de furt. add. l. 54. §.*  
*3. ff. de furt. l. 34. §. 2. ff. de Obl. & Act.*

XIX.

Tertium extraordinarium remedium est illud momen-  
tanei & citiffimi judicii genus in favorem peregrinorum  
inductum multisq; in locis receptum, quod vocatur das  
Gastrecht, quando in gratiam divertentium summariffi-  
ma via proceditur, levato velo, brevisfimis præfixis  
terminis, & nonnunquam de die in diem, von einem  
Sonnenfchein zum andern. Vide Befold *in thesaur. pract.*  
*verb. Gastrecht.* Wehner. *in Observ. theor. pract. ead. voc.*  
Mævius *ad jus Lubec. lib. 3. tit. 1. art. 1. n. 42. 51. & feqq.*  
Solent etiam (4to) statutis locorum certæ mulctæ consti-  
tui

tui in ipsos hospites s. caupones pro qualitate delictorum in hospitio, caupona vel taberna potatoria admissorum, qualia quidem statuta pœnalia si reperiantur, etiam hoc remedium extraordinarium peregrinantibus & diversoribus non denegabimus. Mæv. *ad jus Lub. l. 4. tit. 8. art. 6. n. 2.* Quintum extraordinarium, non quidem soli hospitalionis negotio proprium, nec tamen nimis commune remedium est jus tacitæ hypothecæ & prælationis, quo gaudet hospes activus in bonis & rebus a diversore in hospitium & diversorium illatis arg. *l. 5. & 6. ff. qui potior in pign.* Schneidew. in §. *extraneis l. de Hæred. qual. & differ* Neguzan. *de pign. part. 2. membr. 4. n. 141.* Ejus generis remedium est VI. jus retentionis, quod habet idem hospes in iisdem bonis pro modo scil. debiti, in hospitio contracti. Bartol. & Bald. in *l. certi C. locati.* Rebuff. in *tr. deliter. oblig. art. 4. gloss. 2. n. 31.* sive pro hospitalione diurna, nocturnave, sive de aliis expensis, pro viatore, quatenus tali, & occasione hospitalionis factis, satisfiat per *l. 1 §. 9. l. 5. §. 4. ff. de bis, qui de jec. vel effud. l. 2. pr. ff. ad l. Rhod. Mol. de jur. retent. qu. 86.* Pyrrh. *ad consued. Aurelianens. tit. de execut. ex locat. c. 7.* Coler. *de process. execut. part. 1. c. 2.* Peck. *de jur. sistend. c. 3. §. 2.* Caipz. *Jurisp. For. part. 2. const. 25. def. 22. n. 4. & seqq.* Mæv. *de arrest. c. 6 n. 41. & ad jus Lubec. lib. 3. tit. 8. art. 16. n. 8.* quod quidem in ipsa sorte omni dubio caret. Sed an ex mora non soluti ejusmodi debiti usuræ etiam debentur? Jenenses negarunt, referente Richtero *decis. 74. num. 78.* Neque tamen abutatur hoc retentionis jure caupo. vid. *l. 33 ff. de usur.* ut si vestibis spoliare viatorem, aut ea detrahare velit, quibus amissis, vitæ discrimen incurrere posset, per *l. pen. & ibi Bartol. Jason., & Glossa ff. de bonor. cession. l. 6 ff. de pignor.* Quæ ratione Parisiis Senatus hospitem aliquando cum uxore

damnavit, quod diverfori vestimentum detraxissent nimio frigore postea mortuo. Renat Choppin. *de morib. Paris. lib. 3. tit. 3. § 11.* & simile exemplum recenset Morn. *adl. 14. ff. de prescript. verb.* & ex eadem causa in Parlamento Parisiensi ad emendam condemnatus hospes quidam, Serv. *vol. 2. des playdoyes. c. 23. VII.* Hospiti sive cauponi quoq; licet adhibere remedium sequestrationis Franc. Curt. *tr. de sequestr. qu. 2. n. 30. & 60. vers. dec. tertio quero. & c.* uti etiam VIII. remedium arresti Berl. *part. 1. concl. pract. 73. num. 102.* & denique IX. ipsam personam hospitantem non solum detinere, sed & ob metum fugæ, carceri includere, donec solvat, potest. Richter *dec. 77. n. 39.* Besold. *Thes. pract. verb. Arrest.* XX.

Quodsi itaque ex his actionibus & remediis, hætenus a nobis enarratis aliquod intentetur, in ipso processu observabit iudex, attendatque non solum, quid petatur, excipiat, sed etiam quid probatum sit, cum potissima iudicii vis acrobatur in probatione consistat. *c. solennitates. distinct. 1. de Consecratione l. 30. ff. de testam. tutel. l. 77. ff. de contrah. empt. l. 17. in fin. ff. de in diem addict.* Inter cæteras vero probationum species, & quidem extraordinarias, est iuramentum, quod cum, *juxta vulgata*, triplex sit: voluntarium, necessarium & iudiciale; necessarium quidem regulariter iudex non defert, nisi intentio affirmantis semiplene fuerit probata Hahn. *in obs. ad Wesenb. de jurejur. n. 10.* At vero hoc fallit in nostra materia; nam viatoris iuramento, rem in hospitium illatam, indistincte creditur, etiamsi ne semiplene quidem probaverit, sicut vicissim cauponis iuramento creditur, quod res illata sua suorumq; culpa non sit amissa, modo de bona cauponis fama constat. Baldus *in l. 1. C. locati.* Tiraqell. *de pæn. semper caus. 51. num. 51.* Angel. *de malef. in verb.: quod fa-*  
tem-



*ma publica* n. 107. qua si careat, præsumptio erit contra cauponem, per ea, quæ habet Berlich. *decis.* 66. n. 8. & 9. & Chass. *in catalog. glor. mund. part. 11. cons.* 26. pr. ubi titulum in ff. de *Nautis, cauponibus, stabulariis* communiter vocari asserit *Titulum de tribus furibus*, Add, Gutier. *pract. qu. lib. 1. qu.* 137. Nold. *de Nobilit. c.* 22. n. 31. Menoch. *Cons.* 666. n. 10 & seqq. adeo, ut absque aliis indiciis & ipsum, & domesticos familiaresq; ejus torqueri posse putet Bartol. *in l. un. §. servi n. 5. ff. furt. ad. vers. naut.* Farin. *de indic. & tortur. lib. 1. tit. 5. qu.* 37. n. 157. quod tamen recte improbat Gryphiand. *in Oecon. legal. lib. 1. cap.* 28. n. 100. & ordinariæ pariter viæ hic insistendum, neque sine sufficientibus indiciis ad torturam deproperandù, æquius existimat per l. 1. & l. fin. ff. de *question.* quo tendunt quæ habet Roland. a Valle *cens.* 12. n. 31. vol. 3. imo quæ de mala præsumptione, qua hospites & caupones de jure Romano laborant, diximus, iterum in hodiernis nostris paulo, & sæpe multo honestioribus locum non invenient videt. 18 *hoc cap.* Sed jam porro quæstio incidit de quantitate, qualitate, & æstimatione rei deperditæ, cuinam hac in parte credendum; hospiti, an diversori? Et siquidem res ex bulga, sive vallisia sit amissa, & probet deponens, vallisiam traditam fuisse sigillatam, vel clausam locus erit juramento diversoris in litem, quo rem deperditam æstimare juxta naturam hujus juramenti poterit. Clarus *lib. 5. sentent. §. furtum vers. pro complemento hujus materiæ.* Jas. *in l. 5. ff. de in lit. juran. n. 41.* Caroc. *de deposito rubr. de in lit. jur. num. 6.* Speid. *in specul. voce BIRTH. n. 530.* Dolutus enim cauponis ex redditione vallisiæ resignatæ, quam clausam receperat, præsumitur. Bald. *in rubr. C. depositi in pr.* Bartol. *in l. in actionib. n. 23. ff. de in lit. jur.* Masc. *de probat. concl.* 507. Paris. *cons.* 74. n. 3. Quod si vero signata

nec corrupta adhuc reddatur vallisia, aut ex se facile disfigillari potuit, aut disfilire, cessat hoc juramentum. Bart *in l. 1. ff. furt. advers. naut. n. 3.* Schneidew. *ad tit. Inst. de oblig. que ex del. § 3. n. 5.* Menöch. *de A. I. Q. lib. 2. cas. 208. n. 26. & seqq.* & juramentum diversoris, vel etiam caluponiis sive judiciale, sive necessarium defectum probationum supplebit. Non tamen ad extraordinaria ejusmodi media pronus adeo dilabatur judex, sed circumspecta prius mentis acie cuncta perspiciat, prout monet Men. *d. l.* Quid enim, si pauperculus aliquis, cujus angustissima domi res satis cognita. pecuniæ summam, conditioni suæ parum convenientem, in hospitium detulisse, asserere præ fracte ausit, equidem iniquius foret, juramento ejus fidem protinus habere, iniquissimum vero torturæ judicium. Vid. Peguera *decis. 45. in addit.* & Bonifac. *de furt. n. 31.* ideo omnia prius humaniora, & faciliora ad veritatem deveniendi media prudenter adhibere noverit judex quam ad extrema ista veniat. Decantatum non minus, ac laude dignum insigne talis prudentie specimen suo tempore edidisse refertur Rudolph. Imp. cum enim Norinb. aliquando commoranti illi mercator conquestus esset de hospite suo, sacculum ducentis argenti libris repletum se se ei commisisse, hospitem vero diffiteri factum, nec testimonio præsentis posse convinci, astu prius rem aggressus Imperator, pileum primo accusati hospitis cum alio quodam commutari jussit, mox alterum hunc ad hospitium ablegat, quique hospitæ, opus habere maritum sacculo nuper sibi a diversore tradito, nunciat atque in rei fidem mariti pileum illi ostendit. Hospita, fidem hominis secuta sacculum ei tradit, quo ad Imperator. delato, confictus perfidiæ hospes ingenti pecuniæ summa multatus est. vid. Lehman *in Chron. i. Spirens. c. 109.* Lipsius *monit. polit. lib. 1. c. 9. monit. 3. n. 3.* Vernulæ *de virtut. Aug. gent. Austriac. lib. 2. cap. 1. n. 6.*

# CAPUT ULTIMUM. DE CONTRARIIS HOSPITIORUM

## I

**V**idimus hætenus jus hospitii quomodo constitua-  
tur & conservetur, jam inquirendum, quænam illi  
ad versentur, illudque destruant. Tala oriuntur  
vel a parte illius qui recipit, f. hospitis activi, vel qui reci-  
pitur f. hospitis passivi, vèl a neutro illorum, sed ex alia  
causa aliqua externa, & accidente.

## II.

A parte illius, qui recipit, contrariatur juri huic I. viti-  
um illud, quod vocatur ἀξία, inhospitalitas, quam Cice-  
ro vitium animi appellat, quo quis ab omni peregrino-  
rum conversatione prope est averfus, Timonis exemplo,  
quem Μισάνθρωπον appellarunt. Eam vero definit Tullius  
quod sit opinio vehemens, valde fugiendum esse homi-  
nem, eaque inhærens, & penitus insita. Atque hoc vitium  
non tantum quibusdam privatum est, sed etiam populis  
sæpe, & universæ genti, adeo, ut quamvis non plane ab  
exteris & peregrinis abhorreant. ægre tamen eos recipi-  
ant, uti de Spartanis ap. Alex. ab Alexand. *genial. dier.*  
*lib. 4. c. 10.* dicitur; quod fuerint δεινότητες. & de Moschis  
Sigism. Baro Herstersteinius in *Histor. Moschov.* quod ne-  
minem facile peregrinum admittant, testatur, deq; Chi-  
nensibus Maffejus in *histor. Indic. lib. 6.* II. adversatur ad-  
modum hospitacioni a parte recipientis, quando recipi-  
ens non est instructus rebus ad hospitacionem necessariis  
puta, commodis aedibus, cubiculis pluribus, lectis, linte-  
amentis. stabulo. pabulo. &c. III. adversantur hospitalita-  
ti & hospitii juribus mores hospitis, bene habendis divei-  
soribus parum congruentes, v. gr. si sit morosus, rixosus,  
adeoque indolis, aut genii ad hospitandum minus apti,  
aut



aut si alio morbo animi vel corporis fontico , naturali vel civili , laboret , qui imparet eum officio , & curis ejusmodi sustinendis reddat. Prævia proinde ingeniorum æque , ac corporum & facultatum scrutinia ut instituerentur publica auctoritate de iis , qui hospitia adornare intendunt , non parum & publico , & privato hominum commodo conduceret.

### III.

Impedit quoque a parte recipientis hospitatio activa aliis , cæteroquin ejusdem civitatis jure utentibus , si sc. quis solus diversorii jus acquisiverit speciali privilegio per *l. 13. ff. comm. prædior.* Berlich. *decis. 5. n. 4.* Cephal. *conf. 328. n. 23, 24. lib. 3.* Mævius *ad jus Lübec. l. 3. tit. 12. art. 12. n. 13.* Quod annon monopolii vitio laboret ? quærat aliquis ; Distinguunt autem , quod concedens tale privilegium aut agnoscat superiorem , aut non agnoscat. Priori casu , vix est , ut sine superioris consensu valeat. Covarruv. *in regul. male Fidei possessor. §. 4. n. 7.* Hondedæ : *vol. 2. part. 5. conf. 84. n. 57.* Posteriori dubium non est , quin robur habeat hujusmodi privilegium , quemadmodum & similia , cum talia concedere , ad Majestatem præcipue spectet. Grotius *de jur. b. & p. lib. 2. c. 12. §. 16.* maxime ad augendum ærarium. Faust. *Consil. pro ærario 141. class. 16.* modo privatis nullum , aut exiguum saltem damnum afferat. Theod. *Colleg. crimin disp. 9. thes. 2. lit. B.* Ahafv. Fritsch. *de Monopol. c. 6. n. 13. & c. 8. n. 12.* quæ enim modici damni sunt , publica , ut Tacitus ait , utilitate rependuntur. Sed & statuto potest quis hoc jus hospitandi privative cum exclusione aliorum acquirere , si ea res sit in potestate statuentium. Ceph. *conf. 556. vol. 4.* similiter inveterata consuetudine , quæ hominum memoriam excedit. per *l. 1. §. ult. ff. de aq. & aq. pluvi. arc. l. 3. §. ductus aquæ*

*aque ff. de ay. quot. & estiv. A. Faber. in C. ad h. t. def. un. n. 2. Cravet. consil. 861. vol. 5. Cephal. cons. 357. n. 26. & 27 lib. 3. Carpzov. de legē Regiæ c. 6. sect. 9. n. ult. quin & legitimi temporis præscriptione. v. gr. si alicui, per legitimum tempus, nempe 10. aut 20. annos, prohibuerim recipere hospites, & ille prohibitioni ejusmodi acquieverit Jason. in l. quominus ff. de Flumin. n. 27. 28. Balbus de præscript. 4. part. 5. part. pr. qu. 705. Joh. Bapt. Costa de scient & ignor. distinct. 3 n. 2. & hæc præscriptio habet vim privilegii, imo longe præstantior & firmior est privilegio expresso. Cravett. de antiq. tempor. part. 1. v. 1. n. 40. & pro veritate indubitabili habetur. Mascard. de probat. concl. 1214. n. 81. Atque his casibus ubi soli alicui privative competit jus hospites recipiendi, peregrinis ac divertere volentibus alia diverticula regulariter prohiberi quoque possunt, quippe quæ in fraudem illius juris fiunt, maxime si, uti plerumque fieri solet, jus illud hospitandi onere aliquo alio, aut ære redemptum fuerit, vel quotannis ad certam præstationem in publicum obligatus sit hospes, veluti si peculiariter solvere ærario teneatur Ohmen-Geld, Fleisch-Zinse, Bier-Steuer, Zapfen-Geld, &c.*

#### IV.

Porro adversatur & contraria est tertiæ hospitalitatis immediate necessariæ speciei de qua *cap. 3 § 9.* diximus immunitas ab hospitalitatis onere, sive illa hospitalitatio necessaria civilis s. togata sit, sive militaris. Nemini quidem ejusmodi immunitas regulariter competit. *l. 2. C. de munerib. patrim.* Mundius *de muner. & honor. cap. 2. n. 57. & c.* Gail. 2. obs. 52. num. 12. nisi specialiter ab illo onere exemptus reperiatur. Choppin. *de privil. rusticor. lib. 1. c. 2.* P. Christinæ. *decis. Belgic. vol. 5. decis. 41.* speci-

ali enim rescripto, & privilegio indiget hæc exemptio. Klock. *vol. 1. conf. 24. n. 9. & de contribut. cap. 15. n. 118. & cap. 16. sect 1 n. 49.* Mynsing. *cent. 4. obs. 70.* Exemptio autem hæc respicit vel personas, vel locum, Personæ quibus hospitatio ejusmodi necessaria imponi nequit, sunt (1) Clerici, l. 1. *C. de Episc. & Cler. c. 1. de immun. Ecclesiar.* (2.) dignitate quadam præfulgentes uti consulares, senatores, &c. de quibus omnibus vid. Walther. *in Eunom. metat. c. 8.* (3) Professores literarum, & DD. legum, Principum itidem & Rerumpubl. Archiatri. l. 10. §. 2. *ff. de vacat. mun. l. 6. C. de profess. l. fin. C. eod. l. 8. C. de metat.* An & Poëtæ? quamvis dubium videatur per l. 3. *C. de profess.* tamen textum illum in favorem Poëtarum explicat Arumæus *de Comitibus cap. 6 n. 66:* Quia vero hæc immunitas personis conceditur, ideo domus, quas illæ personæ inhabitant, tantum immunes sunt, non vero aliæ ædes, quæ in illarum dominio aut possessione sunt, aut alio modo ad eas pertinent. l. 13. *C. de episc. & cler. l. 5. C. de SS. Eccles.* Gilken. *ad l. 11. C. de SS. Eccles.* Ohmrus *de jurisd. Episc. th. 18. lit. S.* indeque A. Faber. *in Cod. suo Tit. de muner & honor.* recte distinguit inter ædes canonicales, & Canonicorum. Quæstio autem hic moveri potest, An cui generaliter concessa est immunitas ab hospitalione hac, nihilominus pro rata debeat contribuere ad sustentationem adventantium hospitum? Diversæ sunt hac de re opiniones. Negativam tenent Natta. *Conf. 150. n. 5.* Surdus *Consil. 289. n. 11.* Gailius 2. *obs. 52 n. 16.* Verum rectius alii affirmativam defendunt per l. 9. *C. de metat.* Bertrand. *Conf. 57. lib. 3. part. 1.* Rövenstrund. *im Bedenken von Anlag. n. 468.* Privilegia enim ita intelligenda & applicanda, ne juri tertii præjudicent, indeque illam immunitatem generaliter



raliter ita concessam restringenda ad hospitalitatem personalem, non vero ut plane aliquis liberetur cum damno aliorum, proindeque, si 100. hospitandi sunt & 10. cives loci illius immunitate gaudeant, tantum illi tenentur concivibus cæteris solvere, quantum supra portionem, illis alias, si nullus immunis esset, competentem, erogare tenentur. Quodsi tamen expresse absoluta & omnimoda immunitas alicui concessa, non tamen præsumitur, Principem velle, ut reliquis subditis onus accrescat, sed publico potius ærario præjudicare hoc privilegium per *Novell. 43. cap. 1. l. 2. §. 16. ff. ne quid in loc. publ. l. 5. C. de annon. l. 4. C. quemadm. civ. mun. l. 12. ff. ad Sct. Trebell. l. 6. §. 2. de jur. dot.*

V.

Sed sicut a parte recipientis multa hospitali contraria, & adversa deprehenduntur, pariter quoque a parte recipiendi hospitis passivi s. diversoris ea existere, non diffitebimur, uti enim illius, sic hujus quoque genius potest alienissimus esse ab officio hospitalitatis, si nempe est rixosus, nimius officii hospitalis exactor, aliisve modis intolerabilis. De quo si hospes activus conqueratur, atque imploret officium judicis, hic impertiti illud debet cogendo diversorem, ut vel caveat de non molestandis indecore aliis convivis aut ipso etiam hospite, ejusve familia, vel mutet hospitium. *Jasón. in l. quod jussit. 14. n. 17. ff. de re judic. uti pluries se practicasse scribit Francisc. de Aviles. in exposit. Legum Prætor. Hispan. cap. 2. n. 14.* Idem est si morbo contagioso laboret diversor. *Speckhan. cent. 1. qu. 10. n. 10. Carpzov. Consil. Elector. 105. tit. 10. lib. 6.* vel si talis est, quem Lex & jura hospitio recipere vetant, ut pote beneficio hoc & consortio civili penitus indignum. Tales sunt alea-

Contraria  
hospitali-  
nis a parte  
hospitii pas-  
sivi.

tores. l. 1. ff. de Aleator. quorum susceptores dicuntur  
ταελοδοχοι in libb. βασιλικῶν. & omni odio censentur di-  
gni. Berlich. decis. 66. n. 7. Ad hanc hominum classē  
quoque pertinent infames. arg. der Reuter Bestallung.  
de 1570. art. 79. publico s. privato crimine notati. Hahn.  
ad Wesenb. ff. de receptator. Hæretici. Soto lib. 1. de justit.  
& jur. qu. 6. art. 6. col. 6. in fin. Menoch. de A. l. Q. cas.  
374. n. 13. Fures. l. eos. C. de Furt. Latrones l. 1. & 2. C.  
de his, qui latron. Tusch. conclus. 47. lit. R. P. H. D. art.  
126. Bart. in l. 28. §. 13. n. 1. & 2. ff. de pen. Abigei. l. 3. ff. de  
Abigeis. pacis publicæ rei. Landfrieds-Ordn. zu Worms  
de Anno 1521. tit. Friedbrecher und Thäter nicht zu hau-  
sen. Rebelles, außgetretene Unterthanen R. I. de Anno 1512.  
tit. von Gottes Lasterern, §. und nach dem sich. & de  
Anno 1555. §. als sich denn auch zu vielen mahlē. Ban-  
niti. Damhoud. in prax. crim. cap. 118. & 136. & qui pro  
bannitis habentur, uti Cingari die Zigeuner Ordin. Pol.  
de Anno 1576. tit. derjenigen halber, so sich Zigeuner nen-  
nen. 28. Schonborn. Polit. lib. 2. c. 10. Circumtoranei &  
vagi milites. Rottierer, Herrenlose Knechte, Garten-  
Brüder, Landstreicher. R. I. de Anno 1555. §. So haben  
wir cum seqq. Constit. pac. publ. Anno 1548. §. wo sich  
auch R. I. de Anno 1596. §. damit dann hinführo Becht de  
secur. publ. cap. 4. n. 133. Mager. de Advoc. armat. c. 8. n.  
74. Gail. lib. 1. de pac. publ. c. 4. n. 36. & seqq. Qui itaque  
eiusmodi homines recipit, receptator potius, quam ho-  
spes dicitur, ipsisque delinquentibus æquipparandus,  
scilicet si I. sciens receptet. Nellus de Bannit. part. 3.  
temp. 2. v. vigesimo loco n. 14. Bartol. in l. 1. ff. de recepta-  
tor. Roman. Conf. 477. Angel. tit. de furt. n. 14. cujus  
rei quidem ignorantia de caupone præsumitur, nisi in-  
quirendo de persona & conditione advenientis fuerit  
paulo

paulo negligentior. arg. l. ult. §. ult. ff. furt. advers. naut. Gail. de pac. publ. obs. 10. n. 35. II. si celandi animo receptet, per l. 1. §. 2. ff. de serv. corr. l. 3. §. 3. ff. de incend. ruin. Simon de Prætis Conf. 18. n. 2. & 9. Roman. Conf. 473. in fin. Angel. d. tit. de furt. n. 13. non enim delinquit, qui receptat eum in finem, ut denunciaret judici. Cravet. conf. 3. n. 25. Rebuff. in Constit. Reg. 1r. de hospitib. n. 3. III. si voluntario; non jussu Magistratus, aliave necessitate recipiat. l. in delictis. ubi Bartol. ff. de noxal. Bossius in pr. crim. de recept. n. 30. Clarus §. fin. qu. 90. in fin. Socin. Conf. 9. n. 9. lib. 3. Gail. de pac. publ. lib. 2. cap. 10. n. 34. Cravetta Consil. 309. n. 5. IV. si per aliquod temporis intervallum hospitium præbeat, non vero, si saltim cibum ac potum transeunti & mox recessuro. Cephal. consil. 539. n. 77. Barthol. Socin. conf. 262. Mascard. de probation. vol. 3. concl. 1258. n. 11 12. facit l. Seje. 9. §. 5. ff. de instr. vel instrum. Neque V. in hunc Receptatorum censum adscribi possunt, quibus jure aut privilegio speciali receptio regulariter non recipiendorum est permissa. Sic privilegium bannitos recipiendi habent Comites de Leiningen, & quidem alii. Erneuerter Mottweilische Hoffger. Ordn. part. 2. tit. 5. §. 4. Speidel in additam. ad verb. Bann. Idem privilegium subditis Archiducum Austriae concessum legitur in Kaysers Caroli V. Constitution: von Gerechtigkeit des Hauses Oestereich.

## VI.

Sunt denique etiam aliae causae receptionem adventantis peregre, aut alias divertere volentis s. impedi-  
entes s. excusantes, sic enim loco quædam ab hospitatione, quæ alias præstari debet ad nutum Principis, & tertia nobis hospitationis immediate necessariae species




dicitur supra c. 3. §. 9. immunita sunt, & quidem (1) in genere omnia loca, quæ non sunt adhabitandum exstructa. Tabor. *de met. p. m.* 253. (2) loca mercimoniis dicata, veluti Weinfeller, Pachthäuser, Scheuren, Spießer. l. pen C. *de mercimon.* & tot. tit. C. *Negotiat. ne milit.* Marquard. *de jur. mercator. lib. 2. c. 6. n.* 57. ubi immunitate hac etiam gaudere dicit tabernas; & domus Mercatorum Hanseaticorum in regno Portugallicæ. (3) loca religiosa, ut templa, scholæ, & similia, ubi opera pietatis exercentur. l. 10. C. *de SS. Eccles. R. I. de anno* 1548. 1570. & 1577. Tholosan. *lib. 13. de Republ. cap.* 20. An & (4) synagoge Judæorum? ita videtur per l. 4. C. *de iudæ. & cælicol.* Baron. *tom. 4. annal. ann. Chr.* 365. *in fin.* (5) loca judiciorum l. 3. C. *de Metat. l. 1. C. Theodof. ne quis in Palatin.* (6) Salinæ per l. 4. §. *salinae* 7. ff. *de censib. junct. l. 6. §. 6. ff. de offic. procons.* (7) molendina Hering. *de molendin. qu.* 13. (8) Ergasteria tam publica, uti fuerunt domus Fabricensium. l. 4. C. *de metat.* de quibus Panciroll. *lib. 2. variar. lection. cap.* 66. quam privata, quæ vocantur officinæ die Werckstädte l. 10. v. *siquis* C. *de metat. l. 21. C. de oper. publ.* An etiam (8) diversoria publica immunita sunt ab hujusmodi hospitandi onere? ita de jure asserit. Chassanæ in *Catalog. glor. mund. part. 2. consid.* 46. n. 9. per l. 39. C. *de Episc. & Cler.* Gratian. *discept. Forens. tom. 5. c.* 898. n. 22. quamvis de facto contrarium observaverit Anton. de Freundberg. *de rescript. morator. concl.* 43. n. 27. lit. X. Illud tamen passim in bonis Rebusp. obtinet, ut semper maneant in publicis diversoriis quædam cubicula vacua pro peregrinis, de quo ut certiores sint, solent nonnulli hospitationem exercentes onus illud necessariae hospitationis, collato in publicum precio, declinare.

(9) exi-

(9) eximuntur quoque ab hospitatione ejusmodi angustissima tecta, quæ vix ipsi inhabitatori sufficiunt per l. 6. §. 5. ff. de offi. presid. ubi quamvis Zoanetus *inrestitut.* ad ff. cap. 21. pro lumine ponat: *limine*, & domunculam vilem intelligat, quam lectionem etiam sequitur Tiraquell. l. Connubial. 10. n. 28. tamen vulgaris lectio retenta nullam parit absurditatem, si *umen unicum* non candelam hic denotare dicamus, sed cænaculum s. domunculam & tuguriolum ita angustum, ut unicum lumen h. e. fenestram tantum habeat. Confirmant hanc opinionem nostram, quæ habent Turneb. *advers.* lib. 8. c. 13. & Forner 1. *rerum quotidian.* c. 29. Porro (10) indistincte quis excusatur a receptione, si domus jam est hospitibus repleta. Bar. in l. un. ff. furt. adv. naut. Decius in l. 196. n. 5. ff. de R. I. Rebuff. in *Consiert.* Gall. tit. de hospit. n. 2. Fedde Senis *conf.* 113. Speckhan. *cent.* 1. qu. 23. Sic etiam porro ratione temporis potest hospitium denegari v. gr. si de nocte, aliove tempore incongruo sibi quis hospitium aperiri petat. Jacob. de Bello Visu in *pract. crimin.* lib. 1. cap. 8. n. 30. Amplius, quando Princeps, ejusve Legati adventant, potest hospes, quem jam receperat, honeste compellare, ut aut discedat, vel saltem honoratius cubiculum aut cænaculum digniori relinquat. Angel. Aretin. in l. 1. ff. naut. caup. stabul. Rebuff. tom. 2. *Constit. Gallicar.* tit. de hospitib. n. 7. arg. l. jubemus. C. de SS. Eccles. Huc pertinet quoque, quando expressa lege hospitatio, nulla distinctione personarum, aut locorum habita, ex causa aliqua publica prohibetur, quemadmodum Syllæ tempore inter crimina læsæ Majestatis habebatur, si quis hospitio aliquem exciperet. Appian. lib. 1. de Bell. civil. Tholosan. *syntagm. jur. civil.* lib. 35. c. 7.

n. 10. Sic Francofurti ad Mœnum, durante Electione Imperatoria præter Electores eorumque comitatum, per *Auream Bullam Caroli IV.* prohibitum quenquam extraneum in urbe tolerare. *Limnæ ad A. B. cap. 1. §. 22. obs. 9. 10. & 14.* quod quamvis neque ante A. B. adeo exacte observatum Scardius *de Elector. orig. c. 9. in fin.* neque in Electione nuperorum Imperatorum, referat Buxtorff. *ad A. B. cap. 1. th. 36.* nihilominus adhuc observari, decretum Electoralis Collegii de Anno 1658. *die 27. Junii* promulgatum, his satis innuit verbis. *Obwol ein hochlöbl. Churfürstl. Collegium aus sonderbahren erheblichen Ursachen vor diesesmahl hat geschehen lassen, daß so wol auswärtiger Potentaten Gesandten, als auch allerhand Standspersohn und personæ publicæ bey jetzigen wehrenden Capitulations, und andern zu der Wahl gehörenden deliberationibus sich allhier in Franckfurt am Mayn aufgehalten, soll doch solches ins künfftig von niemand, weß Standes oder Würden er sey, in consequenz gezogen, oder aber wider die güldene Bull, die Churfürstliche Præminentz, und in diesem Fall zustehenden, sonderbahren Rechts allegiret, oder gemißdeutet werden ic.*

F I N I S.



JOH.





JOHANNIS SCHILTHERI,  
Phil. & V. J.D. Conf. Aul Saxo-Jenens.  
DISSERTATIONIS PHILOLOGICÆ  
DE JURE HOSPITII.

PARS I.

§. I.



Uris illius, quo apud Veteres  
Hospitia solita fieri, historiam  
persecuturo initium differendi ab  
expositione vocum illarum JU-  
RIS & HOSPITII faciendum est;  
Atque ut à posteriore ordiar, usus  
obtinuit fere, ut ea quævis pe-  
grinis patens domus indicetur,  
nescio tamen an ore magis Ro-  
mano potius illa, quæ vel gratis,  
vel necessitudine quadam & amicitia conjunctis. l. 5. § 2.  
D. DE INJUR. Quippe & HOSPES is dicebatur, qui aut mutua  
L  
hospi-

hospitandi necessitudine junctus, aut alias gratis liberaliterque recipiebat. Quo pacto Cauponæ & Diversoria Hospitiis opponi solent. Cicero *Lib. VII. Fam. XXIII.* *Ista quidem summa nã ego libentius emerim diversorium Tarracinae, ne semper hospiti molestus sim.* Ubi Emerere significat in genere pretium appendere pro diversorio: vel proprie Emerere habitationem, ubi diversari possit. Ita *Stratonicus* apud *Ælian. L. XIV. V. H. C. XIV.* se pro hospitio Pandocheum ostendisse queritur. De Platone eadem refert Eustath. in HOM.

Deinde vero sæpius *consuetudo* & *consociatio* hospitalis HOSPITII venit vocabulo, ut in his formulis: *Hospitio conjungi, hospitium facere cum altero, hospitium renunciare.* Nam Hospitium est consociatio hominis peregrini cum incola, quæ illum sub hujus custodia constituit, accedente scil. Fide. quæ se incolam peregrino obstringit, & contra. Budæus. *Hospitium est familiaris quedam amicitia, mihi hospitandi apud illum, illi apud me.*

§. 2.

Juris vero nomine, ut significatus *ἀποσδιώγος* præteream, tum JUSsum notatur seu regula aut lex latius accepta, voce l. civilis ea sit, si va naturalis: tum FACULTAS aut licentia: tum etiam id quod JUSTUM est & legibus conveniens: tum denique necessitudo & CONJUNCTIO, quæ certa lege pactoque ad certa fit officia; quomodo, *Esse alicui jus amici-*

*amicitiæ, affinitatis &c. cum altero dicitur V. I. II. 12. ff. de j. & j.*

§. 3.

JUS HOSPITII itaque cum dicitur, primum hoc ipsum intelligi potest de universa hospitali SOCIETATE, quæ jura & officia intra sese comprehendit. Velut quando alteri cum altero jus hospitii dicitur esse. Frequentius de LEGE aut pacto & obligatione hospitali usurpatur, quæ hospes recipiens receptusque inter sese ad creta sibi in vicem præstanda officia obligantur. Eaque ratione Jus hospitii dicitur violari, aut adversus idem quid fieri. Præterea RO-TESTATEM quoque notat alicubi hospitandi, ut quum jus hospitii dari vel acquiri dicitur. Tandem vero etiam de justitia hospitalitatis, & ejus OFFICIORUM accipi potest, de jure hoc quando quaeritur: Sitne hospitium omne justum, aut quid in eo justum sit? Quæ significationes etsi omnes in hac tractatione occurrant, separandæ tamen singulæ quaestionibus.

§. 4.

Atque illarum quidém postrema in prima ac generalissima obtinet quaestione, quæ hæc est: *An peregrinorum receptio aliqua justa sit?* Hæc ipsa quaestio ad jus NATURÆ a Philosophia exigitur. Igitur cum Jus Naturale sit rectæ rationis dictamen; Recta autem ratio & SOCIETATEM COLERE præcipiat, & quenquam lædere interdicit: opido patet, Juris Naturalis nihil esse, quod Hospitio repu-



gnet, imo omnia potius ei FAVERE. Namque eo societas hominum non modo non dissolvitur, verum conservatur magis atque ampliatur. Neque vero solum propter naturalem hominum inter homines necessitudinem peregrinos recipere par est, sed etiam propter rerum *Commerciorum* & *permutationes*; sine quibus tam potest natura socialis durare, quam sine fonte rivus. His addi possunt, quæ Menelaus Lacedæmonius Odyss. Δ. prudenter monet:

ἢ μὲν δὴ νῶι ξενίῃα πολλὰ φάγοντε  
ἄλλων ἀνδρῶπων, δεύρ' ἰκόμεθ', ὠκέ ποθι Ζεὺς  
ἐξοπίσω περπαύσῃ οἷ' ὕμῃ.

Nimirum hoc voluit, peregrinos recipi debere, tum propter jus talionis seu illam legem communissimam; Quod tibi non vis &c. & ab alio expectes alteri quod feceris, tum propter spem DIVINÆ REMUNERATIONIS; innuens, habere Jus hospitii suam a DEO ipso auctoritatem, qui naturæ sociali hoc indidisset. Et nisi hoc tam verum esset, ut a nemine, qui Judicio sano præditus est, assensum facile non impetraret; posset idem uberibus tum ex sacra pariter & profana historia demonstrari, tum hominum sapientissimorum consensu; *Cic. 1 off. V. Grot. de. J. B. l. 7. C. 2. 15. 16. Berneg. Qu. Tac. 125. Botfac. Moral. in Hospit. Deutr. X, 18. Ebr. XIII, 2.* quo, ut qui quid sine detrimento possit commodari, id tribuatur cuique vel ignoto, præcipitur. Multa item de Jure divino occurrerent, quo peregrinorum cura hospitalis tam inculcatur, quam quæ ma-

maxime. PHIL. *ῥῆξι φιλονεικία*, Seld. J. Ebr. l. 6, 6. p. 694  
702. Sed ista forte non hujus loci videantur. Quare notan-  
da saltem veterum gentium a naturæ ductu aberratio. V.  
GROTIUS J. B. 2 15. 5.

§. 5.

Atque inter inhospitalales gentes præcipue Scythæ,  
Ponti Euxini accolæ recensentur; unde & nomen Ponto in-  
ditum putatur. Quanquam malint alii ab ipsius Ponti in-  
hospitalitate. Hos enim hospitum immolatorum carnibus  
vesci, & calvariis poculorum uti loco, tradit APUD STRABON.  
Lib. VII. Apollodorus, geminaque passim est offendere  
apud auctores. At Patronum tamen se hisce cæterisque  
Ponti accolis fisti Sam. Bochartus l. 3. Phalg. C. IX. Addu-  
cens testes plurimos, atque ostendens, & Scythas a Græco-  
rum humanitate non tam fuisse alienos, quam vulgo pu-  
rent, & aliam esse causam, cur Pontus dicatur Axenus. Vi-  
delicet Duce Ascenaz, filio Gomeri, e terra Gomer h. e.  
Phrygia majore. Colonos in minorem Phrygiqvi ipse cum  
ex accolarum nomine dictus fuerit Ascenaz, a Græc. pau-  
lulum inflexa voce nominatu n *Ἀξενον* fuisse, & postmodum  
*ἐυφρημίας* ergo *ἑυφρονον*. Certe & Hospites a Scythis pro  
Diis habitos Pyladen & Oresten Luc. TOXAR. notavi, &  
Trogus APUD JUSTIN. l. 2. fatetur, cultos Græcorum mo-  
res in cultæ barbariæ Scytharum collatione superari.  
Unde auctor *Osflegii Lingu. Hellenist. p. 359.* ar-  
bitratur, D. Paulum ad Coloss. III. cum Barbaro Scytham  
componere, ut Sapientem cum Insipiente, Quanquam  
aliter

aliter Vossius *l. 1. de Idol. C. 3. pag. 17.* cum aliis pluribus. Sed ad rem.

§. 6.

Inter inhospitales populos, alias & Ægyptii, Indi, Scetes, Carthagenf. Thraces, Lacedæmon. Appollonitatæ, Moschi, Chinenfes, aliiqve referuntur; atq; generatim omnes barbari tales olim censebantur. *Giph. Pref. Od. p. 6. 7. Cæl. Rhod. l. 18. 5. Garz. Piax. l. 3. p. 272. Suid. in ξειηλατῶν Alex. l. G. D. C. 10. Ælian. 13. 1. H. 16. Berneg. Qu. 125. in Tac.* Verum enim vero si omnio quædam nationes inhumaniores adversus peregrinos fuerint: Verius tamen est, gentes istas virtutis rationem infitam obliterasse, quam non satis Jus hospitalitatis in natura sociali expressum esse. Neque enim propterea *aliquid Juris Naturalis* esse dicitur, quod ad omnibus & semper præstetur, sed quia omnes homines semper & ubiqve obligat ad præstantum, licet *apud moratiores saltem* gentes obtineat. *Grot. J. B. l. 1. c. 1. §. 12. Burgers d. de Phil. mor. c. 12. §. 13. Impr. Selden. l. 1. J. N. & G. C. 4. 5. 6. 7. 8. Suth. diss. 1. §. 54.* Quamquam vix sit credibile, ullam nationem tam immanem fuisse unquam, quæ ab omni in universum hospitali humanitate aliena fuerit, quia aliquando, & in sui ipsius salutem peregrinantes ipsam exercuisse juicari debeat. Quod ipsum ad propositum demonstrandum satis est. In Romanor. hospitalitate de-

dræ.



prædicanda s̄vavis est Joh. Frid. Matenefius *Prof. Colon. in Ara Busiridis C. 4. pag. 41.* Peregrinum, ait. *adeo Romani suspexerunt, ut illum hostem vocitarent i. e. amicum, benevolumque advenam. Unde Cic. Varr. Fest. testantib. ab hostiando dictum volunt i. e. æquando, quod inter peregrinos & cives æqualitas aliqua benevolentiaque amabæa regnare debeat.*

§. 7.

Haftenus de Hospitio generalissime sumto dictum est. Ejus vero prima maximaque necessaria partitio hæc est, quod Hospitium aliud est GRATUITUM, aliud PERMUTATORIUM. GRATUITA peregrini receptio, liberalitatis quidam actus est; unde ejus naturalis ratio, splendorque virtutis minime latet. Quando enim naturæ hominis accommodatior beneficentia præ reliquis esse videtur: tanto Virtuti propior est hospitalitas hæc præ altera PERMUTATORIA. Quæ tamen & ipsa rationi ita consentanea est, ut illo maxime fundamento justitiæ nitatur, quod cavetur, ne infinita benignitas nobis obsit. Quare, quoniam copiarum parvarum singulorum sunt, eorum autem qui his egeant, infinita est multitudo, non tantum vulgaris liberalitas referenda est ad illum Ennii finem: UT NIHILOMINUS IPSI LUCEAT; verum etiam, cum quæ homines homini tribuunt ad eum augendum JUVANDUMQUE, solius benevolentiae gratia fieri haud velit natura; *vicissim aliquid expectare*

Cic. r.  
offic.

re & recipere licet, aut etiam pretio & mercede duci. Quam postremam sordidissimam quidem esse rationem & inquinatissimam, & iis, qui ad eam confugere conantur, judicat Tullius 2. offic. nihilominus nonnunquam subdium hoc necessarium esse, haud diffitetur. Contrarium cæteroquin est officio merces l. 1 §. fin. DEMAND. Proinde quod quis ex officio & amicitia fecerit, ejus nomine mercedem jure non postulabit GOTH. ibid. Hinc quum & ipsa permutatoria hospitatio duo sub se contineat genera, quorum alterum hospitium est mutuum, quando ex certo quodam pacto hospitium, præbatur mutuo sine mercede: alterum *Mercenarium seu meritorium*, quo lucrari gratia pro mercede pro miscue recipiuntur petegrinantes; quod qui faciunt, Caupones, STABULARII &c. vocantur: Inter has, inquam, species non modo rarius olim mercenariam usitatam, sed & ignominiosam & illiberalem apud Græcos & Romanos fuisse Stuckius ostendit. V. Athen. l. XIII. p. 566. Quod etiam memorata antea querela Stratonici APUD JELIAN. L. XIV. C. XIV. V. H. indicat. Atque per ASIAM hospitia omnibus patentia demum sub Imperio Saracenico & Turcico erecta, notat Hornius in Sulp. Sev. l. 1. p. 147. Lydi tamen primi caupones HEROD. l. 2. Scilicet necessaria & hæc sunt, ut iter facientes quivis quiescere, viresque restaurare habeant; præsertim cum neque semper commutatio sit expedita, & ingratitude ac malitia valentior magis magisque impendio fiat, fides contra deficiat. Sed missis Tabernis meritoriis, Hospitii mutui jus ac societas perlustranda venit.

Ex

Antiq.  
Conv. f.  
97. b.

## §. 8.

Ex Zanchō in Salustium Stuckius ista recitat: *Cum quis peregre proficiscebatur, ē servis aliquot prae-mittebat ad urbem eam, ubi diversurus esset, qui inquireret, an domini hospes amicusve Paternus ibi quisquam esset.* (Hanno tamen Plautinus, licet servos secum haberet, ipse tamen hospitem inquit Agorastoclem) si nullus erat, querebant diversorium. Si nullum erat, Magistratum adeuntes hospitalitatem postulabant, sibi vero quamque à Magistratu datam accipiebant. Nonnumquam tamen atriusque hospitium iungebatur cum uterque alterius virtute illectus hanc hospitalitatem postulabant. Et huius privati hospitii nota pignusque erat tessera hospitalis dimidiata accepta. Triplex hisce innuitur hospitandi ratio. Una in diversorio publico & mercenaria, quam iam missam fecimus. Altera apud eum, cui à Magistratu peculiariter hospitem recipiendi munus injungebatur. Quomodo VERRES à Lampfacenis apud Janitorem quendam hospitem, & comites ejus apud ceteros hospites collocati leguntur in l. i. accus. Vbi Philodamus Lampfacenus Verri ostendit, se cum sœ partes essent hospitem recipiendorum; tum ipsos tantum Prætores & Consules non Legatorum affectas, recipere solere. Vocabatur hoc Hospitium publicum

M

Gracis



Græcis *ὑποξενία*. Quemadmodum privatum hospitium, quod utriusque hospitium voluntate privatim jungebatur, *ἰδιόξενία*.

§. 9.

Patet jam partitio Hospitii hujus, quod inter gratuitum prorsus & meritorium interjacet, quod aliud sit PUBLICUM, aliud PRIVATUM, aliud MIXTUM. Publicum hospitium est, quod fit inter civitates ac Principes auctoritate publica, bonum propter publicum. Privatum, quod inter privatos. Mixtum, quod inter privatum & CIVITATEM aut Principem. Primum vero de PRIVATO quod antiquius videtur, videndum. Postea etiam de publico; ad quod & Mixtum non incommode referri poterit inprimis si finis ejus spectatur, quod de *Cic. l. 2. de Off. Est n. ut mihi quidem videtur valde decorum, patere domos hominum illustrium illustrib. hospitib. Idque etiam Reip. est ornamento: homines externos hoc liberalitatis genere in urbe nostra non egere. Est etiam vehementer utile iis, qui honesta multa posse volunt per hospites apud externos populos valere opib. & gratia. Quanquam alias personarum respectu privati etiam rationem habeat, quum nec Princeps hic extra domesticos penates statuatur. Hinc Livius L. XLII. Hospitium, quod Q. Martio Philippo cum Perseo Rege Macedoniorum hereditate acceptum fuit, diserte vocat Privatum.*

§. 10.

Hoc igitur ne *αμερόδως* fiat, ad quatuor præcipue capita omnis Amicitiae hospitalis ratio reducatur, ut primum ejus origo, fundamentum, atque, quo in eadem est, virtutis ratio attendatur: tum, quod in ea justum censeatur, ex officioque fieri; Postea ritus & symbola quæ fidei ac religionis firmandæ gratia accesserint: Denique ejus amicitiae dissolutio.

§. 11.

Aristoteles VIII. Nicom. III. *ξενιγλώ φιλίας* ait accerferi amicitiae utili. ANDRON. RHOD. h. l. *πιαύτως εἶναι, φασὶ* Hic hospitalem alii intelligunt, quæ hospitibus excipendis & tractandis quæstum facit. Certe Cauponariam utique utilitate quæstuve metiri licet. In mutua autem hospitalitate, (de qua Aristoteles potius intelligendus, & nos hic agimus,) quantum vis quoque spectetur retributio & æqualitas, sanctius tamen de ea sentiendum statuerunt Veteres quam quæ mercatur quæpiam aut nundinatio officiorum haberetur. Etenim illas amicitias, quæ sine ulla spe commodorum, cogitatione assequi forte licet; nos autem ea, quæ in usu vitæque communi non ea, quæ finguntur, aut optantur, spectare debemus: quod monitum Tulli est in Lælio. Enimvero cum Jus vel NATURALE sit, vel ex hominum arbitrio constitutum, hoc quidem Aristoteles V. Nicom. VII. *δίκαιον καὶ τὸ συμφέρον* vocat, non quod NIL NISI UTILITATEM, sed quod præter honestatem

C. Rit-  
tersh.  
I. 2. S.  
le& I.

etiam unitatem spectet, eamque vel publicam, vel priva-  
tam. Unde Juris in PUBLICUM postea & PRIVATUM descen-  
dit particio. Ergo non utilitas mera, sed honesta ratio sua-  
fit istud mutuum Jus hospitandi; cum RECIPROCA OFFICIA  
magis devinciant animos inter sese, quam simplicia, & socie-  
tate contineant. Est enim quivis, qui beneficium accepit,  
alteri ad retributionem à natura devincitur; longe tamen  
fortius est vinculum, quod ex pacto consensuque mutuo  
dependet. 8. NICOMACH. XIII. V. Th. 14. 15. Ut taceam  
mutuam hanc hospitalitatem querelis minus obnoxiam  
videri, atque gratuitam.

### §. 12.

Itaque non tantum œconomica hoc prudentiæ, sed  
Politica quoque; referturque hæc societas ut aliæ PRIVATÆ  
OMNES debent, ad publicam civitatis & communem socie-  
tatis humanæ felicitatem. I. IX. Nicom. IX. Plato. 1. de  
LL. Fortassis etiam omnibus pueris, post quam sibi  
jus cum civitate aliqua hospitii necessitatem esse au-  
dierint, hoc modo benevolentia quædam a teneris  
statim animum subit, ut qui hospitii jus jactant, ve-  
lut alteram Patriam illam, post suam Civitatem ha-  
beant. Ecclesiæ vero permultum inculcavit τὸ φιλοξενίαν  
αἰσ ἀλλήλους Apostolorum chorus, Rom. XII. 13. Hebr. XII. 2. 1.  
Petr. IV. 9. Atque multis scandalis atq; flagitiis medela torret  
inventæ si loco cauponarum & meritoriorum hospitiorum  
Amicitiaæ hospitaes inter Christianos hodieque frequenta-  
rentur. Quo ex fonte summa Majestatis cura fluit circa priva-  
tas



tas has societates. Solonis laudatur lex: *Si qui ejusdem corporis &c. aut ejusdem sepulcri, religionisve consortes &c. pactiōnem inter se aliquam inierint, ratum id esse, dum ne quid tabulis publicis prohibeatur.* Rosin. *A. R. lib. 8. C. 6. p. 1284.* Ex qua translata videtur, jndice Gajo. *l. ult. D. de Colleg. XII. Tabb. lex: Uti sodalibus, qui jus coeundi haberent, potestas esset, pactiōnem quam vellent, sibi ferre: dum ne quid ex publica lege corrumpere.* Hinc incidunt quandoque tempora, cum jure suo civilis potestas has similesque societates tollit; *Greg. Tholos. Synt. J. l. 35. C. VII. 10. ex Appian. l. 1. de B. C. Conf. Cicronem lib. 2. Verr. fin. 131.* quomodo Syllæ tempore hospitalitatis & amicitiae cum Norbani, Carbonis, Mariiue focis, inter crimina læse Majestatis positæ fuerunt. Sed quum istud etiam, idque magis hospitio publico competat, de origine ac fundamento latis dictum esto; præsertim, cum, quod PACTIÖNEM ipsam attinet, eam mutuam expresso consensu factam, non sit obscurum, manifestiusque ex ritibus atque symbolis fiet. Vbi etiam exempla docebunt, Jus hoc hæreditarum fuisse, ad liberosque & posteros derivatum

§. 13.

Deinceps, ut erat propositum, de jure ipso atque officii dicatur. Quorum quidem alia Hospitalis SOCIETAS privata maxime communia habet cum gratuita receptio-

ne, alia ex pactione sua propria. Illa varia vagueque quodammodo sunt; generatim tamen ea, quæ hospiti debentur, ad hæc ferme reduci possunt, ut præbeatur ipsi locus, ubi tuto quiescat quæ HOSPITALIA dicta, h. e. triclinia & cubicula, ad quæ hospites remittebant, *Vitruv. 6. 10. Et Hospitalia l. 5. §. 1. D. de his que effud.* Porro & cibus potusque, quo reficiatur; quæ singula hospitii vox complectitur. Atque huc ea omnia pertinent, quæ longa serie de moribus & officiis erga hospites ex veterum monumentis afferri solent, quæ varietate gentium & ipsa varie deprehenduntur. Quæ Græcis fuerint consveta, ex Homero collegit Stuckius. Videlicet postquam salutaverant peregrinum: *χάρειν ἔειπε.* & humaniter invitavit: onere æctutum omnium armisque liberare, equos torte in stabulum, ductus affatim pascere, hospitem interim ipsum comiter introducere instruat certis quibusdam tricliniis & cubiculis, lavare postea & ungere, id quod nec REGUM FILIÆ TURPE sibi duxerunt; *Od. 3. 456.* epulas parate hospitales, sacris mensæ peractis, lectos sternere. Sed & vestes, si torte indigebant, præbere, aliaque MUNERA HOSPITALIA, hospitibus sæpe alia reponentibus: Tandem abiturientes, invitos non detinere sed comiter DIMISSOS PROSEQUI. Ex S. Hebræorum Historia paria propemodum afferri possent, si hujus putatarentur loci *Ravan. Biblioth. in Hospitium. Binch. mellefic. Theol. p. 3. L. XV. p. 401.* Cæterum ab injuria omni defendere hospitem, æquissimum judicabatur; cædesque hospitis, cædi PARENTIS FERE ERAT PROXIMA, ut Lambinus ex illo, ut puto, Horatii colligit,

*Illum*

*Illum & Parentis crediderim sui,  
Fregisse cervicem, & penetralia  
Sparsisse nocturno cruore hospitis.*

§. 14.

Sed quomodo hospitium mutum sua sibi habeat officia discipiendum. Nobilis est divisio amicitiae, quam habet Philos. IIX. Nicom. XIII. ubi ut Jus aliud est ἄγραφοι, quod moribus continetur, nullis autem certis legibus descriptum: aliud καὶ νόμον, certisque determinatum legibus, ita & amicitia, quae ad utilitatem dirigitur, ostenditur alia esse, ἡθικὴ alia νομικὴ. In illa officiorum sit compensatio secundum morem tantum & consuetudinem, quam NATURALIS AQUITAS PRÆSCRIBIT. In hac porro, certa pactio & conventio interponitur, certæ quodammodo leges & condiciones constituuntur, ut uterque quid alteri debeat, vicissimque ab eo exigit, sciat. Hanc καὶ ὁμολογίαν fieri ait, καὶ ὅτι ῥητοῖς, ex pacto verbisque expressis. Judicatque Joh. Magirus, *hanc amicitiam esse quasi civilem obligationem quandam adeo, ut nisi alter stet promissis, possit eum jure & judicio cogere ad retributionem.* Sed pergit Aristoteles hanc ipsam amicitiam legalem ulterius dispendere in eam, quæ prorsus forensis est, & mercatoria, ἐκ χειρὸς εἰς χεῖρα ἀγοραῖα Paraphr. & quæ ἐλευθερωτέρως εἰς χρόνον qua amoris & benevolentiae causa conceditur dilatio temporis ad retributionem.

Com-  
ment  
P. 821.

Ac



Accommodant recentiores Aristotelis commentatores nonnulli divisionem contractuum bonæ Fidei & stricti Juris, diversimode; sed utrovis modo incommode. Et pertinet ea non ad Societates personarum, sed contractus Juris Civilis, atque *αἰπαίδευσίαν* committimus, quoties voce artis aliis rebus applicamus, quam quibus artifices imposerunt,

§. 15.

Porro ad utramque amicitiae speciem seu ex utraque mixtam referenda videtur hac privata hospitii societas, quæ proinde à gratuita hospitalitate differt, quod hæc constitutatur certa pactione, & quanquam natura dicet, gratiam esse referendam tali hospiti, & huic item sibi liceat ab eo, cui dederat hospitium, aliquid commodi sperare; neque tamen ab eo stipulatur quidquam certi, cumque sibi aut tantundem aut etiam amplius, si res ita ferat, redditum iri existimet, tamen quid quantumque sibi debeatur, relinqui ei ipsi, quem obligat, arbitrato suo æstimandum, quemadmodum Muretus de hoc amicitiae moralis genere loquitur.

§. 16.

Igitur proprium imprimis jus & officium, quod ex hac conventionem promanat, est certe determinataque hospitii præbendi RECIPROCATIO, καὶ ὁμολογίαν ἔχειν ῥήτοις, liberalior[tamen καὶ εἰς χρόνον, etiam si à neutra adhuc parte hospitium datum fuerit. Docet hoc Diomedes Pelodonnensus spud Homerum ILIAD. ζ. p. 222. ita Glaucum, patrum hospitem alloquens.

τῶ νῦν σοὶ μὲν ἐγὼ ξένῳ ἄργε μέσσω  
ἐμὲ, σὺ δ' ἐν Αὐκίῃ ὅ τε κεν ἴδῃμεν ἱκώμεθα.

Lycius erat Glaucus : ad hunc ergo si quando peregre veniret Diomedes , tenebatur recipia Glaucos : SCHOL. HOM. ad II. a. p. 7. vicissim Glaucus si in Peloponensum (quæ & Argos ab Argo τῶ πανόλω dicta est) ad Diomedem diverteret. Pertinet huc & Agorastoclis sponsio.

*Ergo hic (Calydone in Ætolia) apud me hospitium tibi præbebitur.* Plaut.  
Pen. V,

*Nam haut repudio hospitium neque Carthaginem.* 2. 91.

§. 17.

Ad passionem hanc & CURA HOSPITIS ÆGRI referenda videtur. T. Q. Crispinus Rom. cum Badio Campa-  
no hospitium fecerat, hic apud Crispinum hospes æger, liberaliter comiterque curatus, narratur Livio & Val. Ma-  
ximo defuncti ibi SEPULTURA quoque. Extat inter inscriptiones Græventinas ista:

Liv. I.  
XXV:  
Val. M.  
V. 1. p.  
564, 4.

<p>D. M. VAL. ATTICO. B. F. COS. LEG. XLI. G. P. FE. STIP. XXIII. VIXIT. ANNIS. XLI. FECIT. AELIA. PART. THENIS. HOSPITI</p>	<p>D. M. T. COR---F.----- DELEGATUS. VII. G. P. F. STIP. XXIII. VIX. ANN. LVII. FECIT --- ALLIA - PARALI - - N BE-</p>
--	--

BENEMERENTI.

*Cui similis Villap.*

DXXXIX, 3.

HENIS - - - - -

HOSPITI. B. - - - - -

*Conf. Tomassin. de Tess.  
Hosp. cap. 30.*

§. 18.

Ejus porro virtutis fuit Jus hoc, ut non privatos intra lares, aut angustias commorationis coarctatum, sed progressum longius ad majora quævis pericula quocunque fere tempore locove auxilium hospitis postulare. Timotheus; Cononis filius, ut est apud Corn. Nepotem, quum Athenis CAUSAM DICERET, non solum amici privatique hospites ad eum DEFENDENDUM convenerunt, sed etiam in eis Jason Tyrannus, qui illo tempore fuit omnium potentissimus. Hic quum in Patria sine satellitibus ferutum non arbitraretur, Athenas sine ullo præsidio venit; tantique hospitem fecit, ut mallet se capitis periculum adire, quam Timotheo de fama dimicanti deesse. PRUSIAS vero R. Bithynæ eodem auctore adversus Jus Hospitii, quod cum Hannibale fecerat, putavit hospitem inimicis dedere: quanquam ut ab iis comprehenderetur permittere, non item. De Admeto etiam refert idem Rege Molossorum, quod The-mistoclem, quum is ad Atheniensibus & Lacædemoniis exposceretur publice, hospitem ac supplicem non prodiderit. Cæsar Bithynos defendit, Cicero Dejotarum Regem, Steb-nium Siculum, hospites; quorum posterior testatur, multos Majorum suorum inimicitias suscepisse ut hospitem salute in fortunasque defenderent, eorumque se exemplum sequi, Huc S. Roscii hospites, CICERO PER EOD.

§. 19

cap.  
ult

Han-  
nib.  
C. pen.  
The-  
mist.  
C. 11X

GeII V.  
13.  
I. 2.  
Vetr.  
132



Quæstio hic incidit: *an hospitem in acie occidere liceat, salva pietate & officiorum regulis?* Sane Glau-  
cus & Diomedes sibi invicem parcent, utroque in hostili con-  
stituto exercitu, hic quidem Græcanico, ille vero Trojano.  
At enim quasi stibulans Diomedes.

Εἰργχεσι θ' ἀλλήλων ἀλεόμεθα καὶ δι' ὁμίλῃς  
πολλοὶ μὲν γὰρ ἐμοὶ Τρῶες κλειτοὶ τ' Ὀπτι κῆροι  
κτείνειν, ὃ κε θεός γε πόρῃ καὶ ποσσὶ κηχεῖα  
πολλοὶ δ' αὖτοι ἀχαιοὶ, ἐν ἀγρέμῳ ὀνέσσωμαι.

*Hastas autem mutuas evitemus etiam in turba:  
Multi quidem Trojani inclytique socii sunt,  
Quos occidam, quemcunque DEUS præbuerit &  
pedibus affecutus fuero.  
Multi autem rursus Achivi, quos interficias,  
quemcunque poteris.*

Græcos item Troja potitos, Ænea Antenorque vetusti  
hospitii jure omne jus belli abstinuiffe, Livius refert. E  
quo, ut & Val. Max. nobile etiam Crispini & Badii patet  
duellum. Bellum erat Romanos inter & Campanos Ba-  
dio Campano cum T. Q. Crispino Romano Jus hospitii.  
Uterque bello intererat. Accidit, ut Crispinus evocare-  
tur à Badio, is rebatur colloquium amicum quæri ac fami-  
liare, manente memoria etiam in dissidio publicorum lœ-  
derum privari juris. Sed ad pugnam provocatus dixit;  
*Se fœdere amicitia diisque hospitalibus, quæ sancta  
Romano sanguini, Campanis licet pectoribus vilia*

I. T. &  
1, 25.

Val M.  
V, 10

pignora sint, hostili certamine congregi cum Badio  
vetari. Quinetiam si in concursu exercituum for-  
tuito umbonis sui impulsu prostratum agnovisset,  
applicatum jam cervicibus mucronem se revocatu-  
rum fuisse. Itaque conversus abiit, atque non prius  
in provocantem hastem pugnavit, quam & Badius hospi-  
tium renunciasset, & extra ordinem pugnam permisissent  
Imperatores. Ex quo ipso quidem apparet, istam in Cri-  
spino hospitalis sanguinis abstinentiam non prorsus pro-  
venisse ex jure hospitii, sed imprimis etiam ex disciplina  
militari Romanorum, juxta quam, extra ordinem, sine  
Ducis imperio in hostem pugnare, capital erat. Nihilo-  
minus hoc quoque inde constat, ROMANORUM MORIBUS san-  
ctius fuisse habitum, hospitibus etiam in bello parcere.  
GROT. I. B. I. 3. C. 18. 1. Quo facit, quod Xenophon. l. 7.  
Histor. Græc. ne Philasii relert, præclare id ad eis fa-  
ctum, quod cum Pellenensem quendam hospitem ci-  
vitatis sue publicum cepissent, tamen si rerum inopia  
premerentur, nihilominus eam sine pretio dimise-  
rint. Quis eos, qui talia perpetrant, non viros ma-  
gnanimos & fortes dixerit? Et quod Plutarchus de  
Genio Socrat. ait: In pugna hostis qui benefecerit de-  
clinantus est. cont. Gruter. disc. ad Tacit. 48. §. 3.  
ubi sic decernit. Ergo & hospites, & Amici & Affi-  
nes & Uxores & Cognati & Fratres & Filii & Pa-  
tres,

*tres, mutuo se violantes, vel post jam dictum publice sacramentum, parricide sunt: Lexque adeo aliquid heic imperans contra jura naturæ, contra bonos mores, nulla esto. Idem ad Liv. lib. 1. 1. & lib. 45. 18. ubi hanc adjicit exceptionem: Hospitalitas nullo bello plane pleneque interrumpitur, nisi quod incurrat, quod neglectum exiret in damnum dedecusve publicum.*

§. 20.

Contra ea Badius sentiebat publicis foederibus ruptis dirempta simul & privata jura esse. Ti motheus porro cui cum Jasone arctissimum fuisse hospitium, visum est antea; hunc adversus tamen populi Atheniens. jussu bellum gessit: Patriæque sanctiora jura, quam hospitii esse duxit. Paria Agésilæus apud XENOPHONTEM l. IV. HISTOR. an Pharnabazum Lacedæmoniorum Amicum & Hospitem ait: At enim Pharnabaze non ignorare te arbitror, etiam Græcorum in urbibus hospitiorum necessitudines inter homines contrahi. Nihilominus ubi bellum inter urbes ipsas geri cœptum est, una cum patria sua quilibet hospitibus bellum facit. Quin etiam si res ita ferat, nonnunquam mutuo se hospites occidunt. Tandem tamen ita concludit: Utinam vir optime, cum talis sis, amico te utamur. Unum, quidem hoc scito, me jam quanta celeritate potero, tuis è finibus excessurum: ac deinceps tametsi bellum

C. Nep.  
timo-  
thei c.  
ult.



*lum inter nos geretur, fore tamen, ut quamdiu su-  
pererit alius, quem bello petamus, abs te rebusque  
tuis abstineamus.* Atque nescio, an huc aliquid faciat,  
quod, ut est apud Valerium Maximum; Piresius Celtiber  
cupiens hospitii jure Q. Cotio jungi, petiit, ut hoc fieret,  
quando inter Romanos & Celtiberos pax foret restituta.  
Quasi non possit esse amicitia privata quorundam singulo-  
rum, quum universi inimicitias foveant publicas. Quæ è  
V. th. Syllana tempestate adduci possent, nolo reponere. Quin  
12. potius quomodo propositum solvendum videre.

§. 21.

Non una ratione dici aliquid Juris esse aut LICERE,  
Hugo Grotius DE I. B. C. 4. & 10. LIB. 3. docet, sed multa dici  
talia eo, quod impune fiant, quæ tamen aut exorbitent  
à recti regula, aut certe omittantur sanctius, & cum ma-  
jori apud bonus laude. Itaque jure belli licitum est, (ita  
saltem, ut non puniatur, licet actus culpa omni non vacet)  
interficere non modo omnes, qui arma opponunt, sed &  
quoscunque bellum moventes subditos, imò quicunque  
intra fines hostiles sunt. id. c. iv. §. 6. n. 11. Quin etiam  
ipsos supplices. Si porro eodem pietatis & officiorum  
gradu fere habebantur, quo hospites. Hesiodus:

ἴσον δ' ὁ, ὃ δ' ἱκέτην, ὅτε ξείνον κακὸν ἐρῇ.

*Par est delictum, si quis & supplicem, & hospi-  
tem malo afficiat.*

Igitur eodem jure & hospites occidere licitum. Non  
aliter atque consanguineos. Quum tamen alioquin & in  
bello sanguinis jura maneat integra. Liv. 5. 27. UBI EGRE-

GIE DISSERIT CAMILLUS. Quo spectat illa Cæsaris in acie  
Pharfalica docta & ad victoriam efficax vox: MILES FERI  
FACIEM. Quippe videns Imperator utrumque ex-  
ercitum constare è popularibus ac propinquis, vere-  
ri cœpit, ne, si se mutuo agnoscerent, illa alacritas, is  
cognitus militum suorum ardor, obtorpesceret, quin  
in amplexum potius hunc Parentis, illum fratris,  
alterum hospitis aut amici ruituros, quam ut cognato  
sanguine insontes etiamnum manus incestarent.  
Id igitur ne fieret, jussit prudentissimus Imperator,  
ut eorum vultus ferro turbarentur, ne alter ab altero  
agnosci posset: ut hisce quidem verbis consilium Cæsaris  
J. RUTGERSIUS l. 1. VAR. C. 4. exponit, contra quam Appianus  
aut Polænus. Quamquam & Germanicus contra Arminium  
pugnaturus, ORA MUCRONIBUS QUÆRERENT, præcepit, non  
isto tamen animo. TACITUS ANN. 2. 14, 4. Sed ad rem.

§. 22.

Atque Livius dum ait Græcos abstinuisse jus belli  
Ænea hospite, innuit sane, jus interficiendi eum habuisse,  
licet alias hospitem. GROTIUS J. B. l. b. 31. Cap. 4. §. 5. Quan-  
tum vis autem hoc licitum fuit jure licentiæ: tamen si pa-  
rum exorbitat à recti regula, certe omittitur sanctius &  
cum majori laude apud MORATIORES GENTES FIDES HOSPI-  
TI: etiam inter hostes, mediaque in acie fuit servata. Lu-  
bet hoc quaesitum claudere monitio H. GROTII C. XI. lib. 3. §. 7  
*Hostis ergo qui non id, quod humanae leges permit-  
tunt, sed quod sui est officii, quod fas & pium est, volet  
respicere,*

respicere, parceret etiam hostili sanguini: neminique mortem irrogabit, nisi quo mortem mortive simile quid evitet, aut ob peccata personæ propria quæ ad capitalem mensuram devenerint. Et tamen quibusdam id meritis aut omnem aut mortis pœnam condonabit, seu humanitatis intuitu, seu ob alias probabiles causas.

§. 23.

Hæc de Hospitii officiis ipsis: sequitur, quem ea gradum obtinuerint, si quando necesse fuerit, in opera danda, faciundisque officiis alios aliis anteferre. Constat autem facile, prima DEO immortalī, secunda Patriæ, tertia Parentibus tribui. CIC. I. offic. Ita Timotheus Patriæ sanctiora jura, quam hospitii esse duxit. Convenit vero & illud PUPILLIS ac tutelæ priorem fuisse locum, quippe in gradu quarto. NEPOS C. ult. At COGNATIS in gradu VII. constitutis, tum ex moribus Populi Romani tum Græcorum antelatus fuit Hospes. Testis sufficiens Gellius & Masurius, GELL. 5. 13. Pythagoræ fertur sententia: *εἶναι ἀνὴρ δίκαιος, & μόνον πολίτης, ἀλλὰ καὶ συγγενὲς Διὰ Φέρει*. *Hospes, vir bonus, non tantum civi; sed & cognato præferendus*, Eustath. ad Iliad. ζ. τὸ συγγενικὸν θεομὸν κρείττων τοῖς παλαγοῖς ἐστὶν ὁ κατὰ τὴν ξενίαν. Cæteroquin HOSPITIS NE AN CLIENTIS potior habenda ratio fuerit, non ita liquet. In tertio juxta parentes loco esse hospites, in secundo clientes, constare ex moribus Pop. R. ait Gellius! Masurium tamen laudans, qui antiquiorem locum hospiti tri-



tribuerit, quam clienti. Tullius DIVINAT. IN Q. CÆCIL. etiam proposuit hospites clientibus: *Clarissimi veri nostræ civitatis, temporibus optimis, hoc sibi amplissimum, pulcherrimumque ducebant, ab hospitibus, clientibusque suis ab exteris nationibus, que in amicitiam Populi Romani ditionemque essent, injurias propulsare, eorumque fortunas defendere.* Neque tamen ex hoc loco quicquam certi de sententia Tullii crediderim exculpi posse, cum nec ex protesto hic de ordine inter hospites & clientes quærat, & præterea non de quibusvis clientibus, sed iis tantum, qui ab exteris venissent nationibus. Eodem vero ordine uti, -I. 5. rur & alibi: *In omnibus, publicis, privatis; forensibus, domesticis; tuis, amicorum; hospitum clientum tuorum negotiis.* Ubi dici quidem poterit, hospitum negotia negotiis clientum præponi, quemadmodum publica, privatis; forensia, domesticis; Propria amicorum negotiis. Neque tamen hæc ex tripode; Nam & contra argumentari poteris, Propriis negotiis opponi negotia amicorum pariter & hospitum clientumque, fierique quandam gradationis speciem, qua à gradu imò ad summum adscendatur. Nam alibi alio ordine utitur, ut l. de SENEC. sic: AMICI, CLIENTES, HOSPITES. Quare certioribus documentis destituito acquiescendum in Gellii sententia, quum Sabini inter privatas forte reponenda sit. Docentem tamen *omnes præterea* facile sequar. Sed hæc hæc.

Sequitur, ut de ritibus & pignoribus Hospitii privati dicendum sit. Igitur cum Hospitium pacto & consensu constet; consensus tum verbis confirmetur, data acetpraque Fide, tum factis quibusdam ac ceremoniis certis: Etiam Hospitii fides suis sancita est RITIBUS. Inter quos DEXTRE CONJUNCTIO, ut simplicior reliquis, & in omni fide communis fere apud plerasque omnes gentes; ita etiam antiquior videtur. *Est quoque in dextris*, ait Alexander ad Alex. *religio, eam porrigimus, si quid data fide futurum pollicemur. Apud Persas, si quid firmum illibatumque volebant, illud dextra & fidei pignore sanciebant: itaq; nihil apud eos fide antiquius fuit.* Eū-

I. 2, G. D  
19.

ad Odyss.  
I. v. 121.

l. 30.

v. Nicom

X. vel XI,

lib. de

Inc. anm.

cap. 4, l. 4

Part. a-

nim cap.

4, Keck.

Gym. I. 2,

p. m. 116.

stath. ostatur, ὅτι τὸ τ' δεξιᾶς χειρὸς ἀπλεῖσθαι, ὅπερ καὶ νῦν πολλοῖς τῶν ἑθνῶν εἰσυχωρεῖται, δειγμα φιλοφροσυνῆς ἢ ἀσφαλείας. Ubi plura de hoc argumento differens. de sinistra aldit: λαοὶ μὲν τοὶ χειρὶ, σὺν ἐξὴν ἀπλεῖσθαι ἀλλήλων τὰς φιλοφροσυνῆς διότι ἐν κατῇ μοίρᾳ οἱ παλαιοὶ ἐτίθεντο τὰ μὴ δεξιά. Sed istud Græcanicæ fuit superstitionis, leva infauusta habere. Alexander Aphrodis. lib. 2. q. 47. οἱ τότε καὶ δικαίότατοι: ἄνδρες τὰς δεξιᾶς ἑαυτοῖς παρέχον, ὑπὲρ ἀσφαλείας πραγμάτων, τὴν δὲ ἀριστερὴν προβαλόντες. *Solent optimi quique dextras sibi porrigere, denarium numerum ad negotii de quo agerent, certitudinem proferentes.* Sed eadem ratio pro sinistra quoque faceret. Sanior forte ratio indē petatur, quod ut Ari-Gym. I. 2, Stoteles ait; φῶς ἡ δεξιά κρείττων, & alibi: φῶς ἑστίον τὸ δεξιὸν τῇ ἀριστερῇ τοῖς γὰρ δεξιῇς πάντα πέφυκε τὰ τῶν ἀνθρώπων μάλλον. Cur vero dextræ partes sinistris efficaciores sint, causâ dari

dari solet, cum calor hepatis, tum latiores arteriæ, quæ ex corde in dextram derivantur partem, itaque plus eodem vehunt spirituum. Sed redeunt in viam.

§. 25.

QUUM FIDES vita & anima humanæ societatis merito dicatur, soli ei solenne Numa instituit, sedemque ejus etiam in DEXTRIS sacratam esse voluit. Atque hinc etiam ipsa PACTIONIS & PANGENDI vox cœpisse videtur. Est enim pangere seu pagare proprie conjungere, coosere à πᾶγω, πᾶγω, πᾶγνυμι Itaque ut FORDUS EERIRE dicitur ab adjuncta, percussione porcæ; SCINDERE FORDUS apud Hebræos, propter connexam pecorum dissectionem: Ita Pangere rem, societatem, pacem &c. ob dextræ conjunctionem, mutuamque percussionem quomodo vernaculo dicimus Handschlag. Huc Phrasis Ebr. Prov. VI. I. complotere manum suam alteri fide jubere. V. D. GEYER. p. 262. Quamobrem quum omnibus fere gentibus hic ritus sit communis, quasque à natura institutus, unde & δεξιὰ κοινωνίας appellatæ: mirari quis potest Eustachium, qui contendat, Latinon hunc morem à Græcis demum accepisse, qui aut alias sponte Latinis se conjunxerint, aut è Trojano excidio eo delati confederint. Certenon TE. 365. v. MERE apud Maronem, Latinus ante adventum Æneæ dexteram desse Turno fingitur, despondens huic Laviniam. Aut adventantis legatos ita alloqui:

Ipse modo Æneas (nostri si tanta cupido est:

Si jungi hospitio properat, sociusque vocari)

Adveniat: vultus neve exhorrescat amicos.

Pars mihi pacis erit dextram tetigisse Tyranni.

Cæterum ut Latinus cum Ænea dextram hospitalem,



conjungere expetit; ita & Glaucus & Diomedes hospitium Paternum in acie renovantes, abequis descendunt.

Alexand. l. 5 G. D. c. 3 sine dubio ex Ta- cit. l. 1 Hist. 54 Or. pro Dej. f. 254, §. 26.

Χεῖρας τ' ἀλλήλων λαβέτω, ἢ ποσῶσαντα. permu-  
tatis post etiam armis. Dextra apud Lingones fuit hospiti-  
peculiariter symbolum. Pertinet huc obtestatio Tulli ad  
C. Cæsarem: *Per dexteram Te istam oro, quam Re-  
gi Dejotaro hospes hospiti porrexisti: istam, inquam,  
dextram non tam in bellis, ἢ in præliis, quam in  
promissis de fide firmiorem. Tu illius domum ini-  
re, tu vetus hospitium renovare voluisti.*

Præter mutuam dextræ dationem, accessere & alii ri-  
tus. Velut DONA MUTUA. Testatur Diomedes Patrem suum  
atque Glauci, quum contraxerint jus hosp. ξεινῖα καλὰ  
sibi invicem dedisse, alterum quidem ζωστήρα φοῖνικι φαινόν,  
purpureum balteum, alterum vero χρύσειον δέπας, aureum  
poculum. De Cædico Maro refert, quod, quum Remu-  
lo absens hospitio jungeretur, miserit PHALERAS & AUREA  
BULLIS CINGULA. id est, clavis aureis insignita. Eustathi-  
us τὰ ξείνα κειμήλια vocat, quæ apud veteres reposita fu-  
erint εἰς ἀνάνησιν πατρῶας φιλίας τοῖς ἑσπέροις. Quemadmo-  
dum de Ulyssæ, canit Homerus; qui cum Iphito, contrahens ho-  
spitium, dederat ipsi ξίφος καὶ ἐγχύθριον, ensen & lanceam, ἀρχαῖον  
ξεινοτύχης; acceperat vero arcum ab Iphito atque hoc ab Her-  
cule occiso, vix dum contracto hospitio, Ulysses arcum.

μῆναι ξείνοιο φίλοιο  
Κεῖκετ' ἐνὶ μεγάρῳ. Φόρτ' δρὲ μιν ἦς ἔπ' ἑταίρης

V. Muret

V. Muretin 4. Nic. 2. p. 291. Hom. Od. 8. p. 252, 36. Xenoph. 4. Hist. p. 512, de Pharnabazi filio cum Agelilao jus hospitii contrahente.

§. 27.

Iphitum illum quum ab Hercule contra jus hospitii occisum narrat Homerus, ait:

Οὐδὲ θεῶν ἔπιν ἠδέσασ' ἔδ' ἔτραψεζαν τῷ δὴ οἱ παρ' ἔθκειν.

Neque decorum vocem veneratur, neque mensam.

Illam, quam ei apposuit.

Non immerito igitur etiam MENSA HOSPITALIS refertur inter ea, quibus fides hospitii confirmata est. Quemadmodum enim in nuptiis epulum fit, tum τῶν γαμηλίων θεῶν I. 5. *ἐνεκα* ut nuptiales deos (verba sunt Athenæi; verius, ut Deum Dipn. unicum auctorem & Tutanum conjugii) veneremur, c. 1. tum δ' εἰσὶν μαρτυρίαι, ut pro TESTIMONIO id sit, nobis putare placere probarique nuptias: Ita etiam eundem ob finem hospitium fuit solenni epulo contractum. Causam rei ibidem affert Athenæus hanc, quod vinum, dum animum calefaciat ac diffundat, videatur habere ἐλαστικόν τε vim Conf. quandam ad conciliandam alliciendamque amicitiam. Cui casaub. accedit, quod, quam amicitia sit æqualitas quædam, hanc ani- vero inconvivio etiam inter inæquales alias, cernere quodam- dammodo sit. Unde & querelas amicorum in conviviis verif. sopiri optime posse visum est veteribus. Quæ fuit CHAR- col. STIORUM origo apud Romanos. Sed de his non est pro- 329. positum nunc, ut nec de iis epulis, quæ quibusvis hospi- Val. tibus advenientibus datæ, de quibus nonnulla congeffit Max. I. Alardus ad Valer Flacc. ut Stuckium aliosque, qui de, 2. 1. 9. Conviviis Veterum scripsere, præteream. Illud modo ad- pag. dendum; SALEM hospitibus ante cibos alios appositum fuit. 124.

Eust. ad  
12. 1. fe, teste Eustath. & Cœl. Rhodig. tanquam peculiare ami-  
citiae & hospitalitatis symbolum. Non enim tantum firmita-  
tis atque perennitatis, sed & divinitatis quandam significa-  
tionem inesse sali, crediderunt. Nam Omen etiam ex sale  
captabant de adventu hospitum. *Plin. 3. 6. Panem ex  
sale in linteo de Lycō ligetur*, quem locum corru-  
ptum restituit Io Rhodius: *in linteo licita deligetur To-  
mas. de Tess. p. 62.* Quanquam ex alia contra super-  
stitione creditum, in sale latere malignum quid *ὑπερφυσικόν*,  
ut ex Pult. de Os. & Isr. ostendit Herm. Contingius de  
*Herm. Med. Cap. XII.*

§. 28.

Succellu temporis, certarum THESSERARUM usum in  
hospitio jungendo obtinuisse apparet, quarum novem ge-  
nera refert *Tomasin. Cap. 16. de Tesseriis.*

Frumentariam, L. 87. D. de leg. 2. V. GUTH. de D. O. AUG. 2. 11.

LIP. 1. 8. Elect. Vinc. Contra. de Re Frument.

Numariam, DION de DOMIT.

Militarem, VIRG. 7. ÆN. 128. LIV. 7. Polyd. *σιλα τεῖον, ξυλῆφιον.*

MACROB. 5. SCIP. 2, 2. ISIDOR. VEGET.

Amatoriam, OLAUS. VORM. 1. 27.

Comitalem, VARR R. R. 3. 5. & 17.

Theatralem, MART. 8. 78. DION. 66.

Convivalem, ÆL. LAMPR. HELIOG.

Lusoriam, DELRIUS HERC. FUR. i. e. talos.

Negotiarum, al. symbolum, HARMEREOP. 1, 8. THEOPHR. CHAR.

ISID. STIPULA. PLAUT.

& denique Hospitalem, cujus quippe usus minus dolo fal-  
laciisque esset obnoxius idque imprimis propter hæredes  
posterioresque, quibus Paterni hospites non semper noti quum  
essent, reqvirebatur certum aliquod signum Paterni ho-  
spi-



iii. Itaque uterque hospitium tesseram dimidiatam, vel duas pares asservabant, quibus collatis, hospes agnosceretur. *V. Canter. 5. N. Lect. 21. Brodae. 10. misc. 30. Picc. 3. Pol. p. 402.* Allegat de more hoc etiam apud Græcos usitato Stuckius Scholiasten Eurip. in Hippol. qui testatur, eos, qui hospitio excepti fuerant, ἀσφάλαν seu tesseram incidentes (κατατέμνοντες) dimidiam ejus partem reliquisse iis, à quibus erant excepti, ut si opus esset, vel ipsos: vel ipsorum posteros & amicos eodem rursus hospitio uti, dimidiata illa tessera prolata, hospitii jus renovaretur. Alioqui nobilis locus est apud Plautum in Pœnulo; ubi quum Hanno Carthaginensis cum Antidama, Calydonio natione Ætolo, tesseram hospitalem habuisset; Antidamia moriente adoptatus filius Agorastocles eandem accipisse dicitur. Postea Hanno Calydonia profectus, Agorastoclem compellat: TESSERAM

AG. V.  
Scen. 2,  
87.

*Conferre si vis hospitalem eccam attuli.*

Respond. Agorast.

*Agedum huc ostende, est par probe: nam domi habeo.*

Post Hanno:

*O mi hospes, salve multum; nam mihi tuus Pater,  
Pater tuus ergo hospes Antidamas fuit:  
Hac mihi hospitalis tessera cum illo fuit.*

Tantum Agorast.

*Ergo hic apud me hospitium tibi præbebitur.  
Nam haud repudio hospitium, neq; Carthaginem.  
Inde sum oriundus.*

in Plau.

Tesseras hasce factas esse ex lingo longiusculo, & Cistel. utrinque exæquato & complanato, tradit Lambinus. Tesseram hospit. rotundam, ut frumentariam, vult fuisse Schott. l. 2. Nod. Cic. C. 6. Cæteras, quadratas. Casaubonus ex hinc illud Isidori Lib. V. cap. 24. interpretatur: *Veteres quando aliquid sibi promittebant, stibulam tenentes frangebant: quam iterum jungentes, sponsiones suas agnoscebant.* Describi scilicet tesseram ligneam, paulis olim fuerit interdum, qua usi, qui jus hospit. inter se coluere; idque ex Euripidis Schol. aliisque disci, Conf. Sabelleii. in Svet. Aug. C. 40. Domit. C. 4. Casaub. in Athen. l. 3. c. 31. col. 225. Tomaf. C. 16. p. 67. Tesseræ, Ital. Taglia, κάλαμ Gr. & καλάμη, Palea proprie. Unde romper la paglia dicunt pueri apud Italos, quod est amicitiam scindere." Quæ si ita habent, non temere hinc judicari posse putem de origine vocis stipulandi. Dissentit quidem RITTERSH. INSTIT. p. 422. & nugari hic Isidorum ait. Verum saltem aliquid veri subesse videtur. Sed hoc obiter. Scholiastes, quem & Casaubonus laudat, utitur voce ἀσράγαλ; quæ plerumque osseam innuit materiam. Tales sunt binæ ex osse, annorum situ veluti putrefactæ sublutei coloris, junctæ forma rotunda, & parte interiore hospitum nominibus inscriptæ, in Museo Joannis Baptistæ Causalis Nobil. Rom.

Polynices

Afcanio F.

Claphyr,

Andræ. M. J. F. Tomaf. C. 16. p. 75. testis ait.

Sed

Sed ET DE LIGNO. Talorum e ligustro. Plin. 16, 18. meminit. Hanno Plautinus tesseram hosp. suo idiomate vocat Chyr hoc est, כִּיּוּר tabulam, siquidem stemus emendatione S. Bocharti l. 2. *Chanaan. C. 6.* quæ ut posterior, ita forte & melior est ea, quam S. Petitus l. 2. MISCELLAN. I. tentavit. Illa vero talis est:

*Tthem aneti hy chyr saclychoc, sith naso.* quæ ad Hebr. aut Syram formam ita expressit:

חֹתֶם חֲנוּתִי הוּא כִּיּוּר שְׂאֵלֵי חֹק דָּחִי נֹרָא:

*othem anuthi hu chior seeli choc; Zoth nose.*

*hoc est, sigillum hospitii mei est tabula sculpta, cuius sculptura est, DEUS MEUS: ID FERRO.*

חֹתֶם *Sigillam masc.* חֹתֶם *signavit.*

חֲנוּת *Hospitium Rabb.* חֲנוּת *castrametatus ist, residit.* חֲנוּת *ille.* כִּיּוּר *inuf.*

כִּיּוּר *M. labrum, le vacrum, concha, suggestus, focus.* כְּדֻרִי *Chald. asseres. Targ. Hagg. I, 4. Schindl.*

pag. 851. E.

אֵל *DEUS,* אֵלִי *DEUS meus.*

שְׁ *Pron. Rel. qui, quæ, quod.*

חֲקַק *sculpsit, descripsit. Arab חֲקַק chuc brachiale, חֲקַק chac pyxis, an à calatura?*

זֹאת *hec, hoc,*

כִּנְטָא *ferre, Rabb. כִּנְטָא ferens.*

פָּרַשׁ *pandit, extendit. Arab. מִכְרַשׁ extensus, stratus.* כִּפְרַשׁ *velum.*

מִין *inuf.* תְּמוּכָרָא *imago.*

Plautus ipse Latino reddit versu ita:



*Deum hospitalem ac tesseram mecum fero.*

Annotat vero Bochartus, כִּיּוּר non esse tabellam quamvis, sed pictam & sculptam a Radice כִּיּוּר sculperе, dingere, indeque in Chald. Paraph. Chiorin vocari cedrinos asseres, quibus laqueati fuere parietes templi & domus Salomonis propter sculpturam multiplicem.

§. 31.

S. Petitus, ut videtur, totam tesseram crebit fuisse imaginem alicujus DEI; ait enim ab HANNONE EAM VOCARI (vers. laudato, sed aliter lecto a Petito) : תְּמִנָּה קִיּוּר אֱלֹהִים : imaginem invitantem; item Deum hospitalem ideo, quia tessera fuit Dei alicujus imago; eaque forte Saturni quoniam apud Phoenicias Saturnus peculiari-ter EL dictus. Unde Scen. seq. emendat: מִנִּי לְבִיתִי בְּנֵי מִפְּרָשָׁה hoc est, hospitium tesserae meae, cujus imago Saturnus est, quæso. At sentit Bochartus Deastri imaginem potius insculptam tuisse tabellæ seu tesserae eamque LARIS θεῶν καὶ τοῦ κιδῖς. Quid si vero Jovis HOSPITALIS? Sane diserte Hanno ibi nominat DEUM Hospitem eumque conjungit tesserae:

*Deum hospitalem ac tesseram mecum fero.*

quæ καὶ ἐν ἀγῶ δυνῶν sunt intelligenda. Deum hospitalem scilicet tesserae insculptum, ut monuit Petitus, subscribente Bocharto: Jam vero cum primis Jupiter hospitalis est salutatus, quanquam etiam alios deos Hospitales habuerint, Apollinem, Venerem, Minervam, & speciatim Lares, Vid. TOMASIN. pag. 32. Sed ad posteriora.

§. 32

§. 32.

Inter hospitii symbola etiam olivam refert Cotta JG. ad l. ult. D. de muner. & honor. §. 19. *Elemporia & ospiratura apud Alexandrinos patrimonii munus existimatur*, ubi ipse legit *Eleamphoria*, vultque sic dici hospitia, ad quæ Alexandrini euntes, olivam in signum pacis tulerint: quomodo *Aeneas Evandrum* adiisse dicitur. Hæc itaque hosp. id. circo patrimonii loco habita ab Alexandrinis, quoniam ita inter suos Maiores veteri quodam more fuisset inductum, ut quoties à Patria recederent ad amicos hospitaturi tendissent, reddaturi vicem, si forte illi quæque amici ad se *Alexandriam* venirent. Verum enim vero hoc ridicule dici, iudicium est Gothofredi; qui verius legi ait cum *Holoandro; Elemporia & ospiratura*. Nimir. ut *ταρχέμπορ* est falsamantarius, *σωματέμπορ* mancipiorum mercator? ita *ελαίμπορ* notat olearium, qui eadem in lege *ελαίας* vocatur, mercator olearius; unde *ελαεμπορία* munus coëmendi olei publici. Cæterum *ελαεπορία* etiam, ex sententia Cottæ, fuisset emendandum, non *ελαεμπορία*. Denique *Aeneas* IIX, v. 116. tulit sane olivam non hospitii gratia, sed pacis, quia *Arcades* inder sacra mensæ perterriti subito classis *Aneæ* adventu fuerant, idcirco rogatum *Aneam*:

*Pacemne huc ferret, an arma?*

certe haut arma, belli; sed olivam, pacis insignia prætere oportuit.

§. 33.

Restat DE DISSOLUTIONE. HOSPIT. AMICITIÆ dicere.  
 Quam geminam licet statuere *per Renunciationem, atque Violationem*; quarum hanc ut illicitam omnes habuerunt, ita illam esse licitam vel ex iis constiterit, quæ Philoſophus IX. Nic. III. de diſſolvenda amicitia diſſerit. Etenim quatenus hæc ſocietas, hoſpitii reciprocationem, ceu FINEM & PERFECTIONEM ſuam intendit, ubi non amplius ille finis obtineri poteſt *ὅθεν ἄτοπον ἀλλοτρίωται*. MUTUUM SIQUIDEM hoc, quod in hoſpitio eſt, alternum ſignificat; neque exiſtit, niſi par accipiatur & reddatur, contra quam fit in pecunia mutua ut iſtud dilucide contra Salmaſium docuit. J. F. GRONOVIVS l. 3. de Pec. Vet. c. 1. p. 252. Atque Agoraſtocles Hannoni videtur renunciare potuiſſe juſ hoſpitii paterni, ſi nunquam ſe ſperafſet Carthagine uſurum hoſpitio. Verum cum non ſolum utilitas, ſed honeſtas quoque hic ſpectaretur, non tam facile ſolvebant hoſpitalitatem, etſi quandoque hoſpes non modo non utilis, ſed etiam moleſtus eſſet; arbitrantes, *injurias hoſpitum placide ferendas eſſe*, ut de Sthenio Thermitano ait Cicero. l. 2. Accuſ. VERR. Et Ariſtoteles monet, non omnibus ſtatim, qui pravi fiunt, renunciandas eſſe amicitias, ſed τοῖς ἀνιάτοις ἀπὸ τὴν μοχθηρίαν, neque correptionem admittentibus. Quomodo Germanicum Caligulæ Patrem Sveton. C. 3. laudat, quod *Piſoni decreta ſua reſcindenti, clientelas diu vexanti, non prius ſuccenſere in animum induxerit, quam veneficiis quoque devotionibus impugnari ſe comperiſſet*: ac ne tunc quidem  
 ul-



*ultra progressus, quam ut & amicitiam ei more Majorum renunciarit, mandaritque domesticis ultionem, si quid sibi accideret.*

§. 34.

Facile hinc intelligitur, fieri sæpe potuisse, ut Renunciatio non omni vacaret culpa. Laudato Philolophus loco judicat, dissoluta amicitia, ejus tamen retinendam esse memoriam; & quemadmodum amicis magis, quam extraneis gratificandum; ita porro & iis, qui fuerunt ALIQUANDO AMICI, adhuc aliquid tribuendum esse Facile hinc patet, opinor, Renunciationis ejus, quæ cum INIMICITIAM DENUNCIATIONE erat conjuncta, injustitia; quatenus vel privatam spirabat vindictam, vel omnino etiam sine prævia graviore læsione nocitura erat bene antea merito. Itaque metiras dedit poenas Badius, sive in fugam modo conversus, † sive occisus, \* quantumvis solemniter hospitium renunciaverat, quum hujus facti causam justam non habuerit.

Camer.  
P.I. Suc.  
cis. Cap.  
XCI.

Liv. I. 25  
Val. max.  
I. 5. c. 6.

§. 35.

Intelligi autem ista debent de privata denuntiatione. Secus enim quemadmodum superiorum auctoritate hospitium non injuste renunciatur; ita etiam eorundem jussu, inimicitarum denunciatio excusatur. Prioris assertionis ratio vel ex antea dictis apparet. Atque omnino quum humana auctoritate jus hocce solvi possit, quanto magis Divina censendum est? Quo ex capite & Jaël Siferam interficiens *ζευκτορίας* crimine absolvitur; eo de facto plura apud Stuckium. Posterius vero quod dicebatur, publicam belli denunciationem licite fieri, pater ex gradibus officiorum, quod Patriam adversus hospitem eti-

Th. XII

Th. XX. am defendere oporteat. Cujus rei exemplum illustre dedit Timotheus, cujus supra facta mentio. Attamen & hoc in casu certum adhibere temperamentum, Virtus svadet; Ut quantum pote, alter ab alterius sanguine saltem abstinere. Quale & David voluisse videtur, interdicens Filii cædem, licet is sanguinis jura ac Patriam sanctitatem violasset: Certe Q. Martius etsi cum exercitu contra Perseum R. missus fuerat à Senatu, tamen hospitii Paterni, quod cum illo habebat, memoriam etiam tunc non deposuisse præ se tulit, V. Livius.

§. 36.

Pauca adhuc de renunciandi more, qui, ut facile judicari potest, contrarius fuit ei, quo contrahebatur hospitium. Tesseram itaque hosp. contrangebant Lambinus in Pl. Cistell. *Cum hospitium repudiabant, tesseram frangebant.* Testato porro fiebat, verbisque expressis. Exemplum ex sæpius citato Livii loco peti potest, ubi Badius sic narratur Crispino renunciare jus hospitii: *Badium Campanum, T. Quintio Crispino Rom. palam omnibus, duobus exercitibus audientibus, renunciare hospitium, nihil sibi cum eo consociatum, nihil foederatum hospiti cum hoste, cujus patriam ac penates publicos privatosq; oppugnatum venisset, si vir esset, congregederetur.* Fiebat item per epistolas. Quod enim Svetonius dicebat MORE MAJORUM, id Tacitus, idem referens, per COMPOSERE EPISTOLAS, exprimit. Apud quem & alibi Cæsar, missis ad senatum literis, disserit, *Morem fuisse majoribus, quoties dirimerent amicitias, interdice-*

pag. 314  
conf. Sa-  
bellic. in  
Sveton.  
C. 41.  
Stuck.  
Camer.  
l. c.

lib. 2.  
Ann.  
LXX, 3.  
l. 6. C. 29  
3.

*dicere domo, cumque finem gratiae ponere: idque se repetivisse in Labeone.* Verisimile vero est, idem factum in hospitio renunciando, quod quidem CICERONEM l. 3. in VERR. DOCERZ, ait Brissontus; sed verba non addidit. Neque alia hanc in rem nunc occurrunt, nisi quae l. 2. t. 126. leguntur: *Itaque iste (Verres) vehementer Sthenio infensus, hospitium ei renunciat: domo ejus emigrat, atque adeo exit, nam jam ante migrarat.* Sed hic nulla epistolarum expressa mentio: non contemnenda tamen emigrandi atq; exeundi differentia occurrit.

I. 8. FORM  
p. 742.

§. 37.

Cum firmamentum stabilitatis constantiaeque ejus Cic. Lab.  
quam in amicitia quaerimus, fides sit; hac violata necesse 108.  
est, ut, sicut alia quævis, ita & hospitalis evertatur societas. Violatur autem fides, quum dictorum CONVENTORUMQUE non servatur constantia. Itaque modus violandi tam est varius, quam multipliciter contraria officiis facta dari queunt. Hospitum atque Amicorum nomine conjuges sororesque pollui à Romanis, Britannus queritur AP. TAC. AGRIC. 32. 2. Idem Verres patravit Lamiasci. Veteres igitur ne facile fides hospitii violaretur, eam Divini Numinis reverentia singulariter sancivere, præficientes ipsi, suo quidem more, Jovem Hospitalem, prædem vindicemque Hospitii OPT. MAX. Unde *Sanctissimum fuisse hospitii nomen*; Cicero Verr. l. 2. 130. b. testatur Hesiodus OP. & DIER. 325. l. 1.

Ἰσὸν δ' ὅθ' ἐκέτην, ὅτε ξείνον κακὸν ἔρξαι.

Τῷ δὲ τοι Ζεὺς αὐτὸς ἀγάμεται, ἐς δὲ τελευτῶν

ἔργῳ ἀπ' ἀδίκῳ χαλεπὴν ἐπέθηκεν αἰοσίην.

Homerus: Ζεὺς δ' ὀπίμνητορ ἰκταῶν π' ἐξείων π' ἑξήκοντο, ὅς ἐξείοισιν ἀμ' αἰδοίσιον ὀνηθεῖ.

Cicero



Cicero pro Dejot. 147. Si (Tæ Cæsar interemisset) *veneno. Jovis illius quidem hospitalis numen nunquam celare potuisset, homines vero fortasse celavisset.* Virgilius.

Jupiter hospitibus nam te dare Jura loquuntur.  
ubi Pomp. Sabinus notat, *in historiis legi, omnes, qui violaverint jura hospitalia dedisse pœnas.* Quorum & fabula pertinet, de Cypri incolis, in boves versos, quod ad aram Jovis Hospitis hospitem nefarie occidissent. Jovi huic Hosp. seu Xenio templum Samariæ dedicatum notum est ex Hasmonæorum historia. l. 2. c. VI, 2.

§. 38.

Ælian. l.  
4. V. h. r

Ut Divinam nunquam, ita sæpe nec civilem effugerunt pœnam hospitii violatores. Lucanorum Lex laudatur: *Si sub occasum solis venerit peregrinus, volueritque sub tectum alicujus divertere, & is hominem non susceperit, mulctetur, & pœnas luat inhospitalitatis.* Quod Ælianus accipit tum de pœnis Jovi Hosp. datis, tum hospiti venienti. Quod si hospitii denegatio adeo fuit pœnæ subjecta, quid de violatione censendum erit? *Vid. Vopisci; Aurel.* Hospitem occidere parricidium, *Apul. l. 7. Metamorph. 188.* Certe Stuckius refert, & *domus ipsas, ubi violata hospitia, pro scelestis habitas, quas non licuerit habitare.* Neque ignota est ingrati illius militis pœna, qui hospitem fortunis suis ejicere tentavit, de quo Seneca l. 4. de BENEF. C. 37. Facit forte huc & Caroli regis Svecorum constitutio, qua qui trina hospitii denegatione convictus fuit, ejus ædes combustæ fuerunt

f 93.

fuerunt. In regno Poloniæ si quis Hospitium invaserit, crimen est, & ejus cognitio ad Comititia pertinet, SPRENG. PERSPICILL. p. 101. Quod reliquum est, signum violati hospitii fuisse tesserae fractionem, colligunt ex illo Plauti *Cistel.* 2: 1. 27. *Abi Ec.* Hic apud nos jam con-  
stegisti tesseram, h. e. *jus hospitii violasti, & amicitiam, consuetudinemque pristinam, quæ tibi nobiscum erat, dissolvisti.* Lamb. *reditum tibi in domum nostram præclusisti.* Erasmi. *Chil.*

§. 39.

Atque hæc de Hospitio privato apud veteres. Cujus quædam adhuc hodie vestigia existare Stuckius l. 95. 6. testatur his verbis: *Et Nobiles multis in locis & Ecclesiasti. ordinis homines, & mercatores & artifices quoque quum in peregrinam civitatem venerint, non in publica diversoria divertunt, sed apud se in vicem diversantur, atq; ita mutuum hospitii jus atq; officia inter se studiose exercent.* confer Garb. Hesiodor. pag. 289. Id quod sicuti in Ecclesia primitiva fuit frequentissimum: ita conducirer hodieque Ecclesiæ ac Reipublicæ, si consuetudo hæc instauretur, eoque ipso Tabernis Cauponis & hospitii Meritoriis propria flagitia ac scandala sufflaminarentur. Sed hoc sperari, genius sæculi vetat.

DISSERTATIONIS SCHILTERIANÆ

De

JURE HOSPITII.

PARS ALTERA.

§. 1.

**Q**uemadmodum Hospitium contraxerint apud veteres privati, utcunque explicatum arbitror Dissertatione superiore. Sequitur, ut reliqua hujus juris prosequar genera, quæ pertinent ad Civitates aut Principes tum inter sese, tum inter ipsos privatosque. Quæ tum Hospitium Publicum & Mixtum appellavi: de iisque conjunctim dicere aggrediar, quoniam communem trahere originem ex publica utilitate videntur, non confusus tamen, si quæ ipsis divortunt.

§. 2.

Origo  
utilitas  
publica.

Igitur ut Societas Politica omnis τὴ συμφέροντος χάριν δεκτὴ, καὶ ἐξ ἀρχῆς συνελθεῖν καὶ διαμενεῖν. IIX. NIC. IX. FIN. ita etiam publica hospitalis amicitia à communi utilitate orta & conservata est. Non vero talem intelligimus, quæ specie utilitatis publicæ repugnat honestati, cum quod turpe sit, id nunquam esse utile possit; CIC. III. OFF. 61. 72. Et hominum sit perversitas utilitatem ab honestate sejungere. Atque hoc jam tum superiori Dissertatione §. XI. explicatum est. Nunc alia persequar.

§. 3.

Jus ho-  
pitii  
Publ. tri-  
plex.

Trifariam cum gente aliqua conjungi solitos Romanos, Pomponius l. 37. AD Q. MUCIUM docet. Aut enim amicitiam habuisse, aut Hospitium, aut Fœdus amicitiae causa factum.



Atum. Amici Sociorum quoque nomine venerunt, & ple-  
rumque ista conjuncta leguntur vocabula, ut Soc. atque A-  
micum appellari; BRISS. II. FORM. p. 233. LIV. 43, 6. Societa-  
tem atque Amicitiam petere, renovare, facere. Lampface-  
nos, ut in amicitiam P. R. reciperentur; orantes, in sociorum  
formulam referre, Q. Mænius prætor jussus. Ariovistum,  
Regem atque Amicum a Senatu appellatum, ait Cæsar. I. de  
B. G. Dio l. 38. *eis τὰς π. συμμάχους ἐγγράπτο.* Hanc formu-  
lam & Paulus secutus: *Si in civitatem Sociam amicam-  
ve, aut ad Regem Socium, vel Amicum venerit, sta-  
tim post liminio rediisse videtur.*

§. 4.

Plane si privatus fuit in Amicorum potius, quam Socio-  
rum formulam receptus videri possit. Colligas id ex SC.  
Latine & Græce æri inscripto; quo Asclepiadem Clazome-  
nium, Polystratum Carystiam, Meniscum Mileesium *eis τῶν φ.*  
*λων Διέταγμα*, in amicorum formulam referendos curarunt  
Consules. Eisque *πίνακα χαλκῶν Φιλίας*, in capitolio ponere,  
& sacrificare, concessum; nulla vero Sociorum facta menti-  
one. LIVIUS 44. 16. At Onesimus tamen, nobilis Macedo, a  
Perseo profugus in Sociorum formulam relatus est. Sed &  
Polybium *σύμμαχον* fuisse *τῶν Ῥωμαίων* testatur Pausanias AR-  
CAD. Itaque non tantum alii Populi aut Reges, sed & priva-  
ti fuerunt tam Socii, quam Amici P. R. salutati. Differentia  
tantum in eo est, quod Amici alias etiam decuntur, qui-  
buscum pax tantum est, non qui etiam partes in bello se-  
quuntur. Vide GROTIUM JUR. BELL. III, 9, 3. Socii vero  
Auxiliares sunt. FESTUS IN AUXILIARES.

§. 5.

Amicitiam à Fœdere amicitia causa facto distingvit  
porro

Amicitia  
& Fœdus

amic.  
differunt

porro Pomponius. Enim vero Proculus l. 7. *EDD*, uno *FOE-*  
*DERATORUM* nomine & Amicos & hospites comprehende-  
re videtur. Ut & Grotius observat J. B. III. 9, 18. Præterea  
Fœderis Amicitiaque voces forte & promiscue usurpa-  
tos reperire licet. Sed enim quin & vera & accurata sit  
Pomponi distinctio, dubitandum haud est. Itaque vide-  
tur Amicitia & Fœdus amicitia differre, quomodo con-  
tractus, & pactum adjectum sive lex contractui cohærens.

Y. diff.  
quoad  
conditi-

Fœdus enim condiciones & leges amicitia sancit. Unde  
formula in Fœderum initiis: *AMICITIA HIS LEGIBUS ET*  
*CONDITIONIBUS ESTO.* Amicitia sine fœdere, generatim  
constituitur. Xenophon DE AGESIL. R. Achæis Argitiū

BRIS. IV  
FORM.  
352.

vos amicos, sibi confœderatos efficit. Samnites fœdere in  
societatem accepti. Liv. 7. 19 Fœderis amicitia causa exem-  
plum est etiam inter Judaicum & R. P. apud JOSEPH. I. XII A.

Plura ap.  
BRIS. IV  
Form.

J. 17. Amicitia & societatis nudæ inter Tiberium, Ptolō-  
mæum apud TACIT. IV, 62, 4. Unde & hoc obiter obser-  
vare licet, morem hunc amicitia contrahendæ tum tempo-

P. 359  
2 diff. di-

ris quoque intermissum, ex vetusto repetitum, esse. Sed &  
solennia quodvis horum sua sibi habuit. Amicis dona mit-  
tebantur, vid. BRIS. II. FORM. Fœderati jurejurando iræ

tate sive  
vetusta  
te 3. So-  
lennit.

divina obstringebantur, cæsa hostia; Festus: *Fœdus ap-  
pellatum ab eo, quod in paciscendo fœdere hostia, ne-*

ALEX. ab

*caretur.* Ita vulgo legitur. Si quis *FOEDARETUR*, legat, cum

ALEX. S.

neque ab V. C. vestigiis secedere, neq; a mente Festi, nec a vo-

3.

cis proprietate, quum *FOEDARE* priscis notet cruentare sive

I. 34. 31.

cadere, putarem. Facit huc, quod APUD LIVIUM Nabis ait:

*Nunc vos intueor, Romanos esse video, qui rerum  
divinarum fœdera, humanarum fidem socialem*

liv. 24, 6.

fau-

*sanctissimam habeatis.* Denique facit huc & istud quod cum Annibale Hieronymus Syrac. R. societatem facere potuit, Fœdus ex societate ut fieret, Carthaginem Legatos misit.

S. 6.

Medium locum Hospitium obtinet, ab utroque diversum. Etsi enim publicum hospitium dari solebat etiam iis, qui alio conjunctionis genere utebantur, veluti sociorum Legatis, aut ipsis Sociorum Principibus; unde in sociis quoque jus hospitale servari dicitur Livio; tamen hoc non tam jure hospitalis amicitiae, quam societatis aut Legationis fiebat; sed diversitas imprimis in fine cernitur. Quæ etsi utrobique est utilitas publica, tamen non eadem. Atque societatis contrahendæ causatum secutas propria & auxilii impetratio est, ut luculenter docent Campani adeuntes Samnites amicitiam Rom. rogantes apud Livium. Et hinc formula: *Jubere, quæ opus essent ad bellum, Imperare.* Liv. 23, 5. tum imperii stabilitio atque ampliatio, & sociorum tandem cum subditis commutatio. Hinc *συμμαχίας* omnibus temporibus Regna & Imperia evertisse sapientes observarunt. Eo spectant, quæ Strabo memorat: *σωθέντες δὲ ἡνίκα πρῶτον Πάριον τὰ καὶ τὴν Ἀσίαν διόκων, νικῶντες Ἀντιόχον, φίλους καὶ συμμαχίας ἐποιῶντο πρὸς τὸ ἑίδην, καὶ τὰς ἐσθλότητας.* Cum primum Romani res Asiaticas persequerentur, Antiocho superato, amicitias atque societates cum Regibus atque populis jungebant.

S. 7.

At hospitii alia fuit ratio. Unde etsi Assyrius Rex cum Bactri

Hospitium differt ab utroque

Briss. 45. 20.

lib. 7, 30. Grot. J. B. 2. 15. 6. & 3. 9, 2.

l. XII.



Bactrianorum Rege Jus hospitii haberet, societatis tamen incundæ Legatam miserat, ut est apud Xenophontem lib. V. *pr. Cyropæd conf. lib. VI. de Exped. Cyri.* Optime Grotius explicat 3 B. 2. 15, 5. & 3: 19, 18. Nimirum etsi hoc juris naturalis esset, hospites recipere, usuque urbis prohibere peregrinos, sane inhumanum, Cic 3 off. tamen a naturæ ductu ita aberratum olim erat; ut peregrinus & hostis æquo jure censeremur, & in truumque pariter grassari liceret. Hinc peculiari ad Jus Hospitii contrahendum pacto usus fuit. Patet etiam ex Historia sacra, exemplo Sodomitarum Gabaitarum. Præter hanc necessitatem porro & aliæ fuerunt quandoque causæ contrahendi inter civitates hospitii. Cum Cæritibus publice hospitium factum, quod Sacra P. R. ac Sacerdotes recipissent, Liv. 5. 50. Eoque post ortum bellum, inducias in Cannos impetrarunt Cærites, l. 7. 20.

§. 3.

Hospitii  
mixti fi-  
nis com-  
mercia.  
De Pro-  
vent. ib,  
p. 922.

Sed & commerciorum causâ contrahebatur non Publicum tantum, sed mixtum etiam. Et svadet hoc civibus suis Xenophon. *Esset, inquit, tum utile, tum honestum, illos ad hospitii necessitatem invitari, qui navibus ac mercimontis egregiis civitatibus prodesse viderentur. Hoc enim honore affecti, non tam quæstus, quam honoris causa redire ad amicos properarent. Enim vero quo plures in urbem admitterentur, Athenasque venirent, eo plus mercium importaretur, exportaretur, emitteretur, venderetur, mercedis ac tributi acciperetur. Nec ad hac proventuum incre-*  
menta

*menta sumtus ulli requirerentur, præter decreta humanitatis plena & ipsam diligentiam.* Atque ut plu-

ribus persequar hujus speciei rationem, quæ frequentior priori fuisse videtur: præter commerciorum finem, habu-

Gratitudo.

it & alios, Cum primis quando vel Principes viri inter se, vel Princeps & Civitas hospitium habuerunt, quod genus

Grot. J. B. 2. 16, 16.

pacti personalis habuit rationem. Gratitude sive signifi-

catio, & ad bene merendi ulterior invitatio, cum Senatus Syracusanus decrevit, ut L. Tullio Ciceroni, Marci fratri

patruei, hospitium publice fieret, quod is eandem voluntatem erga Syracusanos suscepisset, quam Marcus semper

habuisset. Accusaturus autem Lucius erat Verrem, & ad inqvi-

rendum in eum venerat; cum Timasitheo, Liparen-

liv. 5, 28

sium Principe, quod Legatos Romanos, Delphos misos à Liparen-

sibusque captos, liberasset, adductosque in publicum hospitium, cum præsidio etiam navium Delphos pro-

secutus, Romam inter hospites restituisset, hospitium sancto est factum: donaque publice data. Eadem origo fertur

Hospitii inter Æneam & Græcos, quod ille & Antenor hospicio prius exceperant Legatos Græcorum, repetentes

Helenam à Paride raptam, qui erant Menelaus & Ulysses. Speciatim vero quum non tantum municipia, sed aliæ

quoque civitates Principum Romanorum clientelas ambire solitæ sint, hujus juris apud se oblatione illud sibi quæ-

sivere. Quod ex multis inscriptionibus patet. Ita Ferentini T. Pomponio Basso Tabulam Hospitalem decrevere, ut in clientelam Amplissimæ domus suæ Municipium suum.

recipere dignaretur; Clientis quodammodo pars familiæ. *vid. Gothofred. ad l. 3. ff. de us. & hab.* sic & hospites inter familiares intimos; APUL. 7. METAM. 188. terme ut

Civis,

Civis, Patria &c. In clientelam suscipi prohibentur. Cautica-  
nive viri eorum, quia contra utilitatem publicam, l. i. C.  
*ut nemo ad suum Patron. lib. 11.*

§. 8.

II. Offic.  
Arist. IV  
Nic. 2,

Tullius tres enumerat usus hospitalitatis. Primum  
esse valde decorum; patere domus hominum illustrium  
illustribus hospitibus. Deinde id etiam Reipublicæ esse  
ornamento, homines externos hoc liberalitatis genere in  
urbe nostra non egere. Et denique vehementer utile iis,  
qui honeste multa posse volunt, per hospites apud exter-  
nos populos valere opibus & gratia. Disputat contra hæc  
Lactantius L. VI. Div. INSTIT. C. XII. Ac primo quidem  
negat, justi & sapientis viri domum illustribus debere pa-  
tere, neque enim hoc esse beneficium, sed humilibus & ab-  
jectis. Deinde illustres illos ac potentes nulla re posse in-  
digere; quippe quos opulentia sua & muniat & honoret.  
Denique Tullium suo sibi gladio petiturus, ait, in recipien-  
dis illustribus nihil spectari aliud, nisi utilitatem; jam ut  
quiquis maxime ad suum commodum referat, quæcunque  
agit, ita minime esse vix bonum, ipso Cicerone iudice; Ad  
hæc malitiam esse & ambitionem, per omnes portas cir-  
cumcurfare, ut advenientes populorum & urbium princi-  
pes domum tuam invites, cum non id agas, ut hospitalis sis,  
sed ut per eos apud cives eorum potentiam consequare.  
Jam ambire aliquid, simulare & prætere, aliud agere  
videri, cum aliud agas, non esse simplicis & aperti, sed mali-  
tiosi potius, & astuti, teste eodem Tullio. Quem locum  
hodie reperiri negat Thyrsius. Sed puto Lactantium respi-  
cere locum l. III. Off. ibi: Hoc autem celandi genus, quale  
sit & ejus hominis, quis non videt? Certe non aperti, non  
sim-



simplicis est, non ingenui, non iusti, non viri boni; versuti potius, obscuri, astuti, fallacis, malitiosi, callidi &c.

§. 10.

Hæc contra Tullium, Tullianæ Svedæ æmulus, quem nimius Philosophos persequendi feruor à via paullulum deflexisse videtur. Sed prima videamus. Non debet iusti & sapientis viri domus illustribus patere, quia nihil à viro iusto faciendum est, nisi quod sit beneficium. Ergo ne mercedem solvere viri iusti non est, quia non beneficium? Itaque hæc ratio non magis contra Jus Hospitii, quam contra omnem Iustitiæ rationem valet. Sed debet etiam a mercede remuneratio distingui. Neque enim quod non mere gratis fit, sed aliquam remunerationem secum trahit, id continuo mercenarium esse, judicandum est. Mandatum, ait Paulus l. 1. §. FI. MAND. nisi gratuitum, nullum est: nam originem ex officio & amicitia trahit. Contrarium igitur est officio merces. Nihilo tamen minus remunerandi gratia honorem invenire potest i C. PRO EO. Quid? quod pretium depositionis a mercede distingvere non dubitat Ulpianus? l. 2. §. 24 DE VI BON. RAPT. Qui ipse alibi testatur l. 1. PR. SIMENS. FALS. MOD. veteres non credidisse, inter mensorem agrorum, locationem & conductionem esse; sed magis operam beneficii loco præberi; & id, quod datur, ei ad remunerandum dari: & inde honorarium appellari. Itaque neque remuneratio beneficium perdit, neque permutationis facti mercenaria est. INST. DE LOC. COND. §. 2.

§. 11.

At enim *illustres illi ac potentes nulla re possunt indigere.* Certe quod quis non habet, & habere cupit, eo egeri dicendus est. Hospitii vero jus & petitur, & non prius

R

ad.

adquiritur, quam alterius consensu. Sed repugnat hæc ratio liberalitati ac Magnificentia, ut quæ sæpe erogare præcipiunt, etiam his, qui inopia ejus, quod datur, non utiq; premuntur. Verum quod in hoc Hospitii genere solam utilitatem recipientis spectare Tullium dicit, id & ante refutatum est, & cavit Cicero hanc cavillationem, quando diserte de iis, qui HONESTE multa posse volunt, loquitur. Quare cum eum Lactantius ita loquentem facit: *Ait enim, qui id (ita enim rectius videtur legi, quam vulgo quid :) faciat, potentem apud exteros futurum, per gratiam principum, quos sibi hospitii & amicitia jure constrinxerit: non citra omnem injuriam sententiam Tullius proponit. HONESTE AUTEM MULTA POSSE, significat in salutem patriæ potentia valere.*

§. 12.

- III. Off. 19. Atque TALEM per Hospitii vinculum QUÆRERE, neque ambitiosi, neque vatri est. Nam id quidem, quod Tullius *omnem simulationem ac dissimulationem remouendam* esse ait; crude dictum esse Grotius notat. Sed alibi ab ipso Cicerone explicatius proponitur. Itaque eam intelligit, qua injura alteri procuratur. Sed nec Hospitii jus nulla simulatione. Et aliud est, hospitali officio ad salutem Patriæ honeste contracto uti, aliud astute ad propriam potentiam augendam ambire hospitalem amicitiam. Per Patronos Hospitesque disceptandi cum Eumene locum in Senatu quærebat Legatus Rhodiorum, Liv. 42, 41. Cimon Atheniensis, quod hospitio Lacedæmoniorum utebatur, ab exilio revocatus in Patriam, Lacedæmonem sua sponte profectus, pacem inter hanc & Athenas, duas po.

potentissimas civitates, conciliavit; C. NER. c. 3. Quid vero heic astutiæ, quid ambitionis? Nec minus in Patriam pius Miltiades Cimonis filius. Hunc ostracismo multatum & in Chersoneso habitantem, quum πρόξενος hospes esset Lacedæmoniorum, ab exilio revocatus fuit, ut ab illos missus, inducias denunciaret. Timastheus, hospes Mosyntæcorum, inter hos & Græcos Societatem belli conciliavit. Sed admodum egregie hanc de re differit Antocides? Patricius Atheniensis, ORAT. I. de MYSTERIIS: Σκέψασθε τοίηην ἡ τὰδε, ἂν με σώσῃτε, οἷον ἔχετε πολίτην· εἶδ' ἔα μὲν, οἷον ἐστὶ πόλεως τοιαύτης πολίτην εἶναι. εἶδ' ἔα δὲ οἷον ἐστὶ ξενίας ἡ φιλοτηλίας πρὸς πολλὰς ἡ βασιλείας ἡ πόλεις, καὶ ἄλλας ἰδίᾳ ξένον εἶναι ἡ μέτοικον ἐν τῇ τῶν πλησίων. ὅστις ἄρμον δὲ οἷον σωφρονεῖν, ἡ ὀρθῶς βαλεῦσθαι, ὅστις ἄρμον δ' οἷον τὸ ἀμαρτύνειν πρᾶξαι κακῶς, πολλοῖς συγχειόμενον. ἡ πλείωνν πειραθεῖς, ἀφ' ὧν ἐμοὶ ξενίας ἡ φιλοτηλίας πρὸς πολλὰς ἡ βασιλείας ἡ πόλεις, καὶ ἄλλας ἰδίᾳ ξένος γεγενῆσθαι ὧν ἐμὲ σώσαντες, μεθεξέτε, ἡ ἐσὶν ἡμῖν χρησθαι ταῖς, ὅπως ἂν ἐν κομῶν ἡ ὑμῖν γένηται. Hoc est: & hæc perpendite, si me servabitis, qualem civem habituri sitis; qui, quanti faciendum sit civem hujus urbis esse, non ignorat, & qui scit, quandum referat, hospitem regionis vicinorum habitatorem esse, doctumque, quid sit sapere, recteque consilium capere, & scientem, solum scelestum infelicitè vivere, quamquam plurimis familiariter usus sim, multaq; expertus. Ideo mihi multæ hospitalitates multæ amicitiae contigerunt cum multis & regibus & urbibus, alios & privatum hospites mihi acquisivi; quorum omnium, me salvo, participes eritis: vestri arbitrii est, eis uti, quando opportunum erit.

Antocides, Orat.  
2. p. 266  
Xenoph.  
5. Exp.  
Cyr. p.  
351.

p. 245

§. 13.

Tamen non diffidendum, multos, quæ humani ingenii

R 2



nii est pravitas, jure hospitii nefarie in perniciem Patriæ fuisse abufos. Lysander Lacedæmonius, victis Athenienfibus, in unaquaque civitate fummum Imperium, poteftatemque omnium rerum committebat, non nifi his, qui aut ejus hospitio contrinerentur, aut fe illius fore proprios fide confirmarant; quare nihil aliud molitus eft, quam ut omnes civitates in fua teneret poteftate, cum id fe Lacedæmoniorum caufa facere fimularet, C. Nepos c. i. Nec aliter Tarquinius Superbus, Livio teftè, l. i. 49. Latinorum fibi maxime gentem conciliabat, ut peregrinis quoque opibus tutior effer inter cives. Nam & hofpitia cum primoribus eorum, & affinitates quoque junxit. CLAPM. DE ARCAN. 2:9, 15. & 19. Sed quod hi fanctiffimo hofpitii jure ad artem & flagitium dominationis parandæ abufi funt, internæ hofpitii juftitiæ nihil officit; & eft iniqua, in omni re accusanda, prætermiffis bonis, malorum enumeratio, vitiorumque felectio, Cic. III. LL. Quare Lactantius eundem fe hac in parte Tullii adverfarium præbuiſſe, cenſendus eſt, qualem tum, cum erraſſe eum demonſtrare voluit, quod idoneis eſſe largiendum dixiſſet. Neque tamen errat vir Chriſtianiffimus, ſed docet utique, quæ ad veritatem, Prudentiam ac perfectionem Chriſtianam & Spiritualem faciunt; Tullius; autem & nos in hac tractatione de Prudentia Civili, ejusque felicitate huic vitæ ſoli propria agimus,

§. 14.

Ac de origine quidem honeſtique ratione, quæ in hoc Hofpitii negere cernitur, ſatis, arbitror, dictum. Reliquæ ſunt tres partes, quarum una de officiis, altera de ritibus,

ac

ac more contrahendi, postrema denique de dissolutione proxenias agit. Sed quod ad officia, ea maximam partem possunt intelligi ex supra dictis. Multa enim communia inter sese habent Hospitii genera; Disp. l. th. 13, 18. puz repetere nil juvat. Quando vero quaeritur: An hospitem in acie occidere justum sit? eam quaestionem non fieri de Jure hospitii publici, quod antea inter civitates contractum fuit, quae nunc eo soluto, inter sese bellum gerunt; sed de mixto tamen, facile judicari potest. Hinc in bello, praelare factum a Philiis Xenophon laudat, l. VII. Hist. GRÆC quod cum Pellenensem quendam hospitem civitatis suae publicum cepissent; tamen rerum omnium inopia premerentur. nihilominus eum hinc pretio dimiserint. Omnino vero legenda, quae J. Gruterus de hoc σκέμματι ad Tacitum differit; itemque Notis ad Livium, ad cujus lib. XLV. cap. XLIX. inter alia hæc notat: Hospitalitas nullo bello plene planeque interruptitur, nisi quid incurrat, quod neglectum exiret in damnum dedecusve publicum.

§. 15.

Magis propria Hospitio publico est τῆς προξενίας institutio. Quæ talis fuit: Civitas, cui cum altera JES Hospitii erat, quembiam ex civibus eligebat, ut munus ejus esset hospitum recipiendorum. Vid. POLLUC. 3. §. FIN. XENOPH. l. §. Hist. GR & l. 6. PR. CONF. HERODOT. DE SPART. REG. CÆL. RHODIG. XI, 1. Hic dicebatur πρόξενος, munus ipsum, προξενία. Suidas: προξενία. ἡ τῶν ξένων ὑποδοχή ἢ αὐτῶν προξενίαν εἶδον οἱ Λακεδαιμόνιοι, n. e. munus recipiendorum notatum. Eustathius tradit vocabulum προξένος cum posteris demum Homerī cœpisse: ipsos autem προξένους ab Herodoto χαρτοτητῆς ἢ ὑπὸ δῆμῳ, ἢ ὑπὸ βασιλείᾳ ἐν σπάρτῃ fuisse tradi. Ex Albio Dionysii, eos definit: τῆς ὅλης πόλεως ξένης παρ

Publici, προξενία

γ. verb. 207. f. 307.

Ad II. Δ. οἷς καὶ πρέσβεις κατὰγονται καὶ αὐτὰ πρέσβεις προσαίχσι πρὸς τὸ δηρ  
 v. 364. P. μόνον Alibi ait: πρὸξενον μὴ, ὃ ὑπὸ πόλεως ἡξιωμῆεν ἐν τῇ  
 369. σφετέρᾳ προίσαοθαι ξένων. οἷον ὁ Ἀντήνωρ ἐν τοῖς τρωσὶ καὶ  
 ὁποῖοι οἱ βασιλικοὶ διοικηταί. Ex quo corrigendus videtur locus Hes-  
 sych. πρὸξενον, φίλον ὃ ἐν τῇ αὐτῇ (c. οἰκείᾳ) ξένιας (vulg. ξένια)  
 προισάμην. Nonnullibi Proxenus Hospites non in suis, sed pu-  
 blicis edibus & Syssitiis duxit. Aelius Dionysius ap. Eustath. πρεσ-  
 βείας προσαίχσι πρὸς τὸ δημόσιον. Hesychius: ξένιας δίκη, ἐπὶ  
 τῶν ὡς πολιτῶν μετεχόντων τῶν δημοσίων. Præter dictam rationem  
 constituendi πρὸξενον. aliam refert Scholiastes Thucydidis l. 3.  
 p. 107. quando quis αὐτὸ εἰσὶ γενόμενος retro suscepit munus  
 istud, non demandatum a civitate. Talem Thucydides vocat  
 ἐθελοπρὸξενον. Sed ἐθελόξενον apud Pollucem mendose legi, no-  
 tat H. Stephanus. Hesychio: ἐκὼν πρὸξενον.

§. 16.

εἰδιόξενον τῷ πρὸξένῳ opponitur εἰδιόξενον. Eustathius: εἰδιόξενοι οἱ εἰδι-  
 l. c. pag. καὶ αὐτὰς ξένοι ὄντες. & alibi: εἰδιόξενον δὲ, ὃ ἰδία ἢ πατρίδεν ξέ-  
 307. 370. νον. Unde iterum emendandus videtur Hesychius: εἰδιόξενοι οἱ καὶ  
 ἰδίαν ξένοι τενῶν, ἢ πάλαι, ἢ ἀπὸ πατέρων ὄντες ξένοι. Omis̄a distin-  
 ctione & particula ἢ legendum forte ἢ πάλαι ἀπὸ πατέρων &c. Præ-  
 ter πρὸξένος & εἰδιόξένος, ὀροξένος & δορύξενος: etiam apud veteres ce-  
 lebrantur. Illi erant, qui ἐκ προγόνων μὴ ἀπὸ αὐτῶν, αὐτοὶ δὲ ξένοι καὶ  
 ἀνανεώσεως δεόμενοι, ὅποῖον Ἀγαμέμνων ἐν Λυδία. Eustathius ex  
 Aelius Dionysio. Idem ex Pausania: ἀσόξενοι, οἱ γένει προσήκοντες τῇ  
 l. c. πόλει τὸ ἀνέκαθεν, οὗτοι ὄντες δὲ πολῖται, ὡς ἐν Κορίνθῳ γλαυκὸν ὁ  
 Ἰππολόχευ βέλτεροφόντα. Alii apud eundem Eustathium ita: ἀσό-  
 ξενοι οἱ γένει μὴ ἐξ ἀρχῆς προσήκοντες, ἐπὶ δὲ ἀλλοδαπῆς γενομένοις.  
 Idem Eustathius alibi: Ἀσόξενον, ὃ ἐκ προγόνων ἵσιν ὀπχωμένον,  
 ὡς Ἀτρεὺς Φρυγί, καὶ Τεύκρον Τρωσὶν ἀπὸ προγόνων Φρυγί μὴ ὁ  
 Πελοποννησίῳ Ἀτρεὺς δὲ Τρωικός δὲ Τεύκρον ὁ Σαλαμίνι.



## §. 17.

Idem: Δορυξένοι, οἱ ἐκ πολέμου ξένοι γεγονότες τισί? secundum Aelium Dionysium. At Pausanias: Δορυξένοι, ὁ ἐκ πολεμίων Φι- Δορυξέ-  
 λος, καὶ ὁ πρεσβυῶν πρὸς λούτρων εἰ ζωγρηθεῖεν ἴνες. Σοφοκλῆς δὲ ν. ν.  
 ἐν τῷ, ὁ γὰρ ἦγχευ ἔτ' ἐμ' ἐγὼ μέγιστον αὐτοῖς τυχεράν δορυξέναν ἢ πρὸς  
 χρᾶται τῇ λέξει πρὸς ἡλικιωτέρων ἢ δ' ἡλικίᾳ δορυξένος λέγει τὰς τοῖς Φο-  
 ροῖσι ἔ' Αἰγαμέμνονι Φιλιππιδέντι ἵνα πολεμικῶς ἐχθραίνωσι τοῖς  
 ἐκείνῃ παυσίν. ὡς εἶναι ἐτ' αὐτοῖς δορυξένον εἰπεῖν, καὶ τὸν χάριν δαρὸς ἦτο  
 πολέμου συμγαχικῶς ξενιδέναι ὑπὸ τινῶν. Idem Δορυξένος, ὁ πο-  
 λέμου χάριν ἢ ἐκ πολέμου φιλωθείς, ὡς γλαυκὸς καὶ Διομήδης. He-  
 sychius addendus: Δορυξένος, ὁς ἐμπροσθεν τὰς ἐμολογίας φίλος  
 ἐπὶ τοῖς τοῖς καὶ πρὸς ἡλικιωτέρων δορυξένος λέγει τὴν οἰκότητος τῆς γενεᾶς  
 πρὸς τὴν, δηλαδὴ καὶ τὸν ἀντιζυντα φόνον καὶ πρὸς τὸν. Ait: λέγει  
 τὴν οἰκ. τ. γ. πρ. vocatos esse δορυξένους h. e. propter peculiarem ri-  
 tum, quem adhibuerunt, qui ἐμπροσθεν τὰς ἐμολογίας φίλος  
 ἐπὶ τοῖς τοῖς. Morem illum tum ex Diomedis & Glauci permutatione  
 licet colligere, tum ex iis, quae Xenophon l. 4. EXPED. CYR. pag. 340  
 de ritu datae acceptaeque fidei inter Macrones & Græcos scribit.  
 Querunt illi [Macrones] inquit, num de eo (non laudando) fide da-  
 ta sibi caveri velint. Velle se, ajunt Græci, & dare fidem, & acci-  
 pere. Posthæc Macrones hanc barbaricam Græcis tradunt, &  
 ipsis Græci vicissim græcam: quod hoc pacto fidem dari apud se  
 dicerent. Simul utrique DEOS testes implorabant.

## §. 18.

Sed ne ὑπὲρ τὰ ἐκασμῶν πηδῶν videantur, redeo, unde dis-  
 psum. Πρόξενος ἰγὺρ a Scholiaste in aliquot Thucydidis locis  
 exponitur simpliciter φίλος. Quo pertinet & Hesychii: ἰδιόξεν-  
 ος, ἰδιόξενος φίλος. Alioquin ista differre, monet H. Stephani, ξέ-  
 νον esse plus, quam φίλον; & quicumque est ξένος, eundem esse et-  
 iam φίλον, at non contra. Unde cum Demosthenes φίλος καὶ ξένος  
 dicit, particulam καὶ valere idem, quod atque adeo. Perinde ac si  
 diceret non solum φίλος, sed ξένος etiam. Sic vicissim de eo, cui i  
 ne-

negat ullam prorsus amicitiam aut necessitatem interces-  
sisse cum alio, dicit, quomodo ille erat ξένος ἢ φίλος ἢ  
γνόμενος; qs. d. quomodo ξένος, aut saltem φίλος aut eti-  
am (quod his minus est) γνόμενος. Idem videtur de φι-  
λία sentiendum. Denique πρόξενοι dicuntur, teste H. Ste-  
phano, & urbes inter se, quæ sibi vicissim illud hospitali-  
tatis officium præstant. Unde & πρόξενία non tantum  
munus publicum recipiendorum hospitem significat, sed  
etiam publica hospitii necessitudo exponitur. Alias in  
hospitio publico duplex deprehenditur amicitia, una quæ  
propria est ejus & principalis, altera accessoria, quæ fit  
cum ipso prox. Id quod forte ansam Budæo dedit dicen-  
di, πρόξενίαν etiam privatam hospitii necessitatem vocari,  
quod adhuc probato testimonio indigere H. Stephani  
monet.

§. 19.

Ritus.

Tertio, quod propositum fuit, capiti, lucem  
jamtum præferunt ea, quæ superius dicta sunt  
dextræ porrectione donisque datis. Bœclerus  
*de Auspicio Regio, Cap. III. pr.* Maxima quæ-  
que rerum, certorum honore elogiorum ornan-  
tur, ostentantur insignibus, imaginibus figuran-  
tur, ut his tanquam symbolis vel profundior ea-  
rum natura, vel dignitas sanctitasq; quodammo-  
do declaretur, ac hominum venerationi com-  
mendetur. Bos donum hospitale. Lacædæmo-  
niis. Et pertinet huc, quod Lysias *Orat. XVIII.*  
me.

memorat DEUM Pyrilampum, triremium in  
 Cyprum navigantium præfectum, σὺμβολον, five  
 hospitalem tesseram, à Rege Magno phialam au-  
 ream accepisse. Cui addendus *Xenophon l. VII.* Conf. I.  
 Hist. exponens, quomodo pharnabazi filius eum VII. Hist.  
 Agefilao jus hospitii contraxerit. Itemque Livi- Græc.  
 us *l. V. 28.* de donis Tamasiltheo publice datis.  
 Quamquam omnino distinguenda veniunt Mu-  
 nera hospitalia à symbolis, quod ea magis ad  
 commendandam protestandamque amicitiam,  
 hæc ad contrahendam maxime spectent. De Muret.  
 illis potissimum Aristoteles IV. Nocom. C. 2. pag. 291.  
 nonnulla. Hos tesseras vccant. Quibus veteres II.  
 de lectati, ea & in hospitiiis & in amicitiiis fœde- Picc. I p.  
 ribusque adhibuerunt. Cujus rei causas Lud. pol. 9.  
 Gvicciardinus *l. 2. Comment.* ostendit, quum 402.  
 inter Gallos & Anglos constitutionem com-  
 memorans, ait; Quæ ut stare concordia, specimen  
 veri amoris & congratulationis extitit, quod E-  
 questri dignitate se mutuo honorabant isti Re-  
 ges. Quippe Henricus fibulam illam Equestem  
 tive bullatam, ab Anglo donum Periscelidem ac-  
 cepit, pro quo vicissim Eduardo torquem D. Mi-  
 chaelis imagine signatum rependit.



Decreta.

Grat. VI

Verr. f.

333. b.

Xenoph

l. VI.

Hist. Gr.

p. 598.

646.

Decreta facta esse Hospitiis dandis, testis luculentus est Cicero *lib. IV. Accusat. Decernunt statim* (Syracusani) *primum ut L. Fratri hospitium publice fieret, quod is eandem voluntatem erga Syracusanos suscepisset, quam ego semper habuissem.* Id decretum non modo tum scripserunt verum, verum etiam in Ære incisum nobis tradiderunt. *Tabula Hospitalis* vocata est, eamq; in domo ejus, cui tradebatur, posuerunt, ut videre licet ex Decreto Municipali, quod Brissonus exhibet *l. II. Form. p. 266.* Atque hinc lucem fœnerantur Xenophontis verba superius §. IIX. laudata de Decretis humanitatis plenis. Tomasinus c. IX p. 38. Hi magnis honoribus excipiebantur. Nam ut eorum erat fortuna & nobilitas, armis, fistulis, buccinis, atque tympanis procul admodum ab urbe partim peditatu, partim equis, & curribus honorifice iis obviam ibant incolæ, ubi summa comitate & verbis eos salutare, & in urbem ea pompa introducere, eosque ab proprios lares, congregatis amicis, deducere consueverunt. Cui officio Legati erant, seligebantur etiam a Senatu viri graviores, qui iis omnia hospitalitatis officia prolixè deferrent, conviviiisque magnificis ac

mu-

muneribus &c. Receptis triduitur licentia *πέναν*  
*χαλκῶν* ponendi in Capitolio, *LIVIVS* exponit,  
 donum. l. 43. 6.

§. 21.

Reliquum est, ut pauca de modo dissolvendi Modus  
dissol-  
venbi.  
 hoc genus hospitii. Atque prius de Renunciatio-  
 ne. Tamdiu servatur Jus hospitii, quamdiu nihil  
 ab hospite timetur, nec is hospitio se indignum  
 præbet. *Annis. Pol. c. XIII.* Hinc Amasis, Rex  
 Ægypti renunciavit hospitium Polycrati Samio  
 per Caduceatorem, quod cum nimium fortu-  
 natus esset, exitum infelicissimum minaretur.  
*Herodot. lib. IV. Thalia. Beroald. ad Sued. Ca-*  
*lig. C. III.* Causa igitur fuit salus suæ ditionis,  
 ne una cum Polycrate bello, aliisque turbis  
 implicaretur, eundemque exitum experire-  
 tur. Renunciabatur etiam amicitiae, ante-  
 quam bellum inferebatur; Id quod tamen  
 non a J. G. esse, sed a more & instituto tan-  
 tum quorundam populorum H. Grotius docet  
 J. P. 3. 8.

Vio-

## §. 22.

Violari amicitiam rebus maxime duabus ait  
 T. Quintius apud Livium, 34. 32. si Socios me-  
 os pro hostibus habes; si cum hostibus Te con-  
 jungas. Id quod ut de simplici amicitiae genere  
 verissimum, sic multo magis inter Hospites so-  
 ciosque id Juris obtinet. Cum enim Hospiti  
 Hospes, socius socio, defensionem quoque &  
 auxilium debeat, violantur utique ista jura,  
 quoties non tantum non defensio præsta-  
 tur, sed offendendi occasio arripitur,  
 Tantum.









WILLIAM SALLOCH  
Pines Bridge Road  
Ossining, New York



